

June 6. 1766.







B. firini ad simplicitatem 1830

VIATOR
CHRISTIANUS.

THE

LIBRARY

VIATOR CHRISTIANUS IN PATRIAM TENDENS

Per motus Anagogicos.

Dum sumus in corpore, peregrinamur
à Domino.. Cor. 2. cap. 5.



R O M Æ M D C C I X.

Excudebat FRANCISCUS GONZAGA.
Superiorum facultate.



Illustriss. ac Reverendiss. Domino

JO: BAPTISTÆ

B U S S I O

ARCHIEPISCOPO TARSENSI

Ad tractum Reni cum potestate

LEGATI A LATERE

Nuncio Apostolico.



U O N I A M in
cunctis Instituta-
tionibus *tunc di-*
gnum operæ pre-
tium venit, in-
quit Quintilianus, *cum in-*
ter se congruunt præcepta, &
experimenta, id potissimum
CHRISTIANO VIATORI

a 3 ad

ad quærendam Patriam com-
parando maximè frugiferum
existimavi , ut aurei hujus
opusculi præcepta saluber-
rima roborarentur etiam
exemplorum illustrium ex-
perimentis ; quo geminam
veluti facem dictorum , fa-
ctorumque unus , idemque
libellus præluceret , ac pro-
ximam , & compendiariam
viam , quo nihil peregrinan-
tibus accidere potest jucun-
dus , ostenderet : *longum*
enim *iter per præcepta* , in-
quit Seneca , *breve, & ex-*
peditum per exempla . At
exempla nec plura , nec illu-
strio-

ſtriora repetere aliunde potuiſſem, quàm ex commendatiſſimis vitæ tuæ rationibus; quibus, tanquam in tabella Nobis exhibentur, quæcumque abſtrahere Homines ab amore fluxarum rerum poſſunt, & ad quærendam Dei Gloriam, propoſitamque Nobis patriam inflammare. Neque enim Tibi ſplendor ampliffimi generis oculorum aciem perſtrinxit, ut avitis honoribus, & domeſticis inſignibus fruereris ad otium, ſed excivit potius, ut monumenta illa virtutum æmulareris eximiis argumen-

tis animi grassantis ad gloriam sempiternam. Certè nihil hærendum censueras in fallacibus oblectamentis, & inani specie rerum caducarum, cum Christianæ pietatis officiis, ingenti cum Urbis admiratione, Te penitus addixisti, & quibus in publicam lucem, primum Canonicatu Vaticanæ Basilicæ auctus, mox præclarissimis muneribus, & legationibus ad capeffendam Rempublicam, plaudentibus bonis omnibus processisti: Tum latè emicuit Apostolicus Ignis, quo ad Rem Christianā amplifican-

dam,

dam, ac muniendam cæteris
salutis viam rapiebaris : Sivè
cum apud Belgas Internun-
cius fortiter assereres jura Ec-
clesiasticæ Immunitatis, res-
que difficillimas feliciter ex-
plicares : Sivè cum in Colo-
niensi legatione probares uni-
versis prudentiæ, dexterita-
tis, consiliique magnitudi-
nem. Quamquam enim tem-
pora nunquam incidissent
turbulentiora, aut asperiora
negotia, tamen Ecclesiæ nun-
quam constitit operæ fructus
uberior, aut adversus portas
Inferi triumphus illustrior :
Nam neque intentatis minis

terreri potuisti, neque ipsis vi-
tæ periculis excuti, quominus
Ecclesiasticam libertatem in-
credibili animi constantia
tuereris; aut quominus mu-
rum opponeres. pro Domo
Israel, ne in Coloniensem
Ecclesiam externæ Religioni
pateret aditus; cum proposi-
tis edictis Catholicam inte-
gritatem vindicasti, undique
fremantibus procellis; sed for-
titudine tua ita resistente, ut
singularibus literis egregias
CLEMENTIS XI. P. M.
laudes commereris. Quæ ve-
rò Ecclesiasticarum virtutum
exempla in Te desiderata
sunt

sunt, cum Civitates aliquot
commendante Summo Pon-
tifice obivisti, ut disciplinam,
& Instituta explorares, & re-
stitueres? Tunc Divini Verbi
præconio, Sacramentis tri-
buendis, & ferendis legibus,
Te omnia Apostolici Mini-
sterii munera subeunte, auctæ
Religiones, & Sacrorum Cul-
tus in omnes partes; cum san-
ctissimam morum normam
verbo, vita, ac præceptis pro-
poneres, atque ingereres in
animos cunctorum correptos
admiratione sollicitudinis,
laboris, ac periculorum tuo-
rum. Ità nimirum **V I A T O R**
verè

verè CHRISTIANUS, statuisti Tibi properandum ad Patriam. Dignus profectò, cujus vestigiis insistere studeat, quisquis eodem iter intendit, ac dignissimus ex omnibus, cujus splendore nominis, ac virtutis libellus hîc præire possit ad Patriam. VIATORI CHRISTIANO. Vale.

Romæ 6. kal. Septembris 1709.

Tui Præsul Ill.^{me}, ac Rev.^{me}.

Addictissimus Servus

Joseph Sangermanus.

AD LECTOREM:



VI A est vita præsens, quâ ad Patriam tendimus . *Inquit Augustinus . Quisquis igitur es , qui opusculum hoc evolvere dignaberis , Viator es ; & ideò VIATOR inscribitur , quia viam demonstrat , quam feliciter curras , ut ad Patriam pervenias . Apum more varia pietatis libamenta ex piissimorum Virorum moralibus institutionibus , in unum saporem elaborata proponuntur , quibus animus ferventer & perseveranter , Deo aspirante , incumbens , ad altiora sensim elevari , donec potioribus gratiæ donis perfruatur . Legendus non rarò libellus est , donec documenta in eo tradita benè animo*

peri

*percipiantur ; & voluntas piis
affectibus imbui possit . Utinam
hæc legentibus aperiatur Deus cor
ad intelligendum , dispellens te-
nebras ignorantie , & sanans
animi languores ; ut crepti de
potestate tenebrarum , ad agni-
tionem veritatis perducantur ,
& in cœlestis Patriæ beata pos-
sessione conquiescant .*

INDEX.

CAPUT I.

PROPONUNTUR *quadam consideratio-
tiones Viatori utiles, & necessariae*
pag. 1

Via recta ad cœlum via Crucis 3

*Continuam mortificationem suadent nobis
authoritates, & exempla* 7

*Compendium viæ cœlestis est brevissimum.
per heroica* 13

*Decet Viatorem semper, & ubique Dei sui
meminisse* 15

*Orationes jaculatoria, & motus anagogici
quid sint, exemplis Sanctorum Patrum
approbantur* 20

*Exercitium Aspirationum in viâ Purga-
tiva* 22

In viâ Illuminativa 23

In viâ Unitiva 25

*Viatori per creaturas ad Creatorem ascen-
dendum* 26

CAPUT II.

PRAXIS aspirationum, seu affectuum,
pro qualibet occasione & actione 30
Actus oblationis omnium actionum totius
hebdo-

<i>hebdomade</i>	44
<i>Actus gratitudinis ad finem hebdomade</i>	
<i>eliciendi</i>	45

C A P U T III.

D I A R I U M <i>Viatoris Sive actionum.</i>	
<i>per diem ordinatio</i>	47
<i>Praxis recte intentionis</i>	51
<i>Actus Matutini.</i>	53
<i>Postulatio gratiarum</i>	56
<i>Actus diversarum virtutum</i>	58
<i>Actus resignationis cum divina voluntate</i>	
<i>quotidie exercendi</i>	59
<i>Ante Missae celebrationem</i>	60
<i>Actus diversarum virtutum</i>	63
<i>Gratiarum actio post Missam</i>	66
<i>Modus visitandi quotidie augustissimum</i>	
<i>Sacramentum.</i>	67
<i>Actus varii pro opportunitate temporis, &</i>	
<i>occasionis eliciendi, ante recitationem</i>	
<i>Officii divini.</i>	68
<i>Pia exercitia de Passione Domini ad o-</i>	
<i>mnes Horas canonicas</i>	69
<i>In ipsa recitatione divini Officii</i>	73
<i>Affectus post Horas canonicas, vel alias</i>	
<i>privatas Orationes eliciendi</i>	76
<i>Actus ante Meditationem</i>	79
<i>Ut felicius tibi succedat Meditatio</i>	80
<i>In ingressu Ecclesiae</i>	81
	<i>Visi-</i>

<i>Visitando SS. Sacramentum</i>	ibid.
<i>Praxis offerendi Sacrificium Missæ cum Sacerdote celebrante</i>	82
<i>Praxis Communionis spiritualis</i>	83
<i>Actus petitionis pro statu Ecclesiæ</i>	84
<i>Deprecatio pro felici successu sacre Reli- gionis</i>	85
<i>Postulatio gratiarum</i>	86
<i>Actus ad beatissimam Virginem, & Sanctos Patronos</i>	88
<i>An Angelum Custodem</i>	93
<i>Ad S. Joannem Evangelistam</i>	ibid.
<i>Ad S. Josephum</i>	94
<i>Ad S. Barbaram</i>	96
<i>Ad S. Patronum, cujus nomen in baptis- mate sortitus es</i>	97
<i>Modus honorandi quemcunque Sanctum in ejus festivitate</i>	98
<i>Actus Antemeridiani</i>	99
<i>Actus Meridiani</i>	102
<i>Actus Pomeridiani</i>	103
<i>Actus Antevespertini</i>	105
<i>Actus euntis dormitum</i>	106
<i>Actus brevis pro defunctis</i>	110

CAPUT IV.

SOLITUDO, seu quotidiana familiaris cum Deo Viatoris conversatio III
Die Dominico. Meditatio. De Beneficio
 Præ-

<i>Prædestinationis</i>	114
<i>Feria II. Meditatio . De Beneficio Creationis</i>	120
<i>Feria III. Meditatio . De Peccatis</i>	125
<i>Feria IV. Meditatio . De Morte , & circumstantiis ejus</i>	131
<i>Feria V. Meditatio . De Judicio Universalis</i>	137
<i>Feria VI. Meditatio . De Æternitate</i>	143
<i>Sabatho . Meditatio . De Pœnis Inferni</i>	148
<i>Die Dominico . Meditatio . De Gloria cœlesti</i>	153
<i>Motiva ad maturam , & seriam conversionem Viatoris ad Deum</i>	158.

C A P U T V.

B <i>REVES Meditationes de Passione Domini</i>	160.
<i>I. Christus in horto sudat</i>	162
<i>II. Christus in horto comprehenditur</i>	165
<i>III. Christus apud Caipham</i>	168.
<i>IV. Christus apud Pilatum & Herodem</i>	170.
<i>V. Christus flagellatur</i>	172.
<i>VI. Christus spinis coronatur</i>	175
<i>VII. Christus crucem bajulat</i>	178
<i>VIII. Christus crucifigitur</i>	181
<i>IX. Christus clamans voce magna expirat</i>	183
<i>pag.</i>	183
<i>Admonitio</i>	185
	Ora-

<i>Oratio ad quinque vulnera Christi</i>	186
<i>Pii affectus ex vita Jesu Christi</i>	188

CAPUT VI.

A <i>SPIRATIONES Viatoris pro felici</i> <i>morte ad Christum</i>	194
<i>Affectus ad Jesum agonizantem</i>	195
<i>Ad Beatissimam Virginem</i>	196
<i>A SS. Angelos, & omnes Sanctos</i>	197
<i>Homagia in vita & morte Deo prestanda</i> <i>pag.</i>	198
<i>Desiderium bonæ mortis</i>	200
<i>Aspirationes morientis</i>	202
<i>Suspiria ceram Christi crucifixi effigie</i>	204
<i>Orationes pro agonizantibus</i>	206
<i>Conclusio</i>	208

REIMPRIMATUR;

Si videbitur Reverendissimo Patri
Magistro Sacri Palatii Apostolici .

D. Archiepisc. Theodosia Vicesger.

REIMPRIMATUR;

Fr. Jo. Baptista Carus S. Theol. Mag.
& Reverendiss. P. Fr. Paulini Ber-
nardinii S. Apostol. Palatii Magistri
Socius , Ordinis Prædic.

CAPUT I.

Proponuntur quædam considerationes Viatori utiles,
& necessariae,

I.

Omnes Viatores sumus,
& peregrini.

Omnis, qui ad supernam pertinet civitatem, peregrinus est mundi, & dum temporali utitur vita, in patria vivit aliena. S. Aug.



Ic ut omnes quotquot nascimur, sive pauperes, sive principes, mortales sumus; ita omnes Viatores, omnes peregrini: toto aberraret cœlo, qui sibi patriam in exilio fingeret, qui manentem civitatem in itinere somniaret. Mundus omnibus diverforium est.

Unde benè S. Bernardus: *Sancti Viri peregrini sunt, & hospites in hoc seculo. Hinc reprehenditur Petrus, quod tabernaculum in monte fieri voluerit: quia Sanctis in hoc mundo tabernaculum non est. Et*
A S. Aug.

S. Augustinus, cuius diviti modum pecuniis utendi præscribens, ait: *Utere nummo, quemadmodum viator in hospitio utitur mensa, calice, urceo, dimissurus, non permansurus.* Tract. 40. in Joan.

Quia omnes peregrinamur, imitemur homines peregrinos, & viatores. Viator, seu peregrinus semper ad patriam suspirat, ad patriam sollicitè tendit, vestitum & victum habens, non vult aliis onerari. Peregrino diu stare, quiescere, sedere, emulari splendide, moras hicnectere, amœnitatibus, aliisque illicitis destineri non licet: *Nam stultus ille Viator est, (inquit S. Gregorius) qui in itinere amœna prata conspiciens, obliviscitur ire, quo tendebat. In via es, ô homo, ambula, ut pervenias, ne te nox in via occupet.*

Idem inculcat nobis mellifluus Doctor, cum dicit: *Peregrinus viâ regiâ incedit, non declinat ad dexteram, neque ad sinistram: si fortè iurgantes viderit, non attendit: si nubentes, aut choros ducentes, aut aliud quolibet facientes, nihilominus transiit, quia peregrinus est, & non pertinet ad eum de talibus.* Ser. 7. in Quadr.

Infelicissimam, Viator, fuge viam illorum, qui mundo & mente capti, hic sibi præfigunt patriam, hic fines vanissimos

CHRISTIANUS. 3

mos honorum, voluptatumque eligentes, homicidam animæ suæ præponunt Christo, voluptatulam pestilentem delictis cœli: *hic ob res caducas, animam suam & æterna bona (teste S. Augustino) vendunt diabolo, accepto tanquam pretio, dulcedine temporalis voluptatis cursumque misere abripiunt.*

II.

Via recta ad Cœlum Via Crucis.

Per quam viam ascendemus? 4. Reg. 3.

MAXIMUS ille, & amabilissimus Gigas, paratus ad currendam, cœlestem viam, duas commemorat vias, quibus Viatores tendunt ad felicem, vel infelicem terminum. *Spatiosa (inquit Matth. 7.) via est, qua ducit ad perditionem, & multi sunt qui intrant per eam. Arcia via est, qua ducit ad vitam, & pauci sunt, qui inveniunt eam.*

Spatiosa via, quâ currunt cæco impetu homines reprobi, quorum Deus venter est, qui ducunt in bonis dies suos, & in puncto honoris, in momento lætitiæ, in exultationis exiguo fluxu, ad inferna descendunt: est plenissima omni fraude & dolo, plena reptilibus, ac bestiis omnium scelerum, nimirum avaritiæ, lu-

xuriæ, odii, superbiæ . Per hanc viam, Mundus mercator perduellis suis spargit misera solatia, fallaces spes, brevem vilemque fortunam , quæ vix afficit & deficit, vix proficit & projicit , vix exponit & deponit, vix cōcedit & recedit.

Omissâ hoc loco spatiosâ, ac periculosâ viâ, in omni pio statu, ac professione , non tantum scilicet Religiosorum, sed etiam cujuscunque cōditionis secularium, arcta via est eligenda , nimirum via crucis ; quia omnibus in genere dictum est: *Per multas tribulationes oportet nos intrare in regnum Dei*. Deinde: *Regnum cœlorum vim patitur, & violenti rapiunt illud*. Non vinolenti, non somno, gulæ, luxuriæ, aut deliciis dediti. Frustra existimamus obtineri cœlum, posse, nihil patiando, & carni indulgendo, quicquid illa appetit . *Impossibile est* (inquit S. Hieron.) *ut præsentibus quis, & futuris fruatur bonis, ut hic ventrem, & ibi mentem expleat, ut à deliciis transeat ad delicias*.

Hac via dux & antesignanus noster Christus præivit . Primus ille crucem bajulavit , primus passus est , nobis relinqueas exemplum, ut sequamur vestigia ejus . Neque tantum passus fuit ad finem vitæ suæ , quando fuit crudelissi-

mè

CHRISTIANUS, 15
mè cæsus, spinis coronatus, & cruci af-
fixus, sed ab instanti suæ Incarnationis,
tota ipsius vita fuit passio, fuit continua
crux.

Post Christum ducem nostrum tran-
sierunt hac via crucis & Virgines, tran-
sierunt Martyres, transierunt pueri, &
puellæ, Tu solus hac via Crucis ire
renues? Christus portavit spinas, tu vis
te blandis rosis coronare? innocentissi-
ma Christi caro tam diris cruciatibus
lacerata est amore tui, tu Dei amore
non vis carnem tuam rebellem nisi in-
dulgender habere?

Deum seriò amare est unicum com-
pendium, ne commoda nostra quæra-
mus, ut secundùm Deum, non secun-
dùm nos vivamus. Divus Prosper *de vi-
ta contempl.* lib. 3. c. 1. hæc omnia scitè
ita complectitur, depingens hominem
suis commodis inhiantem: *secundùm sei-
psum vivit, qui se potuerit, est cum quibus
vult; pergit quo vult; dormit quando &
quamdiu vult; loquitur quæ vult, & ubi
vult; manducat & bibit, quando & quod
vult &c.* Qui autem secundùm Deum vi-
vit, non quod eum carnaliter delectat, sed
quod edificat, spiritualiter facit; & omnia
desideria carnis spiritualis desiderii dele-
ctatione compescit, futura presentibus an-
tepo-

reponit, carnem spiritui subdit.

Indulgenter tractare carnem est illam immortaliter odisse, ac ad æternum quod cruciat, ducere per momentaneum quod delectat. Undè S. Bernardus ep. 2. commoditates, porcorum filiquas vocat, quæ coelestium famem extinguunt. *Quomodo potest, inquit, esurire, vel sitire Christum, plenus quotidie filiquis porcorum? Quomodo ignis & aqua simul esse non possunt, ita spirituales & carnales deliciae.* Verè ait aureus ille Asceta Joannes Gersen lib. 1. cap. 24. *nos ipsos decipimus. per inordinatum amorem, quem ad carnem habemus. Quanto amplius tibi ipsæ nunc parcis, & carnem sequeris, tanto durius. postea pœnas lues, & majorem materiam comburendi reservas.*

Cruz ergo, seu mortificatio est arcta via, per quam cœlum ingredi contendamus. Qui verò crucem, seu quamcunque mortificationem fugit in quocunque statu, fugit viam arctam, semitam salutis, & incidit in vias difficiles.

Duplicem verò communiter Ascetæ assignant mortificationem, nimirum continuam, & discretam, seu discontinuam. B. Albertus Magnus *Paradisi anima*, cap. 38. *macerationis, seu mortificationis continuæ actiones has ponit. Primò spontè*

tè castigare corpus jejuniis, vigiliis, humi cubationibus, orationibus, ciliciis, disciplinis, abſtinentiâ cibi & potûs delectabilis, ut in omnibus caro ſpiritu ſubjaceat. Secundò carni nullam voluptatem, ſed ſolam neceſſitatem impendere. Tertiò non tantum ventrem, & os ſuum coërcere à cibi & potûs voluptate, ſed & linguam compescere à verbis illicitis: & viſum, auditum, guſtum, odoratum, & tactum refrænare à delectationibus, & cor à cogitationibus, & affectionibus voluptuoſis.

Continuam mortificationem ſuadent nobis authoritates, & exempla.

SANCTUS Paulus monet: *ſemper mortificationem in corpore noſtro circumferentes: & de ſeipſo, aliisque ait: Propter te mortificamur tota die: non habuit requiem caro noſtra: quotidie morior per veſtram gloriam. Et S. Bernardus ſuadet (ad Fratres de Monte Dei ſcribens) ſemper exhibere corpus ſuum hoſtiâ Deo placentem. Hanc hoſtiam per continuam mortificationem Deo amor ſacerdos immolat, quando corpus jejuniis, ſomno parco, cilicio, flagris, duro inter orandum, vel in lecto, ſitu, aliisque artibus afflictat.*

Primum exemplum continuæ mortificationis, seu crucis, accipe in beata Virgine: de ea scribit Gregorius Turo-
nensis, quòd ex quo templum ingressa
est, semper sit usa cilicio, somnus illi su-
per nuda humo, vel duris tabulis par-
cissimus fuerit.

De S. Bernardo in vita ipsius legitur:
Beatus Bernardus in afflictione corpo-
ris sui usque adeò sibi mundum, seque
mundo reddidit crucifixum, ut confida-
mus martyrum quoque eum merita ob-
tinere Sanctorum: quem confessionis or-
dine, & parimoniam vitæ, tam longum
constat duxisse martyrium.

Scribitur de Juditha lib. 4. quia ha-
bens super lumbos suos cilicium, jeju-
nabat omnibus diebus vitæ suæ, præter
festa domus Israel.

Ajunt S. Ludovicum Galliarum Regem.
si quando Confessarii jussu consuetum
cilicium deponebat ob valetudinem,
afflictam ad tempus; eo die concessam
hanc: ut ipse dicebat; corpori suo in-
dulgentiam, erogatis quadraginta scutis
in pauperes, redemisse.

Robertus Galliarum Rex, quintâ cu-
jusvis hebdomadis feriâ vestem regiam
exuebat, & cilicio ad carnem cooper-
tus centum sexaginta pauperum pedes
ablu-

abluebat, ac prolixo suo capillo tergebatur. *Lyraus* lib. 2. cap. 3.

S. Paula etiam in gravissima febris, molliâ lectuli strata non habuit, sed super durissimam humum stratis ciliciolâ quiescebat. De ea *S. Chrysost.* ep. 108.

Lectus S. Martini erat nuda humus superinjecto cilicio.

Tiberius Bisiniani Princeps sæpius nonnisi pane vescebatur, aquam bibe-
bat: ferreâ catenâ collo circumdatâ, quâ se Deiparæ mancipium testabatur.

B. Eleonora de Vanegas religiosa ter-
tii Ordinis Sancti Dominici pane solo
vescebatur, vel quandoque lauticiarum
loco, coctis herbis, nudis hyeme pedi-
bus ambulabat, humi cubabat, aut in-
assere, saxo cervicalis vicem subeunte,
ei cilicium diu noctûque humeris affi-
xum fuit, modico somno utebatur, ut
largius orationi vacaret, cui frequens
fuit per septimanam flagellatio &c.

Gratum sibi esse S. Edmundi cilicium
ostendit Deus, quando illud ab igne
servavit illæsum. Dum enim ejus cu-
bicularius, inquit Surius, cilicium, &
femoralia cilicina, quæ usu diuturno
contriverat, ab eo comburenda acce-
pit, & ille quidem misit ea in ignem, sed
ignis lambens ea consumere non potuit,

tanquam vereretur sacrilegii notam sibi iniustum iri, fraxderet ea, quæ beati viri carnem attigissent.

S. Eligius de sua prædestinatione anxius animi, hanc sibi vocem (nempe dæmonis instinctu) audire videbatur: **Quicquid agis inutile est: casurus es, quia de numero es reproborum.** At ille in consueta mortificationis exercitatione pergebat. Et verò inter cilicina, lintea noctu orantem vox è coelo lapsa recreavit: **securus es, si sic ad finem, perseveraveris.**

S. Theresia post obitum cuidam appa-rens dixit: si qua ex causa vellem care-
re beatitudine tantisper, certè ut am-
plius pati possem, cujus nunc tantam
mercedem in coelis video.

Alia mortificatio est discreta, seu dis-
continua, quam in variis actionibus to-
tius diei, & in omni occasione possu-
mus facere, videlicet in sensibus exter-
nis & internis, in potentiis tribus ani-
mæ, in linguæ usu, in pravis consuetu-
dinibus, in mortificatione honoris, amo-
ris proprii, & mundani &c.

*Ita dum egrederis in publicum, oculo-
rum cohibe curiositatem: ne aspice, quod
desiderare non licet; visum modestam &
depressum gere.* Magdalena Redonia

ter;

tertii Ordinis S. Dominici Professā, per urbem incedens, nihil præter silices & lutum intuebatur. Vidit aliquando S. Mathildis, dum in festo S. Joannis Evangelistæ sacris interesset, Beatam Virginem, & hunc S. Apostolum illustrem radio splendoris admirabili, qui ex oculis emicans in faciem Deiparæ dirigebatur, dumque hæret isto prodigio attonita, audit à Joanne: se, dum inter mortales viveret, eā fuisse erga Virginem Matrem reverentiā, ut desigere in illam oculos nunquam fuerit ausus.

Offert se aliqua curiositatis occasio? adhibe mortificationem. S. Carolus Borromæus nunquam per ullam fenestram, præspiciebat. Pia Magdalena Redonia, quando ad eam filii literæ deferebantur, ad tres, quatuorvè dies tenebat obsignatas, tum ut curiositatem suam frænaret, tum ut teneritudinem affectûs materni compesceret.

Aliquis te verbo, repulsâ, contemptu, aut alia ratione offendit, optima adest te mortificandi occasio. Sanctimonialis quædam in Monasterio B. V. de Gratia, si molesto, aut aculeato aliquo dicto perstringeretur, illicò se proripiebat ad SS. Eucharistiam pro hac cruce gratias actura.

Versaris in periculo violandi silentii, aut regule alicujus, aut præstandæ inutilis & otiosæ urbanitatis? Generoso recessu & mortificatione declina. Memoriae proditum est de Joanna Celerfia Attrebatî Religiosa, quòd rarò ad locum congressus, seu colloquii veniret, ne unquam nisi de rebus necessariis loqueretur. Unde ab aliis quibusdam sororibus majori licentia deditis, soror sylvestris appellata est; sed illa tali convitio immobilis, à sua consuetudine non recessit.

Cibum sumis? etiam hic in quo franges appetitum tuum invenies, sive à qualitate ciborum, sive à quantitate. Nunquam sine aliqua victoria recedendū est. Franciscus Arias pluribus confirmans, plurimum placere Deo mortificandi studium etiā in rebus parvis, assertè B. Petro Card. Damiani Abbatem, qui fertur allatum sibi piscem, ejus edendi desiderio tenebatur, cum pauper ad portam peteret sibi pro eleemosyna dari id, quod Abbati appositum est, audito eo, illi unā cum scutella misisse pro eleemosyna, ut seipsum mortificaret, seu pervinceret: pauperem autem unā cum accepta scutella in conspectu plurium è terra sublatum in coelum. Alia sexcenta exempla omitto.

Nunc

CHRISTIANUS. 13

Nunc ergo & nobis gemendum est sub jugo mortificationis; ne si crucis jugum nunc fugiamus, cum reprobis mortificemur æternum. Hac te, Viator, consideratione solare, crucem unius horulæ æternæ præmio & solatio compensari. *Curramus ergo (ut Anselmus urget) credendo, sperando, diligendo, corpus affligendo, benè operando: certè abstinentiæ, lacrymæ, preces, vigiliæ, ipsa sunt viæ, quæ in cælum ducunt, teste Ephræm.*

III.

Compendium viæ cœlestis est
brevissimum per Heròica.

Vidisti virum velocem in opere suo?

Prov. 22.

VIATOR, viâ regiâ, seu viâ crucis incedens ad patriam, si velit quandoque brevissimo tempore iter suum conficere, & pervenire ad terminum, in spiritu fervoris, seu per actiones heròicas progredi debet. Per has citiùs summum attingitur, & quod alii diuturno tempore, Viator heròicus brevissimis momentis assequitur.

Præstantissimus est talis fervor eorû, qui incumbunt actionibus heròicis, generosis, insolitis, & ita celeribus, ut incredibili velocitate sua omnes alias vul-

ga

gares transcendant actiones, & ad thronum gloriæ magni Dei pervenientes, Angelos omnes, & ipsum Deum in sui admirationem & amorem abripiant.

Talis fuit actus Abrahæ, qui ad unicam vocem Domini, ex nunc voluit unicum filium suum immolare. Unde audivit: *Quia fecisti rem hanc benedicam tibi.*

Ejus generis fuit actus heròicus Sancti Bernardi. Clericus quidam veniens ad hunc S. Abbatem, importunè instabat, ut in Monachum reciperetur. Dum ei suadebat S. Bernardus, ut ad suam reverteretur Ecclesiam, homo ille, velut insanus, tota vi percussit maxillam sancti Patris. Ad hunc tam gravem ictum, nec minimum Sanctus edidit impatientiæ signum lib. 3. cap. 6.

Alexius prima nocte nuptiarum, sponsam intactam reliquit, paupertatis propter Jesum experiendæ studio, & amore castitatis.

S. Casimirus maluit vitam amittere, quàm virginitatem.

Eximius ille vir Cæsar Buzius, dum quodam tempore videret augustissimum Sacramentum deferri ad ædes ægroti, statim nudato capite, facé manu præferens, contempto nobilium virorù occursum, à quibus se ridendum, & vilipendendum

dum sperabat, præibat ad ædes ægroti.

Theodosius Imperator magnam sanctimoniam & perfectionem consecutus est unico actu herodico: nimirum in ludis theatralibus, frangendo oculorum licentiam & curiositatem; quotiescunque enim occurreret aliquid aspectu jucundum gratumque, & populus magnis lætitiæ vociferationibus spectaculo acclamaret, tum se demittere, aut omnino claudere oculos solebat, ne quid eorum cupiditati indulgeret.

Hæ nimirum nobilissimæ, ac generosæ actiones mirum in modum accelerant iter ad egregiam sanctitatem. Hæ actiones sunt gratiæ prodigia, & germina spiritalis fervoris; itaut unicus subinde actus herodicus; non solum aucupari soleat singulares favores divinos in hac vita, sed etiam in altera incredibilia consequatur amoris divini, & gloriæ argumenta.

IV.

Decet Viatorem semper, & ubique
Dei sui meminisse.

In omnibus viis tuis cogita Dominum, & ipse diriget gressus tuos. Prov. 3.

VIATOR aspirans ad patriam, ne erret in terra deserta, invia, & inaccessa.

quosa, semper ambulet coram Deo, & cogitet Deum sibi intimè ubique præsentem: quia in Deo vivimus, movemur, & sumus.

Unde nos admonet S. Bonav. *Attende, ut quicquid agas, & ubicunque steteris, & quibuscunque negotiis impliceris, die ac nocte, omni momento & hora, Deum semper habeas in memoria, credens & cogitans, te esse verissimè coram eo, & ipsum cogitans ubicunque te aspicere. Hac autem cogita cum magna reverentia, ac timore pariter & amore. Et S. Greg. Nanzian. idem nobis inculcat: Non tam saepe respirare oportet, quam Dei meminisse; Deus enim continuò & continenter nobis benefacit.*

Certè continuò cuius Deus benefacit; quia per eum nobis terra stat, fluit aqua, diffunditur aër, ardet ignis, lucet Sol, coelum vertitur, nobis bruta animalia vivunt, serviunt Angeli: verbo; quæcunque sub visum, gustum, odoratum &c. cadunt, omnia munera tua comperies, quibus Deus te pascit cùm esuris, potat cùm sitis, operit cùm nudus es, fovet cùm friges, reficit cùm deficis, sanat cùm ægrotas.

Unde est summa infelicitas nostræ, quòd rarò præ oculis authorem bonorum

rum præsentem habeamus, quòd in hujusmodi actione supinè simus negligentes: perinde ut bruti pisces, cùm in mari vivant, moveantur & sint, se tamen ibi vivere, & moveri, & esse ignorant.

Est & summè periculosum homini nō meminisse Dei sibi præsentis; quia sicut pisciculus ex aqua extractus mox perit & moritur, ita homo ex Dei præsentia per oblivionem egressus, necesse est ut subito pereat, *Non est* (ait Propheta,) *Deus in conspectu ejus* (ideo) *inquinatae sunt viae illius in omni tempore*: ideo homo sine præsentia Dei sæpissimè in gravissima ruit & labitur peccata, in mentis cæcitatem, cordis obstinati duritiem, ac demùm cæco impetu ruit in præcipitium infernale. Nam sine præsentia Dei homo fit, aut per luxuriam velut bestia, aut per superbiam velut dæmon.

Maximam utilitatem Viatori adfert divina præsentia. Et imprimis, quia nos arceat à gravioribus peccatis, puritatem cordis adfert, & in timore Dei cōservat.

Habemus hujus rei exemplum in S. Bernardo. Contigit, ut Bernardus adhuc adolescens apud matronam quandam hospitaretur. Considerans mulier adolescentem decorum aspectu, capta est laqueo oculorum suorum, & in con-

cupiscentiam ejus exarsit. Cumque adolescens quiesceret, surgens ipsa de nocte, impudenter accessit ad eum, quam Bernardus sentiens, nec consilii inops exclamare coepit: Latrones, Latrones. Et ita usque tertio improba mulier fuit repulsa. Quonam hic invictus Heros scuto munitus, de carne & diabolo tam generosè triumphavit? certè scuto divinæ præsentia. Et verò quis coram Judice præsentem peccare audeat?

Deinde præsentia divina in nobis flammam divini amoris succendit. *Vis Deum amare?* quærit S. Thom. opus. 6. r. cap. 2. & respondet: *Prius oportet cognoscere. Summum delectabile oportet præapprehendere cogitando, ut possimus diligere appetendo.* Vide ergo intellectu semper Deum, ut concipias affectu.

Insuper præsentia Dei non ipsis Seraphinis assimilat. Pulcherrima Seraphinorum occupatio est coram Deo stare, clamare, amare, ut Isaias vidit cap. 6. Quisquis Deum amat, conatur illum ferre ubique in oculis, & imitatur Seraphinos: unde S. Gregor. *Seraphim ex singulari propinquitatē conditoris sui, incomparabili ardente amore. Tanto magis ardent, quanto viciniore bunc vident.*

Per præsentiam Dei omnis virtutum ad-

adquiritur perfectio ; qui enim mentis oculis semper intuetur Deum, omnia placita, omnes gustus, omnia mandata Dei adamussim exequitur . Quicquid ergo facis, sive legis, sive oras, comedis, bibis, loqueris, ambulas, in omni loco & actione accede ad Deum, Viator, ad Deum semper tibi intimè præsentem . Accedere autem potes triplici via, vel ut reus de peccatis ingemiscens per viam purgativam, vel inops virtutibus per viam illuminativam, aut velut sponsa ardens amore per viam unitivam.

Viam Purgativam vocant viri spirituales, quando intellectus animæ peccati foeditatem proponit, ut illud detestetur, atque exterminet ; quibus ipsa permota affectuum suorum pedibus (ut sic loquar) per voluntatem abit in timorem Dei, & à peccatis cum magna detestatione recedit.

Via Illuminativa est, quando intellectus voluntati proponit amandam pulchritudinem virtutis, omnique studio quarendam, maximè Christi, & Sanctorum exemplo.

Via Unitiva dicitur, quam beneficiorum Dei, & perfectionum consideratione, voluntas in Deum fertur per amorem, ejusque voluntati se conformat, atque

atque ad perfectam cum eo unionem aspirat.

Hinc apparet triplex affectuum genus, quod triplici via respondet in partes plures dividi posse.

Affectus viae purgativæ sunt, pudor & confusio de peccatis, dolor de iisdem, timor divinæ justitiæ, atque hinc mortificationis desiderium, ut homo illi satisfaciat.

Illuminativa: virtutum omnium amor, spes ac desiderium eas acquirendi, rerû terrenarum & voluntatis propriæ abnegatio, imitatio Christi, & Sanctorum.

Unitivæ: amor Dei, gratiarum actio, zelus animarum, lætitiæ & admiratio de perfectionibus divinis, suspirium ad cœlestem gloriam. Hac ergo triplici via, seu affectibus jaculatoriis, sæpius per diem potest Viator ad Deum, & patriam Beatorum accedere.


Orationes jaculatoriæ, & motus anagogici quid sint, exemplis Sanctorum Patrum approbantur.

DICUNTUR *Orationes jaculatoriæ*, quia instar jaculorum, seu sagittarum velocissimè transeuntium, in cor divinum, tanquam in scopum jaciuntur, ut

ut ab eo dona cœlestia obtineamus. De his S. Augustinus ad Probam ep. 121. dicuntur *Fratres in Ægypto crebras quidem habere orationes, eas tamen brevissimas, & raptim quodammodo jaculatas, ne illa vigilanter erecta, quæ oranti plurimum necessaria est, per productiones moras evanescat, atque habetetur intentio. Et Cassianus in collationibus. Frequenter, sed breviter orandum est, ne immorantibus nobis, inferere aliquid cordi nostro insidiator possit inimicus.*

Hunc brevem orandi modum per orationes jaculatorias, seu motus anagogicos exemplo suo nos Christus docuit. In horto enim iterabat hæc verba: *Pater, si possibile est, transeat à me calix iste. Sancti in cœlo continuo clamant: Sanctus, Sanctus.* Basilii suadet peccatori, ut ad imitationem Chananeæ identidem inclamet illud: *Miserere mei fili David.* Thais olim meretrix edocta à Paphnutio Abbate sic orabat: *Qui plasmasti me, miserere mei.* Beata Clara de Monte Falco millies quotidie Deum adorabat genua flectens, & totidem fundens orationes jaculatorias. S. Franciscus tota nocte orabat, hæc sola verba repetens: *Deus meus & omnia.* Narrat Theodoretus lib. 9. Simeonem Styli-

tam



tam , innumeras quotidie adorationes peregrisse, adeò ut unus numeraverit aliquando mille ducentas quadraginta, quatuor, alias omittens , quia lassus destitit numerare.

Dicuntur *Motus Anagogici* , idest sursum ducentes, nimirum, quia illis à rebus terrenis abducimur , & ad superna levamur, ac tandem ad beatam cum Deo unionem evehimur.

Exercitium Aspirationum in via Purgativa.

T I B I soli peccavi, Domine, & malum coram te feci.

Qui plasmasti me, miserere mei.

O me infelicissimum ! qui omnium peccatorum sum reus.

Miserere mei Deus secundum magnam misericordiam tuam.

Quò ibo à spiritu tuo , & quò à facie tua, mi Deus, fugiam?

O mi Deus ! si me ejicis , quis me recipiet?

Delicta juventutis meæ , & ignorantias, ne memineris Domine.

O Jesu, sis mihi Jesus.

Hic ure, hic seca , modò in æternum parcas.

Deus propitius esto mihi peccatori.

Non

Non audeo, mi Jesu, in cœlum oculos levare propter peccata mea.

Deus in adjutorium meum intende.

Sanctus Deus, Sanctus Fortis, Sanctus & immortalis miserere mei.

Pater peccavi in cœlum, & coram te, jam non sum dignus vocari filius tuus, sed nec creatura tua.

O Domina mea, monstra te esse Matrem.

Quæ utilitas, mi Jesu, in sanguine tuo & meo, si descendero in infernum?

Non mortui laudabunt te Domine: sed nos qui vivimus benedicimus tibi.

Quid mali fecisti mihi, Domine, quia offendi te?

Peccavi Domino.

O Jesu, ô summum bonum meum, cur unquam offendi te?

Væ tempori illi, quò te offendi, mi Deus.

Exitûs aquarum deducant oculi mei: quia non custodierunt legem tuam.

In via Illuminativa.

SERò te cognovi, pulchritudo tam antiqua: serò te cognovi, bonitas infinita.

Ibo, & quæram quem diligit anima mea.

De-

Domine Jesu, noverim me, noverim te, nec aliud cupiam nisi te.

Quocunque loco fuero, meum Jesum desidero.

Vivat Jesus, & exaltetur Deus salutis meæ.

Væ tempori illi, quo te, mi Deus, non amavi. (tuus.

Loquere Domine, quia audit servus Domine ante te omne desiderium meum.

Adjuva me, & salvus ero Domine.

O Domine ego servus tuus, & mancipium ancillæ tuæ Mariæ.

Illumina oculos meos, ne unquam obdormiam in morte.

Nolo vivere, mi Jesu, sine vulnere, quia te pro me video totum vulneratum.

Gaudens gaudebo in Domino, & exultabo in Deo Jesu meo.

Adhæreat lingua mea ori meo, si unquam oblitus fuero tui, mi Deus.

Credo tibi, & in te spero, & toto corde te volo diligere, Deus meus.

Ex te, in te, & pro te, mi Deus, sint omnia mea.

Benedic mihi, ò SS. Trinitas, ò dulcissima Virgo Mater, ò Angele mi custos, ò Patroni mei.

Eja, quæso, multiplica in anima mea virtutes, Domine Deus virtutum,

In

In via Unitiva.

MISERICORDIAS Domini in æternum cantabo.

Benedicam Dominum in omni tempore, semper laus ejus in ore meo.

O ignis, qui semper ardes, accende me. Paratum cor meum Deus, paratum cor meum.

Quis mihi det, ut diligam te, mi Deus, amore ardentissimo, quia tu es amor meus, & omne bonum meum.

O patria nostra! patria secura! à longe te video, ab hoc mari & exilio te saluto.

Cupio dissolvi, & esse tecum, mi Jesu. Tædet animam meam vitæ meæ, quia lumen cœli, Deum meum non video.

Quid mihi & tibi, ò Jesu fili Mariæ Virginis?

O patria! quando revertar ad te? Vivat Jesus in corde meo.

O mi Deus, quando transibo in te? quando abibo in cineres dilectionis tui?

Vulnerastis cor meum ò Jesu, ò Maria, vulnerastis cor meum.

O felix hora, quando liberabor de corpore mortis hujus!

Domine Jesu, quantum te diligunt qui te noverunt? omnes electi amore tuo exardescunt, & ego solus frigidus ero?

B

Cu-

Cupio, mi Deus, transire in te, transformari in te, perire propter te.

Nihil cupio, mi Deus, extra te, quia inquietum est cor nostrum, donec requiescat in te.

Moriar, mi Jesu, moriar: modo inter desideratissimos & suavissimos amoris tui amplexus.

Age, age bone Jesu: tolle amorem meum totum à me, & converte ad te: accende & rape, flagra & dulcesce: jam amem te, jam rapias in te.

Oh liquefam, oh conflagrem amore Dei mei!

Utinam vivere possim ego, sed non ego; sed vivat in me Deus amor meus.

V.

Viatori per creaturas ad Creatorem ascendendum.

Cor hominis disponit viam suam. Prov. 16

VARIÆ Viatori aspiranti ad patriam solent occurrere in via creaturæ Dei, & opera ejus: si ergo Viator noluerit errare, sciat & curet per eas Deum investigare, & per omnes semper amoris gressibus ad Creatorem suum aspirare. Viatori creatura nō sit remora.

Philo disertissimus Judæorum lib. de præ-

præmiis: *scilicet ad Deum esse omnia creata asseverat*. Via etenim patet nobis ab his quæ videmus, & contrectamus, ad opificem Deum, quem non videmus. Consonat Basilius Seleuc. Episcopus orat. i. dicens: *Cum Deus res creatas in morem scalæ Viatoribus adaptaverit, per eas sui amantibus ascensum ad se extraxit.*

Per creaturas Deus tuum, ò Viator, venatur amorem, cui capiendo, toto orbe creaturarum ponit laqueos. Utinam & tu capiaris! utinam sis amoris Divini præda, ne fias alterius amoris prædo! Omnis creatura inclamat tibi hæc tria. Accipe, redde, cave. Accipe creaturas ut beneficium: redde Creatori earum, officium: cave abutens illis supplicium.

Cur amas hæc terrena, nisi quia pulchra & bona sunt? possunt esse tam pulchra, & tam bona, atque ipse, à quo facta sunt? quis sic delectat, quàm ille qui fecit omnia, quæ delectant? Interroga creaturam: si à se ipsa est, remane in illa: si autem ab illo est, non ob aliud perniciofa est amatori, nisi quia præponitur Creatori.

Ad hanc piam ergà Deum affectionem, & continuū accessum, omnes Viatorem christianum creaturæ hortantur: si enim rationales illæ sint, si non, lau-

dem tamen Dei sui, vel apertè, vel occultè enunciant. Nullum argo dubium, quin facillimè possit, quicunque huic studio animum applicaverit, ex aspectu cujuslibet creaturæ in Deum assurgere, & piis affectibus ad Deum aspirare. Habemus hujus rei exemplum in Sanctis.

Scribitur de S. Fulgentio Episc. Ruspensi. Videns quondam hic Sanctus in generali conventionem nobilium Romanorum, tot dominorum præsentium splendorem, Theodorico Gothorum Rege concionante, exclamavit: O Deus! quàm pulchra oportet ut sit cœlestis illa civitas Jerusalem, si hîc in terris sic splendet Roma terrestris. Et si in hoc mundo tantus splendor concessus est amatoribus vanitatis, quanta gloria reservata esse debet contemplatoribus divinæ Majestatis.

Cōstantinus Magnus honorificè quōdam scripsit S. Antonio Abbati; quod factum Religiosi, qui cum illo erant, valdè admirabantur. Tunc inquit Sanctus ad illos: Quid admiramini Regem scribere hominî? potius admiremini Deum æternam suam legem scribere mortalibus, imò in persona Filii illis locutum.

S. Franciscus videns ovem solam in-
ter

ter hædos derelictam . Ecce, inquit, ut misera ista ovicula mansueta est inter capellas, sic Salvator noster inter Pharisæos mansuetus erat . Idem Sanctus videns quodam tempore agnellum à porco comestum : Ah parve agnelle, (inquit plorans) quàm ad vivum Salvatoris mei amarissimam mortē exprimis!

Anima quædam devota, intuens fluvium, cui cœlum cum stellis nocte serena repræsentatum erat, exclamavit: O mi Deus! eadem illæ stellæ sub pedibus meis erunt, quando recipies me in sancta tabernacula tua.

S. Francisca considerans pulcherrimum fluvium in ripa, in qua ipsa flexis genibus sedebat ad orandum, in extasim rapta aliquoties hæc verba lenta voce repetiit: tam dulciter & suaviter fluit gratia Dei, sicuti fluvius iste.

Alius arbores videns florentes suspirabat: ut quid ego solus deflorui in horto Ecclesiæ? ut quid sum arbor sicca nullum fructum faciens?

Alius intuens cursum Solis, dicebat: Quando, mi Deus, anima mea sequetur Agnum, Solem justitiæ quocunque jerit?

CAPUT II.

Praxis aspirationum, seu affectuum, pro qualibet occasione & actione.

Dum Cælum conspicias.

DOMINE non sum dignus videre altitudinem cœli, præ multitudi-
ne iniquitatis meæ.

2. O patria nostra! patria secunda! à longè te video: ad te suspirat peregrinatio mea. Tædet animam meam vitæ meæ, quia non video Deum Deorum in Syon.

3. Utinam, mi Deus, tantùm te nunc amare possem, quantum omnes Beati in cœlo hætenus te âmarunt.

Dum aliqua grata & venusta vides.

1. **S**I tanta, mi Deus, facis nobis in carcere, quid ages in palatio? si tanta solatia in hac die lacrymarum, quanta conferes die nuptiarum?

2. Quicquid mihi dare vult Dominus meus, præter se ipsum, dulce mihi non est; auferat totum, & se mihi det.

3. Quàm aridus & durus es, anime mi,

CHRISTIANUS. 31

mi, sine Jesu! quam insipiens & vanus, si cupis aliquid extra Jesum! esse sine Jesu gravis infernus, & esse cum Jesu dulcis paradifus.

Dum animum relaxas.

1. **O** DILECTE JESU! unicum cordis mei gaudium, quia amoris mei delictum! da, ut amando te, semper fim hilaris; quia offendi te, meritò fim tristis.

2. Ego autem in Domino gaudebo, & exultabo in Deo Jesu meo.

3. Utinam efficere possem, dulcissime Deus, ut omnia gaudia, quæ sunt, & erunt in mundo, non sint nisi de te! Tu enim es vera dulcedo cordium, excedens omne gaudium, & omne desiderium.

In aspectu Solis, & Stellarum.

1. **O** SOL mundi oculus, qui me toties peccantem aspexisti, utinam me deinceps nonnisi dolentem & lugentem aspiceres!

2. O mi JESU candor lucis æternæ, quando in lumine tuo videbo lumen tuum? quando me totum concremabis flammâ tui vivi incendii? quando me totum liquefacies penetratum efficaci suavitate tua!

3. Ar-

3. Ardeant tibi & luceant, DEUS meus, sydera tua, & tot accende tœdas amoris in corde meo, quot in cœlo splendent stellæ.

In aspectu Ignis.

23. **H**ic ure Domine, hîc seca, modò in æternum parcas.

2. O Domine amoris! deficiat & convertatur in cineres cor meum, si non permitto, ut amoris tui flammis æstuet & ardeat.

3. O si citiùs ut ferrum igni; ita & ego tibi Deo meo uniri, ac in te transformari possem!

In aspectu Aquæ.

1. **O** Si derivare possem in oculos meos, flumina, maria, oceanum! efflerem ista omnia hoc luctu: Heu! peccavi Domino: dereliqui fontem aquæ vivæ!

2. Immenſa dulcedo, mi Deus, utinam me totum in te rapiens absorberes, & absconderes! Quod enim est mari absorbere unam guttam, hoc tibi est absorbere me.

Ante quodlibet opus.

1. **O** Mi Deus, titulus & inscriptio omnium act ionum & cogitationum

CHRISTIANUS. 33

num mearum est nomen tuum, quod est
Jesús: tua enim sunt omnia, & propter
magnam gloriam tuam omnia mea do,
dico, & addico tibi.

2. Quicquid videro, quicquid au-
diero, quicquid sensero, totum tibi ser-
viat, mi Jesu: omne opus à te incipiat,
& per te cœptum finiatur.

3. Desidero, ut quævis actio mea,
non tam sit actio, quam amor tui major
& major continuus, mi Domine.

Ad sonitum Horologii.

1. **B**ENEDICTA sit illa hora, qua
Dominus noster Jesus Christus
incarnari voluit, & pati pro nobis: qua
concepta & nata est SS. Mater Dei
MARIA.

2. Ecce elapsa est hora, Deus meus,
cujus inutiliter jacturam feci: utinam
geminatis ignibus hanc jacturam re-
farciam.

3. Respice in me, Domine, & misere-
re mei, præsertim in hora mortis meæ:
& fac me talem in hac hora, qualem me
desideras in æternitate.

Actus ante disciplinæ exercitium.

1. **M**EMOR sum, ò Domine, op-
probrii, & confusionis, quam
B 5 pro

pro me passus es in crudelissima flagellatione tua, quando virgineum corpus tuum virgis spineis cruentabant, loris nodosis, & uncis ferreis dilaniabant, catenis ossa ipsa, & costas divellebant.

2. O anime mi! ad tam funestam, Salvatoris tui tragœdiam ne quidem ingemiscis? si feram aliquam sic excarnificari cernerēs, an commiseratione non tangereris?

3. Æquum est, mi Iesu, ut qui flagellationis tuæ causa fui, illius quodammodò particeps fiam. Unde offero tibi eam, Domine, in unione acerbissimæ passionis tuæ: omnes ictus & flagella tuo aspergo sanguine, ut hoc poenitentiae exercitium gratius tibi sit, cedatque in satisfactionem pro peccatis meis.

Dum insurgunt tentationes impurae.

1. **A** M O R meus crucifixus est, & ego voluptatū operam dabo? Absit: non decet sub spinoso capite membrum esse delicatum.

2. Salvator mundi salva nos, qui per crucem & sanguinem tuum redemisti nos; auxiliare nobis, te deprecamur, Deus noster.

3. Eja adest o, optime Iesu, ne sanguis tuus in me pereat. Adsis clienti tuo

tuo Maria . Adeste Sancti omnes ; vestris præfidiis munitus sperabo in Domino : & licet confurgant adversum me castra , non timebit cor meum . Iesu , Maria , Ioseph , dono vobis cor meum ,

Cum domo egrederis.

VIA s tuas, Domine, demonstra mihi, & semitas tuas edoce me. Perfice gressus meos in semitis tuis , ut non moveantur vestigia mea.

Cum deambulas.

1. **O** QUANTI sunt infirmi, & claudi, quibus ambulare concessum non est . Gratias tibi, Domine , quia corpus integrum dedisti mihi, & me hætenus incolumem conservasti.

2. Domine non sum dignus calcare hoc pavementum , per quod transeunt tot servi tui, quibus comparatus vermis sum, & non homo , opprobrium hominum, & abjectio plebis.

3. O si quovis momento vitæ meæ, quovis gressu accurrere possem ad pedes tuos , mi Iesu , illosque lamberem, illos amplectere.

Cum vides aliquod peccatum proximi.

1. **C**OMPATIOR, mi Deus, peccato huius hominis; non credo tamen

men illud esse tantum malum, quantum mihi videtur. In supplementum tuæ offensæ offero tibi pretiosum sanguinem Filii tui, & in illo hoc peccatū depono.

2. Ego, Domine, majora peccata perpetravi, proh dolor! & gravius te offenderem, nisi tua me gratia præservaret: unde etiam toto corde tibi gratias ago pro auxilio mihi præstito.

3. Amore tui, mi Deus, doleo de omnibus peccatis à quocunque unquam contra te commissis & committendis, quæ, si possem, impedire, & sanguine meo delere vellem.

Cum vides aliquod bonum proximi.

1. **S**ERVAT tibi, mi Domine, quicquid est in cælo, & in terra: quia dignus es accipere laudem, & gloriam, & honorem ab omni creatura.

2. Sis benedictus, Domine, in firmamento cæli pro omnibus bonis inspirationibus & auxiliis, quæ tam huic personæ, quam omnibus tribuisti.

Cum das Eleemosynam.

1. **S**I ego possem, Domine Deus meus, omnium egenorum miseris subvenire.

2. Offero tibi, mi Deus, omnes divi-

vitias omnes thesauros hujus mundi, omnia regna, omnes redditus; itaut si hæc omnia mea essent, illa amore tui pauperibus erogarem, & in tui cultum effunderem.

3. Gratias tibi ago, Domine, quia me pascis à juventute mea; nam inops & pauper sum ego.

In aspectu imaginis alicujus Sancti.

O SANCTE, Sanctæque omnes fideles Sponsæ Christi, saluto & veneror vos! Gratias ago Deo meo, quod vos elegerit, & in sublimi gloria collocaverit.

2. O felices animæ! quando vobiscum gustabo, & videbo, quàm suavis fit Dominus? ò longa mora, ò tædiosa dilatio.

Dum vides imaginem Crucifixi.

O PATER æterne, respice dulcem natum, toto corpore extensum: cerne manus innoxias pio manantes sanguine: vide latus crudeli perfossum cuspide, & dimitte nostra crimina.

2. Instantum me diligis, Deus meus, ut te odisse videaris: cum posses gutta redimere, non dico cruoris, sed sudoris, redemisti unda.

3. Ado-

3. Adoramus te Christe, & benedicimus tibi, quia per Crucem tuam redemisti mundum.

In aspectu imaginis SS. Virginis.

AV E gratia plena, Dominus tecum; *vel* Salve Regina, Mater misericordiæ.

2. Quis non diligit te, Regina cordium, ò Mater sancti Amoris, quis non diligit te? utinam omnes creaturæ tibi serviant?

3. Substerno tibi, Virgo beatissima, me tuum licet indignissimum. mancipium, tuisque virgineis pedibus cor meum subjicio, quia melius apud te erit, quàm apud me.

Cùm aridus es.

PA T E R cœlestis, pro frigida & misera cordis mei ariditate, offero tibi fervida desideria, & ardentissimum amorem dilectissimi Filii tui, beatæ Virginis, & omnium Electorum tuorum.

Dum recordaris alicujus peccati.

1. **O** Quàm justè me jampridem in infernum detrudere poteras, justissime Iudex, pro peccatis meis, & mihi clementer pepercisti.

2. O si

2. O si quod factum est, possem infectum reddere! ò si tempus præteritum revocare! ò quàm bonum erat mihi si natus non fuisset! neque enim vitam mihi dedisti ut te offenderem Deus meus.

In aspectu volucrum.

1. **B**ENEDICITE omnes volucres coeli Domino.

2. Quid est homo, quòd memor es ejus, mi Domine? omnia subjecisti sub pedibus ejus, volucres coeli, & pisces maris.

3. Quis dabit mihi pennas sicut columbæ, & volabo & requiescam sub umbra illius, quem desiderat anima mea?

Cùm noctu decumbis.

1. **O** AMABILISIME DEUS! quàm dormit securè, pro quo vigilat amor! nullas metuo insidias, ubi amor habet excubias.

2. O mi Deus lux indeficiens! dum clauduntur oculi mei, fac ne simul amoris tuo claudatur cor meum.

3. Gratias tibi Domine, quia dùm nox in suo cursu medium iter haberet, omnipotens sermo tuus è regalibus sedibus venit.

Dum

Dum manè indueris.

1. **E**XUE me, Domine, veterem hominem cum actibus suis, & induc me novum hominem, qui secundum Deum creatus est in justitia, & sanctitate veritatis.

2. Te sic præcipiente, Deus meus, corpus terrenis vestibus induo: non propter ornatum, & superbiam, sed propter necessarium indumentum, & ut ex habitu status meus discernatur.

3. Dum ego corpori meo vestes tribuo, tu Deus induc animam meam veste innocentiae, ut habitus ejus laudabilis appareat coram te.

Cum manus abluis.

1. **A**MPLIUS lava me, Domine, ab iniquitate mea, & à peccato meo munda me.

2. Domine Iesu, qui lavisti nos à peccatis nostris in sanguine tuo, lava omnes animæ meæ sordes, & super nivem dealbabor.

*Dum Missæ assistis, ad elevationem
Hostiæ, & Calicis.*

1. **P**ROTECTOR noster aspice
Deus, & respice in faciem
Christi tui.

2. Amo

CHRISTIANUS. 41

2. Amo te, & adoro toto corde & affectu. Lava me in tuo sanguine, & da mihi pati pro amore tuo.

3. Tu Rex gloriæ Christe: tu Patris sempiternus es Filius.

4. Amantissime Iesu, per effusionem sanguinis tui fac, ut mundo mortuus tibi soli vivam, à me ipso penitus deficiens.

In quacunque tribulatione.

1. **B**ONUM mihi, Domine, quia humiliasti me. Propter te sustinui opprobrium, operuit confusio faciem meam.

2. Auge, Domine, dolores, auge afflictiones, sed adauge patientiam. Hic ure, hic seca, ut in æternum parcas.

3. Gratias ago tibi, Deus meus, quia voluntas tua in me adimpletur, quia voluisti ab æterno, ut hæc mihi evenirent. Offero ea tibi ad gloriam tuam, in unione passionis tuæ:

Ante concionem.

1. **D**IGNUS es, Domine, accipere gloriam & honorem. Utinam & ego omnes ad te Creatorem meum convertere possem.

2. Eja Domine video, ut infiniti pereant. tuo sanguine & laboribus empti:

pti: & nemo potest venire ad te, nisi tu traxeris eum: quid ergo pollutis labiis & corde præstare potero sine te? da igitur mihi gratiam, ad quod vocasti me, & adsint mihi SS. Angeli, & Patroni mei, ut ad tuam unius gloriam fiant universa.

3. O Sanctissima Trinitas, aperi os meum ad benedicendum, & laudandum nomen sanctum tuum. O Iesu, da mihi guttam sanguinis cordis tui, ut illo cor meum conspersum incalescat. O Maria, da mihi guttam lactis tui virginei.

Ante Confessionem audiendam.

1. **O** IESU unica salus, sana, quæso, per me hanc animam peccatricem, quia tu cor contritum & humiliatum non soles despicere.

2. En pretium sanguinis tui Sponsa tua ab hoste vulnerata. Doce me, ut prudenter cæcam & ægram ducam in viam salutis æternæ, quia tu nihil horum odisti, quæ fecisti & redemisti.

3. O Iesu adsis, ò Spes nostra misere. O SS. Angeli, ò SS. Patroni adjuvate me. En volo, Domine, potestate à te mihi, & ab Ecclesia collata, absolvere poenitentes meos, quod fiat ad gloriam divinæ Majestatis tuæ.

Ante

Ante refectiōem.

1. **L**IBERALISSIME Dōmine, il-
linè tu escam dabis, qui te non
semel convitiis, & opprobriis saturavit?
cur talem escam aliis melioribus, qui
fame pereunt, non providisti? Indignus
enim sum rationalis creaturæ cibus, &
pane filiorum, qui jumentis insipienti-
bus similis factus sum propter innume-
ra peccata mea.

2. O Deus meus, misericordia mea,
gratias ago tibi, qui pascis me à juven-
tute mea, & usque nunc aperis manum
tuam, & imples me licet indignum ani-
mal benedictione.

3. Decerno, temperantissime Iesu,
esca & potu eo tantum uti, ut natura ad
serviendum tibi consistat. Nolo, Do-
mine, ullam in mensa voluptatem per-
cipere, memor fellis & aceti, quod ipse
gustasti.

In ipsa refectiōe condimentum spirituale.

QUAM magna multitudo dulcedi-
nis tuæ, Domine, quam abscon-
disti timentibus te.

Virtus tui divini amoris me totum
tibi incorporet, amantissime Iesu.

Tu es spes mea, Domine, portio
mea

mea in terra viventium.

Dominus meus Iesus in cruce sitit,
& ego comedam & bibam?

Utinam, Domine Iesu, felle, quod
gustasti, omnia mea prandia condiantur.

O coena magna, quando accumbam
ad te? ò torrens voluptatis, quando
potabis me?

Quanti mercenarii abundant in do-
mo Patris mei panibus, & ego hìc fa-
me pereò?

O quàm millies felicior esses anima
mea, si colligeres micæ, quæ cadebant
de manibus Iesu, nunc in deserto, quan-
do illi ministrabant Angeli, nunc in
domo Pharisei, ubi Magdalena lacry-
mis rigavit pedes ejus. O si etiam in
societate Virginis Matris puerum Ie-
sum pascentis hunc cibum sumeres?

*Actus Oblationis omnium actionum
totius hebdomadæ.*

O P R O, mi Domine, etiamsi abje-
ctissimus sim, ut in similitudinem
Beatorum comprehensorum, qui tuo
stabili amore fruuntur, possim incessan-
ter laudare te, amare te, cogitare de te.

Desidero, ut quælibet respiratio oris
hæ hebdomada, & omnibus diebus vitæ
meæ, sit ad te Deum meum aspiratio
cordis. Volo,

Volo, ut serviat tibi, Domine, quicquid ago, quicquid loquor, quicquid cogito. Volo ut omnis animæ & corporis actio, & omne momentum vitæ meæ nihil aliud spiret, nisi Sanctus, Sanctus, Sanctus Dominus Deus Sabaoth.

Et hæc omnia unita meritis vitæ & passionis Domini nostri Iesu Christi, sanguine ejus aspersa, in corde deposita, manibus benedicta, conjuncta omnibus lacrymis poenitentium Sanctorum, omnibus meritis Mariæ, & omnium Electorum tuorum, offero divinæ Majestati tuæ. Ex amore tuî ad majorem gloriam tuam. In gratiarum actionem, & satisfactionem. Ad impetrandam mihi virtutem & gratiam N. Ad impetrandam peccatoribus contritionem, ægris sanitatem, tentatis auxilium efficax, justè bellantibus victoriam, quibuscunque indigentibus opem & auxilium, agonizantibus perseverantiâ, requiem defunctis.

Actus gratitudinis ad finem hebdomadæ eliciendi.

QUID retribuam tibi, Domine, pro omnibus quæ hisce diebus, & omnibus momentis vitæ meæ tribuisti mihi? quid pro bonis publicis & pri-

& privatis? quid retribuam tibi pro
conservatione, cooperatione, & guber-
natione omnium creaturarum?

Quid pro bonis operibus, verbis, co-
gitationibus, te donante à me conceptis
referam, quippe qui nihil boni cogitare
possum, nisi te largiente? Quid pro au-
xiliis & inspirationibus tuis? O Domi-
ne, pro his omnibus sis benedictus in
æternum.

Quid autem pro his omnibus reddidi
tibi? Heu! reddidi mala: pro bonis,
quia toties ausus sum gravissimis pecca-
tis meis te offendere, te contristare. O
utinam ea nunquam commissem, non
corde, non ore, non opere!

Suppleo omnes defectus meos san-
guine Domini mei, meritis beatissimæ
Virginis, & Sanctorum omnium.



CAPUT III.

Diarium Viatoris,

Sive actionum per diem ordinatio.

1. **M**EMINERIS semper & ubique, Deum te cum cœlesti curia intueri: Angelum & dæmonem te, tuaque omnia diligentissimè observare.

2. Considera quænam agenda hodie, quid status, & vocatio exigat; perinde, quasi in stadio curreres, opera tua, omnia ac passus dirige ad metam, idest ad Dei gloriam corde ardenti.

3. Sapiùs ex te percunctare: Quò pergis anima mea? quid intendis studiis, cogitationibus, & occupationibus tuis? ad quem finem tendis?

4. Vtere tempore velut re omnium pretiosissima, & particula boni diei non te prætereat. *Volat sapius verbum irrevocabile* (inquit S. Bern.) *volat tempus irremeabile, nec advertit insipiens, quid amittat: libet fabulari, libet otari, dicit, donec hora prætereat. O donec prætereat hora, quam tibi ad agendam pœnitentiam, ad obtinendam veniam, ad acquirendam gratiam, ad promerendam gloriam miseratq*

ratio Conditoris indulget ! donec transeat tempus, quo debueras properare ad Angelicam societatem, suspirare ad amissam hereditatem, flere admissam iniquitatem !

5. In omnibus actionibus, locutionibus, & cogitationibus dic tibi, monet Melliss. Doct. *Itanè ageres, si hanc scires pro certò novissimam horam ?* Et Doctor Angelicus opus. 62. *diligentiam apponere debemus, ut singula opera nostra, & salus nostra, & omnis laus Dei, & universitatis utilitas, quasi ex uno opere dependeat, quasi nunquam ad id opus reversuri, neque aliud postmodum facturi.*

6. In omnibus operibus tuis præcellens esto : dum oras benè ora, dum confiteris, cantas, laboras, fac singula quâ potes perfectione maxima, quia Deus non est remunerator verborum, sed adverbiorum. Imò omnia opera tua ita fac, ac si jam tibi sepulchrum foderetur.

7. In progressu cujusvis etiam minimi operis & colloquii, sæpè cor tuum ad Deum eleva, ut inspicias, an illud ei placeat.

8. Ut verò semper collectus in Deo esse valeas, orationibus, quas jaculatorias nuncupant, frequentissimè per diem utere.

9. Quo-

9. Quotiescunque Domini Dei obli-
visceris, ita ut magna pars transferit
temporis, sine interiori ad eum motu &
conversione, ingemisce, ac pugnis per-
cute pectus tuum, cum ille debeat solus
esse unicus dilectus, & amor tuus totus,
ne unquam ille tui obliviscatur.

10. Sæpius per diem Sanctos velut
præsentes invoca, maximè Virginem
beatissimam, & SS. Patronos tuos, cum
Angelo custode viæ duce & comite.

11. Si lapsus fueris in via, mox con-
tritione resurge, & amore in Deum.

12. Ut omnes actiones, & opera
tua gratiora fiant Deo, demerge & de-
pone illa sæpius in vulneribus Iesu,
asperge illa sanguine cordis Iesu, offer
per manus beatissimæ Virginis, operi-
bus & meritis Sanctorum unias.

13. Dum aliqua occurrit occasio
peccandi, protestare ex nunc, quòd ma-
lis mori, malis in ipsum infernum de-
scendere, quàm Deum tuum, summum
& infinitum bonum vel minimo pecca-
to deliberato offendere.

14. Sæpius per diem excita in te
desiderium corde ardenti vidèdi Deum
in coelo, illum cum Sanctis amandi &
laudandi.

15. Dum in mentem occurrunt tibi
C. pec-

peccata tua ante commissâ , ex nunc illa detestare tanquam rem summè detestabilem,exosam, execrandam; atque corde contrito dolens ejula , quia peccatis tuis amorem tuum Iesum tam graviter toties offendisti.

16. Deindè omnibus modis,quibus potes,te vilifica, te nihil reputâdo esse; sed credas omnes homines esse bonos, & meliores te,magisque placere Deo.

17. Ante omnia verò , semper primo mane per actum intentionis, omnes cogitationes , verba , & actiones illius diei etiam indifferentes,ad Dei gloriam dirige: quia non in magnis solùm actionibus amoris divini magnitudo reperitur; sed etiam in parvis , humilibus , & secretis existit . Amor inaurat & amplificat omnia . Et Iesus laudibus extollit viduam illam , quæ duo æris minuta contulit , & silentio præterit Salomonem, qui plusquàm bis mille millones auri ad templi structuram contribuerat. Totum tempus hujus vitæ nobis concessum est ad merendum præmium æternum: ne igitur sine merito vel instans tibi elabatur, ipsa cibi potusque sumptio , & omne aliud opus coram Deo meritorium erit , si S.Paulum monentem audieris 1.Cor.10. *Sive manduca-*

eat, sive bibitis, sive aliud quid facitis, omnia in gloriam Dei facite. Curandum ergo tibi, ne unquam opera tua regat casus, sed ratio. Sunt enim aliqua opera, quæ de se non sunt meritoria, neque demeritoria, si tamen altiori intentione eleventur, evadunt meritoria.

Praxis rectæ intentionis.

RECTA intentio illa dicitur, quæ operis sui finem constituit Deum, & ad ejus honorem, & gloriam revocat quicquid sit, dicitur, cogitatur. Sicut respiratio vitæ naturali, sic recta intentio vitæ spirituali necessaria est. Ea est anima & forma actionum; nam, qualis intentio, talis est actio. Ne igitur opera tua impura & vacua in conspectu Dei inveniantur, puritati intentionis omni conatu insiste, nec quidpiam vel minimum aggredere, quin prius actu ad Deum referas, tanquam ad primum principium, & ultimum finem tuum.

Signa rectæ intentionis hæc sunt. Non turbulenter rem aggredi, non anxium esse, non distrahi, non perturbari, ob rei eventum minus prosperum non affligi, nec aliorum iudicia anxie querere, omni vana cogitatione post factum carere, opiniones hominum contemne-

re, æquè diligenter omnia facere, nec laudibus extolli, nec vituperiis dejici; resignatum ad omnia esse, nihilque optare, nihil timere.

Sed quia difficile est ob multiplicem humanæ naturæ fragilitatem perfectissimæ intentionis actum elicere, quin multis imperfectionibus permixtus sit, remedium efficacissimum, & Deo gratissimum erit, sua quælibet opera, verba, & cogitationes, operibus, verbis, & cogitationibus Domini nostri Iesu Christi unire, ut in sanguine ac meritis ejus purificentur, & perficiantur. Sic autem unita, & purificata offeres Deo Patri in odorem suavitatis.

Considera deindè monitum illud Christi: *Quoniam oportet semper orare, & nunquam deficere*: hoc enim non aliter servare potes, quàm mediante recta intentione. Semper orat, qui semper benè agit: benè autem semper agit, qui per rectam intentionem omnia opera sua ad Deum refert. Res ista facillima est, & in tua potestate posita: quid enim facilius, quàm mente ad Deum elevata dicere: Hoc propter te, Domine, ad gloriam tuam? Parva res est, sed ingens meritòrum cùmulus ab ea pendet; & si eam omiseris, quamvis multa agas, nihil

hil egisti . Sine mercede est labor , qui caret recta intentione.

Actus Matutini.

In Iesum & Mariam primos oculos , somno evoluto , Viator aperiat , ac si praesentes , & suo lecto adstantes conspiceret: proinde prima quasi sit respiratio . Iesus Maria . Deinde paulò sibi factus praesentior dicat.

O IESU & MARIA, mei dulcissimi amores, dono vobis cor & animam meam: totus sim vester, nullus meus in æternum. O Iesu candor lucis æternæ, Deus Deus meus ad te de luce vigilo. Anima mea desideravit te in nocte. Paratum cor meum Deus, paratum cor meum. O Domine quia ego, servus tuus, ego servus tuus, & mancipium ancillæ tuæ Mariæ.

E lectulo surgens, seque muniens signo S. Crucis dicat:

In nomine Patris, & Filii,
& Spiritus sancti.

BENEDICTA sit Sancta Trinitas, atque indivisa unitas, Pater, & Filius, & Spiritus sanctus, confitebimur ei, quia fecit nobiscum misericordiam suam.

Benedictus sit Deus Pater , qui me creavit & conservat, unigenitusque Dei Filius, qui me redemit, Sanctus quoque Spiritus, qui vocavit me.

Adoro , laudo , & saluto te dulcissimum, & vernans cor Iesu Christi, & ex totis viribus cordis mei ago tibi gratias, quòd me hac nocte custodieris, Deoque Patri pro me laudes , & gratiarum actiones persolveris.

Immortales etiam vobis gratias ago SS. Virgo Maria, SS. Angeli , & Patroni mei pro speciali tutela mihi , & omnibus in toto mundo hominibus hac nocte exhibita: benedicant & collaudent vos omnes. omnium anhelitus & respiria; psallat cor nostrum vobis gratiarum canticum, ut semper, præsertim in agone nostro, à vobis adjuvari mereamur.

Deinde petat benedictionem.

BENEDIC mihi hodie & quotidie sancta & individua Trinitas . Benedic mihi ineffabilis potentia Patris. Benedicite mihi manus , & cor dulcissimum cum Filio Virginis Matris . Benedicat me virtus Spiritus sancti.

Anima Virginis Mariæ lucidissima, illumina me . Corpus Virginis immaculatissimum custodi me . Lac Virginis Ma-

Mariæ nitidissimum pascere me . Fletus Virginis Mariæ in passione Christi effusus confirma me . O dulcissima Parens, fons divinæ pietatis & gratiæ, intercede pro me . O Virgo Mater misericordiæ impetra mihi, ut à Filio tuo prævisam hodie implere possim mensuram meritorum meorum; ut casto, ac humili corde & corpore, Filio tuo, & tibi in omnibus actionibus meis servire & placere valeam.

Sancte Michaël Archangele, tuere nos in prælio, ne pereamus in tremendo iudicio . S. Gabriël, S. Raphaël, omnes sancti Angeli & Archangeli Dei, succurrite mihi peccatori.

Rogo vos cuncta Virtutes cœlorum, ut nullus inimicus mihi nocere possit, nec in via, nec in domo, nec dormiendo, nec vigilando, nec aliquid aliud faciendo.

O Crux Christi adjuva me : ò Crux Christi salva me : ò Crux Christi libera me : ò pretiose sanguis Christi ne permittas damnari & perire me : ò purpurea vulnera Christi abscondite me.

O Sancti Sanctæque Dei, omnes Sancti Innocentes, SS. Patriarchæ & Prophetæ, SS. Apostoli, Martyres, Confessores, Virgines, Sancti ad quorum Ec-

clesiam vivo, Sancti Angeli custodes statûs & officii mei, Sancti veteris testamenti orate pro me indignissimo peccatore.

Per merita sanctorum Patronorum meorum, per Crucem & pretiosum sanguinem Salvatoris mei Iesu Christi, per merita totius triumphantis & militantis Ecclesiæ; Sancte Deus, Sancte fortis, Sancte & immortalis miserere mei. **A** subitanea & improvisa morte, libera me Domine: à peccandi occasione: à carnalibus desideriis: à damnatione perpetua: à corde obstinato & in peccatis obdurato: à spiritu superbiæ: ab omni prava intentione: ab appetitu terrenæ consolationis: ab appetitu voluptatum temporalium: ab omni inani gloria: ab amaritudine, ira, & indignatione: à de-liberato etiam veniali peccato, libera me Domine.

Postulatio gratiarum.

INCLINA aurem tuam ad preces meas, Domine Deus refugium meum, & custodi me. Notam fac mihi viam, in qua ambulem, & doce me facere voluntatem tuam. Da cordi meo te desiderare, desiderando quærere, quærando invenire, inveniando perfectè
ama-

amare. Expelle à me spiritum elationis, & extingue desideria carnis. Pone custodiam ori meo, ut non delinquam, in lingua mea. Da patientiam in adversis, continentiam in prosperis, terrena despiciere, & amare coelestia. Auge in me fidem, spem, charitatem, & da thesaurum humilitatis tuæ. Deduc me in semitam mandatorum tuorum, & quod a me requiris ut faciam, tribue ut sciam. Tu scis, Domine, quid à te petere debeam; id tu mihi largire, quia omnia potes: in te enim confido, & scio, quia non confundar.

Oratio.

AD te, à quo sum, & per quem vivo, sentio, & intelligo: ad te summum bonum meum, qui es principium, & finis ultimus: ad te levo manus meas, & cor meum, sancta Trinitas, unus Deus. Utinam te amore infinito dignissimum perfectè amare valeam hodie, & omnibus diebus vitæ meæ. Dirige omnia verba, cogitationes, & opera ad maiorem tui gloriam, & salutem animæ meæ. Da quod jubes, & jube quod vis. Credo, Domine, quicquid per Ecclesiam tuam Catholicam credendum proposuisti. Omnem spem meam in tua bo-

nitate , & meritis Domini mei Iesu Christi repono. Commendo tibi omnes domesticos & familiares , consanguineos & affines, benefactores & adversarios meos: concede omnibus & singulis quod scis eis expedire ad salutem mentis , & corporis. Da afflictiis consolationem , infirmis sanitatem , peccatoribus veniam, iustis perseverantiam, vivis pacem, & requiem defunctis. Amen.

Actus diversarum virtutum.

O Mi Deus, gratulor tibi & gaudeo cum tota Ecclesia de tua divinitate , & gloria ; de omnibus excellentiis, & perfectionibus tuis.

Adoro ex profunda abyſſo mei nihili infinitam Maieſtatem, Sanctitatem, Bonitatem, Potentiam , & Sapientiam . Adoro te Trinum & unum.

Adoro te, benedicte Ieſu, in Deo Patre & Spiritu Sancto , verum Deum & Hominem: in immaculata Virgine matre tua : in omnibus Angelis & Electis, in cœlo & in terra: in ſpeciebus venerabilis Sacramenti per totum orbem, & in iuſtis omnibus.

Adoro te captum, flagellatum, deſolatum, crucifixum , atque iſto meo actu omnes alias adorationes , alios cultus, qui

quibus hactenus affectus es , & quibus affici te conveniebat , uno fasciculo comprehensos tibi offero & dedico.

Desidero , Domine , ut ab omnibus creaturis rationalibus adoreris , lauderis , & glorificeris.

Doleo de omnibus peccatis meis ; & totius mundi , quæ contra te Deum meum quomodocunque unquam facta sunt , fiunt , fientque , eo affectu , quo Christus doleri à me vult.

Pro omnibus , & singulis beneficiis tuis mihi , & omnibus aliis in vita , & post vitam præstandis , gratias ago quantas possum , & quantas debeo.

Omnia bona opera , omnium hominum , & Angelorum , quæ tibi Domine unquam placuerunt , vel adhuc placebunt approbo , & tibi offero ad gustum tuum.

Actus. resignationis cum divina voluntate quotidie exercendi.

O Sanctissima Dei voluntas , semper adimplearis in me.

O justissima Dei decreta , adoro vos , & vestro beneplacito confesco , & resigno totaliter voluntatem meam , affectus meos , & omnia desideria mea.

Tuus sum ego , Deus meus , tua est voluntas mea , tuum est quicquid volo , & cupio.

Vive, & regna semper in me, & vires meas conforta, ut adimpleam quod te donante proposuit.

Ante Missæ celebrationem.

PERVULGATUM apud Sanctos Patres axioma est, quòd talem se animæ exhibet Deus, qualem se illa præparat Deo. Ideo instante celebratione curare debet Sacerdos, ut in se ipso ignem divini amoris succendat, eliciatque actus diversarum virtutum, considerans in hoc incruento sacrificio cruentum illud, quod semel in Cruce peractum est, non verbis, sed re ipsa repræsentari: una siquidem, & eadem est hostia, idem qui per Sacerdotis ministerium offert, idem Christus, qui immolatur. Sancti Patres mortis Christi memoriam hoc sacrificium celebranti super omnia necessariam esse affirmant, & hoc ipsum idem Salvator noster præcepit, cùm instituto hoc Sacramento, ait: *Hoc facite in meam commemorationem*. Quæ verba Seraphicus Doctor sollicitè expendens: *Id, inquit, quod pro me ipso retineo, est verbum illius qui hoc Sacramentum instituit, quem non credo illud frustra protulisse. Dixit enim: Hæc quotiescunque feceritis, in mei memoriam*
fa-

facietis . Ex quo quidem verbo arguo mihi ipsi, quòd quoties volo id agere , quod ipse instituit, & modo prædicto reliquit , timeo nequaquam sine remorsu conscientiae , ac præjudicio animæ , ad illud posse accedere, nisi præmemorata ipsius instituentis charitate, & ejus passione , & morte , in cujus memoria perpetuò recolendam illud Sacramentum debere confici, & percipi ipse præclare asseruit & injunxit.

Sacerdos itaque , cùm ad sacrum faciendum se præparat mente , & affectu sedulò revolvat omnia tormenta , quæ ille pro salute nostra perpeffus est : hæc frequenter in ore, hæc semper in corde habeat, & hæc sit ejus sublimior philosophia, scire Christum, & hunc crucifixum . Cùm verò ad altare accessurus est, sic oret ex toto corde.

Oratio.

MEMORIA memor ero , clementissimæ Pater, & tabescet in me anima mea; omniumque dolorum, atque acerbissimæ mortis Filii tui Domini mei Iesu Christi cum lacrymis recordabor, quia ipse salus , & vita mea pependit in ligno, offerens se tibi in holocaustum, pro mea, & totius mundi salute . Recordare itaque humilitatis ejus, patientiæ,

tix, charitatis, mansuetudinis , & obedientix . Respice in faciem Christi tui, vide sanguinem pretiosissimum pro nostra salute misericorditer effusum, quem tibi offero omni quo possum devotionis affectu, suppliciter orans, ut avertas faciem tuam à peccatis meis, & ne despicias mihi creditæ dispensationis officium, licèt in me boni operis testimonium non agnoscas.

Et quia , dulcissime Iesu , particeps ego sum omnium timentium te , offero tibi omnium Electorum tuorum virtutes, & merita, ac pios affectus, erga te in venerabili Sacramento existentem, in supplemētum Insufficiētiæ meæ. Suscipe, Domine, hoc desiderium meum, meritisque placatus Electorum tuorum , à mensa tua ne repellas me, quatenus hoc cibo satiatus, hoc potu recreatus vitam habeam, & abundantius habeam hīc , & in æternum.

Veni Sancte Spiritus , Amor Patris & Filii, è patria felicitatis , & cordis mei penetralibus tam potenter illabere, ut vitia omnia & defectus tuo igne consumas, & omnia peccata mea remittas . Emitte in animam meam lucis tuæ radium, quo illuminante intellectum, quæ tibi sunt placita videam ; quo affectum

Etum inflammante, ad ea prosequenda tota virtute incumbam.

Mater misericordiae Virgo Maria; memento illius charitatis, quâ Verbum Dei ex te carnem sumpsit, ut tu fieres mater nostra. Aperi manum tuam, & imple me benedictionibus, quibus te Deus benedixit in æternum, ut te interveniente tremenda mysteria acceptabiliter perficere, & Sancta Sanctorum dignè merear degustare. Amen.

Actus diversarum virtutum.

Fidei.

QUis mihi det, suavissime Iesu, ut sub candido specierum Sacramentatum velamine vultum tuum intueri possim, in quem desiderant Angeli prospicere? Credo firmissimâ fide, te in augustissimo Sacramento corporis & sanguinis tui verè præsentem esse Deum meum, & Dominum meum. Hoc est compendium omnium mirabilium tuorum.

Spei.

IN te solo spem meam colloco, dulcissime Iesu, quia tu salus & virtus mea, tu refugium, & firmamentum meum,

meum, tu fons omnium bonorum. Quomodo enim auderem hoc tremendum sacrificium Deo Patri offerre, teque in eo suscipere, nisi fiduciam tu mihi præberes, qui me tuo sanguine redemisti? De tua igitur benignitate confusus accedo ad te. Miserere mei, & salva me, qui nunquam deferis sperantes in te.

Charitatis.

GRANDE quidem fuit, & admirabile opus amoris tui, quod naturam nostram assumere dignatus sis; sed longè præstantius & mirabilius est, quod transiturus de hoc mundo ad Patrem, corpus tuum in cibum, & sanguinem in potum reliqueris: in illo siquidem nostram suscepisti humanitatem, in hoc tuam largiris Divinitatem. Amo itaque te unicum solatium meum, unica spes languentis animæ, unica mea felicitas, & summum bonum meum. Ignem venisti mittere in terram, accende illum, ut semper crescat. Te enim amabo, si amandi vires præbueris, & eò amplius amabo, quò uberiores amandi gratiam infuderis: nunquam tamen te amabo ut dignus es.

Desiderii.

QUAEADMODUM desiderat cervus ad fontes aquarum, ita desiderat anima mea ad te, Deus meus: desiderat, inquam, anima mea accedere ad te, teque offerre Deo Patri, ac de fontibus salvationis tuæ vinum lætificans in gaudio haurire. Sitio enim, Domine, lassatus in via iniquitatis, sitio te Deum meum venam aquarum viventium, sitio sanguinem tuum, quem mihi in potum mirabiliter tribuisti. Esto igitur tu solus gaudium meum, refectio mea, & thesaurus meus, in quo mens mea semper quiescat.

Humilitatis.

IMME NSE & incomprehensibilis Deus, quis es tu, & quis sum ego, ut digneris venire ad me, mecum epulari, & mansionem apud me facere? Quanta est dignatio tua, quanta miseria, & ingratitude mea! Verumtamen ego loquar ad te, cum sum pulvis, & cinis. Respice servum tuum, & suscipe me, quem tam amanter invitas ad te. Cognovi, quia sine te nihil sum, nihil possum: projice ergo post tergum tuum omnia peccata mea, & amplectere me
ad

ad te revertentem , juxtà verbum Prophetæ tui dicentis : *Sacrificium Deo spiritus contribulatus : cor contritum & humiliatum Deus non despicies.*

Gratiarum actio post Missam.

GRATIAS tibi ago , benignissime Deus , quòd me. vilissimum peccatorem admittere dignatus sis ad convivium tuæ mensæ convivium . Memento verbi tui , in quo mihi spem dedisti ; tu enim dixisti : Qui manducat meam carnem , & bibit meum sanguinem , in me manet , & ego in eo . O dulcissimum , verbum ? tu in me , & ego in te . Ne patiaris ergo me sine fructu à te recedere , sed operare mecum. mirabilia tua , sicut cum Sanctis. tuis operatus es ; & fac me ambulare in fortitudine cibi istius omnibus diebus vitæ meæ. Amen.

Anima Christi sanctifica me : Corpus Christi salva me : Sanguis Christi inebria me : Aqua lateris Christi lava me : Passio Christi conforta me : O bone Jesu exaudi me : Intra tua vulnera absconde me : Ne permittas me separari à te : Ab hoste maligno defende me : In hora mortis meæ voca me , & jube me venire ad te , ut cum Sanctis tuis laudem te in secula seculorum. Amen.

Modus

*Modus visitandi quotidie augustissimum
Sacramentum.*

NULLUM efficacius instrumentum ad perfectionem, & unionem cum Deo, quàm crebra per diem Salvatoris nostri Jesu Christi in augustissimo Eucharistiæ Sacramento. latentis visitatio. Praxis autem hujus nobilissimi exercitii his ferè monitis continetur.

Confidera, & admirare incomprehensibilem Dei amorem erga te; non enim satis illi fuit sub speciebus Sacramentalibus suum tibi corpus & sanguinem, ipsamque divinitatem tam mirabili dignatione largiri; sed etiam usque ad cōsummationem seculi in Ecclesiis asseruari voluit, ut in omni necessitate certissimum subsidium, in omni tribulatione tutissimum p̄fugium, in omni rerum eventu præsentiſſimum consilium in promptu haberes, ejusque præsentiā, quantum Viatori licet, perfruereris. Cùm novis igitur divinæ gratiæ auxiliis semper indigeas ad evitanda peccata, superandas tentationes, & virtutes exercendas, quid optatius tibi contingere potuit, quàm apertum accessum ad eum jugiter habere, qui potest te adjuvare, erudire, & consolari?

Ac-

Accede igitur ad eum, & vide, & gusta quàm suavis est, & delectabitur in crassitudine anima tua, dabitque tibi petitiones cordis tui. Ingredere in locum tabernaculi admirabilis confusione plenus, Christi præsentiam viva fide apprehende, ipsumque adora in spiritu humilitatis, & in animo contrito. Excita desiderium Deo ferventiùs serviendi, propone emendationem, & gratiam pete ad tui innovationem necessariam, atque ita te compone, ut illi placeas. In recessu à Christo Domino benedictionem petes, atque ei te ipsum, & omnes, pro quibus orare debes, obnixè commendabis.

Actus varii pro opportunitate temporis, & occasionis eliciendi.

Ante recitationem Officii divini.

ERUBESCO, Domine, cogitans quis tu, & quis sim ego: nempe audet vilis terræ vermiculus, & putris ranuncula è palude sua prorepere ad thronum gloriæ summi Dei. Egonè comparebo coram te, & loquar ad Dominum meum, cum sis pulvis, & cinis; imò quod gravius est, indignus, exosus, & ingratus peccator? Sed quia me, Domine, tam
aman-

amanter invitas ad orationem, & colloquium tuum.

Placeat tibi, Deus meus, hoc sacrificium laudis, & benignè digneris acceptare has preces, non ut à me procedentes, sed à te inspiratas, & sanguine Domini nostri asperfas. Per illas supplico tibi Deo meo; ut mihi largiaris peccatorum remissionem, dones augmentum gratiæ, & amoris tui. Esto propitius propinquis, amicis, & benefactoribus meis. Succurre illis, qui se meis precibus commendaverunt, converte miseros peccatores ad te. Revoca Hæreticos, & Schismaticos: illumina Infideles omnes te ignorantes. Da animabus fidelium defunctorum lucem, & requiem sempiternam.

Pia Exercitia.

De Passione Domini, & de laude
Beatæ Virginis ad omnes Horas
Canonicas, ab ipso Domino Jesu dictata
S. Gertrudi.

Ad Matutinum.

DOMINE JESU Christe, laudo te
per cor tuum dulcissimum, in innocentia integerrimæ virginitatis beatif-

tissimæ Matris tuæ , quâ ipsa te Virgo concepit , Virgo peperit , & post partem Virgo inviolata permansit : Et imitata est tuam innocentiam , quâ tu horâ matutinâ pro redemptione generis humani captus, ligatus, alapis , & fustibus cæsus, diversis que contumeliis , & opprobriis miserabiliter , & immisericorditer fuisti affectus.

Laudo & saluto te , Mater beatitudinum, dignissimum Spiritus sancti Sacramentum , per dulcissimum cor Jesu Christi Dei Patris , tuique amantissimi Filii , orans, ut in omnibus indigentis , & in hora mortis nobis succurras. Amen.

Ad Primam.

DOMINE JESU Christe , laudo te per cor tuum dulcissimum in humilitate illâ placidissimâ , quâ intemerata Virgo magis magisque habilitabatur ad te suscipiendum : Et imitata est tuam humilitatem, quâ tu Judex vivorum, & mortuorum, horâ primâ coram gentili homine judicandus adstare humiliter fuisti dignatus pro Redemptione generis humani.

Laudo & saluto te &c.

Ad

Ad Tertiam.

DOMINE JESU Christe , laudo te in desiderio illo ferventissimo, quo B. Virgo te Filium Dei de sinu Patris summi traxit in uterum suum virginalem : Et imitata est te in illo desiderio ferventissimo , quo salutem humanam desideravisti , cum duris flagellis cæsus, spinis coronatus , & horâ tertiâ Crucem ignominiosissimam tuis fessis, cruentatisque humeris cum summa mansuetudine , & patientia dignatus fuisti bajulare.

Laudo & saluto te &c.

Ad Sextam.

DOMINE JESU Christe , laudo te in spe illa securissima, quâ cœlica Virgo per bonam voluntatem , & sanctam intencionem semper ad laudem tuam aspirabat : Et imitata est te , qui in alta Crucis arbore suspensus , inter ipsas amarissimas mortis acerbitates, totis viribus anhelabas ad humani generis redemptionem, unde & clamabas: Sitio. In tantum, scilicet , salutem animæ humanæ; quod si necesse fuisset, adhuc duriora, & amariora supplicia pertulisses, teque ad universa pro redimendo homine

mine gratis paratum obtulisses.

Laudo & saluto te &c.

Ad Nonam.

DOMINE JESU Christe, laudo te in ardentissimo amore illo mutuo, scilicet, divini cordis, ac intemeratæ Virginis, quæ divinitatem excellentissimam tenerrimè conjunxit, & inseparabiliter cœnivit humanitati in utero virginali: Et imitata est te vita viventium, horâ nonâ in Cruce præ amoris magnitudine morti amarissimæ succumbentem, ob humanam redemptionem.

Laudo & saluto te &c.

Ad Vesperas.

DOMINE JESU Christe, laudo te in fide illa constantissima, quæ B. Virgo sola tempore mortis tuæ, recedentibus Apostolis, & desperantibus universis, in vera fide perstitit immobilis: Et imitata est te in fidelitate illa, quâ jam mortuus, de Cruce positus, subsecutus es hominem etiam usque ad limbum inferni: unde ipsum omnipotentem manu misericordiæ tuæ eripiens, transvexisti ad gaudia Paradisi.

Laudo & saluto te &c.

Ad

Ad Completorium.

DOMINE JESU Christe, laudo te in perseverantia illa laudabilissima; quâ Mater tua dulcissima in omnibus bonis, & virtutibus perseveravit usque in finem: Et imitata est te tantâ diligentia opus humanæ redemptionis peragentem, quòd etiam post obtentam amarissimam mortem veram hominis liberationem, necdum omisisti corpus tuum incorruptibile humano modo tradere sepulturæ; ut demonstrares, nihil omninò esset amabile, quod pro salute hominis recusares.

Laudo & saluto te &c.

In ipsa recitatione divini Officii.

CONSIDERET qui psallit, aut recitat, se officium Angelorum obire, quorum in cœlo perpetuum est exercitium Dei laudes celebrare. Sed ipsis exemplis melius demonstrari potest, Officium divinum esse Angelorum officiū.

Sancta Maria Magdalena triginta annis ab hominum consuetudine sejuncta, quotidie septies ab Angelis elevabatur in altum, ad audiendas coelestium Spirituum laudes, & cum illis persolvendas.

Sanctus Bernardus, in matutinis choris

ris vidit Angelos, qui Fratrum orationes scribebant: aliorum quidem auro, aliorum argento, nimirum, qui devotè canebant: aliorum aquâ, videlicet tepidorum.

S. Guduvaldus Archiep. ambulans aliquando per mare; cum preces in navi persoluturus inchoâisset more Ecclesiæ dicens: *Deus in adiutorium meum intende*. Angeli subjunxerunt: *Domine, ad adjuvandum me festina*; & sic totum officium alternis vicibus cum Viro Dei persolverunt. *Surius 6. Jun.*

Unde Joannes Gersen loquens iis, qui in choro preces absolunt, sic dicebat: *Chorus est Dei & SS. Angelorum locus sacratus, sicut Angeli in cælo, sic ministri ordinati sunt in choro*. Sic ergo sta in choro, & canta inter Fratres, quasi in medio Angelorum stares ante Christum in dextera Patris residentem, vel ante beatissimam Virginem, Filium suum infantem in gremio gestantem.

Contra verò quantum Deo displiceat negligentia in divino officio, & præceps quædam celeritas, absque ulla ferè significatione reverentiæ, patet è vita S. Ludgardis, ubi divinitus innotuit, pestem fuisse poenam culpæ istius. Unde quamprimùm horæ canonicæ cum reverentia sunt recitatæ, pestis cessavit. *Surius 26. Jun.*

Re-

Recentius est id, quod memoriæ prodidit Nebridius Canonic. Regul. S. Augustini, qui ait, Gratiano Capuccino pio Novitio in templo nocte intempesta, Deum oranti, cœlites in cultu splendissimo conspectos dixisse: Dicas Guardiano, ut curet in choro horas canonicas lentius recitari, quia nihil in Ecclesia, post usum Sacramentorum, Deo gratius est, recitatione horarum canonicarum.

Jacobus Cardin. Vitriacensis ait, Sancto cuiusdam visum dæmonem in humeris onustum sacco pleno syllabarum, in horis canonicis celeritati præcipiti ommissarum.

Iustinum in extasim raptum Anno 1547. narrat è Boverio Nebridius, pervenisse in Ecclesiam, cum Religiosi matutinum Officium peragerent. Sperabat se auditurum concentum Angelorum; sed ecce nihil aliud percipere potuit, quàm horrendos larratus canum, grinitus porcorum, mugitus bovinum, & verba blasphemiarum. Mirabatur: & vox ad eum: illorum Religiosorum preces, qui eas negligenter persolvunt, qui regulam negligunt, aliosque rectè viventes impediunt, nihil aliud esse, quàm voces belluarum.

Oratio, quam Christus Dominus B. Gertrudem docuit, post Horas recitanda.

Blos. Mon. cap. 3.

O BONE IESU, propitius esto mihi peccatori. Ego tepidum, distractum, & imperfectum servitium meum commendo mellifluo cordi tuo emendandum, & perficiendum, tibi que ipsum offero, in unione illius attentissimæ orationis, quâ tu Patrem orâsti, & laudâsti in terris. Responde, quæso, satisfac, & supple pro me plenissimè.

O piissima Mater, supple hoc imperfectum obsequium meum apud dilectum Filium tuum; monstra te esse Matrem.

O piissime Iesu, suscipe hoc idem de manu SS. Matris tuæ, unitumque tuis, ac ejusdem, omniumque Sanctorum meritis, offer æterno Patri.

S. Gertrudis ora pro me. Offer preces meas cordi Iesu, à quo has didicisti.

Affectus post Horas Canonicas, vel alias privatas Orationes eliciendi.

O PATER misericordiarum, scio & verè cognosco, quòd me peccatorem miserum magis deceret coram te jacere prostratum, & cum fletu, gemitu, ac rugitu, peccatorum meorum veniam po-

postulare, quàm te ore polluto laudare.

Ignosce Domine, ignosce pie Salvator, ignosce & miserere. Noli me tanquam temerarium reprobare, quòd audeam servus valde malus te omnipotentem Deum terribilem, ac nimis tremendum, sine cordis contritione, & lacrymarum fonte, sine reverentia & tremore laudare.

Utique, Domine, Angeli te Dominum suum adorantes, & laudantes tremunt mira exultatione repleti: ego peccator dum tibi assisto, laudes dico, peccatorum veniam postulo, cur non corde paveo, vultu palleo, labiis tremo, toto corpore inhorresco, sicque obortis lacrymis coram te indefinenter lugeo? Volo, sed non valeo. O amor, vim patior! tu responde pro me, quia nescio quod dicam Deo vitæ meæ.

Et quia, mi Domine, non est speciosa laus in ore peccatoris, laudet te, Domine Deus, tua æterna Deitas, immensa Majestas, infinita Bonitas. Laudet te tua altissima Sapientia, tua latissima Misericordia, tua profundissima Iustitia.

Tibi, Domine Deus meus jubilet, & benedicat Humanitas I.C. sanctissima, ejus vita, divinissimæ ejus virtutes, pretiosus ipsius sanguis, & lacrymæ, diris-

linda ejus vulnera, & livores, cor illius apertum.

Jubilet tibi pro me Mater gloriosissima Filii tui, tabernaculum admirabile gloriæ tuæ.

Tibi, Domine Deus meus, cantet & jubilet SS. Mater Ecclesia, te honorent, omnia ejus vota & desideria, quibus ad te gemit in hac lacrymarum valle.

Jubilent tibi pro me omnes sancti Angeli, omnes Sancti & Sanctæ, omnis Electorum tuorum exercitus.

Jubilent tibi pro me, & laudent te omnes creaturæ, & quæcunque cœli, terræ, & abyssi ambitu continentur.

Benedictû sit in omni loco totius universi nomé tuum, Domine, quod est sanctû & laudabile, & gloriosum in secula.

Jubilent etiam tibi, & gratias agant cor meum, & anima mea, intellectus, memoria, & voluntas mea.

O Domine amoris! quamdiu halitus erit in ore meo, benedicam te. Dominum meum in omni tempore, semper laus tua in ore meo. Lingua etiam deficiente, omnis respiratio mea sit laudis significatio. Corpore verò extincto & in pulverem redacto, laudes tibi infinitas dicant minutissima quæque pulveris grana usque ad extremum judicii diem.

Actus

Actus ante Meditationem.

O DEUS omnipotens, adorande, colende, tremende, ante cujus conspectum omnis Beatorum exercitus cum summa reverentia, & tremore procidit, teque jugiter adorat, reveretur, te contemplatur: quomodo & ego vermis immundus, canis mortuus, cadaver putridum, ego ingratus, & infidelissimus peccator, non tantum coram te assistere, & nomen tuum laudare, sed ad tuæ divinitatis contemplationem, fruitionem, & unionem aspirare audebo?

O Domine, quia tanta tua est dignatio, ut velis, & gratum habeas à me adorari, & mecum colloqui; ideo ingredi in solitudinis meæ requiem, & concede, ut hic secus pedes tuos cum sancta amante tua Magdalena, discam modum ac rationem, quâ uni necessario sollicitè vacem, atque unicè intendam.

Excita me, Domine, ab omni negligentia, & sensuum evagatione. Da, ut in meditatione mea exardescat ignis. O si ut ferrum igni, ita & ego uniar tibi amoris meo!

At quomodo servus tam inutilis inveniet gratiam in conspectu tuo? Respice, o Pater, in faciem Christi tui, in quo

tibi benè complacuisti: in cujus nomine supplex rogo, ut clemēter exaudias me.

Ut felicius tibi succedat Meditatio.

IM PRIMIS imaginare quasi coelum apertum, & puta te videre Deum Patrem ibi Angelis circumdatum, atque considerantem, quidnam agere velis. Roga eum, ut auream sagittam adversum te dirigat, quā cor tuum sancto amore suo vulneret.

2. Puta te videre Deum Filium, cum vulnerum suorum cicatricibus mirificè radiantibus, deprecare eum, ut tuo pectori immittat guttam sanguinis sui, quā cor tuum veluti vivo igne succensum, in amore divino incalescat.

3. Imaginare te contemplari Spiritum sanctum sole longè splendidiorē; roga eum, ut ad te candidam gratiæ suæ columbam demittat, & inflamet cor tuum.

4. Finge te à latere obtueri Virginem beatam stellis coronatam; ei cor tuum præsentā, ut ipsa Filio suo offerat.

5. Imaginare denique te cernere innumeras beatorum Spirituum phalanges, qui ei mysterio, quod contemplaturus es, assistent. Tu verò postea perge ad pedes Iesu, assumpta similitudine
vel

CHRISTIANUS. 8.
vel servi ingrati, vel proditoris, vel
exilio damnati, &c.

Post Meditationem.

TE Deum laudamus, vel Collectæ
consuetæ cum versibus recitentur,

In ingressu Ecclesiæ.

ERGO nè credibile est, quòd verè
Deus habitet super terram? si cœ-
lum, & cœli cœlorum te capere non
possunt, quantò minùs hæc domus?

Domine in multitudine misericor-
diæ tuæ introibo in domum tuam, ado-
rabo ad templum sanctum tuum, & con-
fitebor nomini tuo.

Omnes Sancti, & Sanctæ Dei, quo-
rum reliquiæ & imagines hîc sunt, sa-
luto & veneror vos, intercedite obse-
cro pro me.

Salvete omnes Christi fideles ani-
mæ: det vobis requiem ille, qui est ve-
ra requies, Iesus Christus Filius Dei
vivi: ille benedicat vos, & à pœnis li-
beret, faciatque resurgere in die judi-
cii, Angelisque suis sociari.

Visitando SS. Sacramentum.

ORAM te, ô sanctissimum Sacra-
mentum, cum summa reverentia

D 5

pro-

procido, & cum omnibus Angelis, & Archangelis, cum Thronis, & Dominationibus, cumque omni militia celestis exercitus, hymnum gloriæ tuæ concino, dicens: Centies millies laudetur sanctissimum altaris Sacramentum.

Credo, mi Iesu, firmissimè, quod sub his speciebus tu Dominus meus, & Deus meus continearis. Innovo, & offero tibi omnes affectus, & actus adorationis, salutationis, & recognitionis hîc & ubique elicitos, & impenso. Et non tantum hîc, sed in omnibus Ecclesiis per totum mundum existentibus.

Gratias tibi, Domine, pro thesauris omnibus beneficiorum, quos hîc aliquando effudisti, & effundes. Doleo de omnibus peccatis, & irreverentiis quibus aliquando in hoc loco offensus es, & offenderis.

Vos verò sancti Angeli, SS. Patroni ad quorum Ecclesiam vivo, & in qua sepeliar, adorete, & magnificate pro me istum Dominum meum hîc præsentem omni modo, omni tempore, in æternum.

*Praxis offerendi Sacrificium Missæ
cum Sacerdote celebrante.*

SUSCIPE, clementissime Pater, hoc
SS. Missæ Sacrificium à Sacerdote
cele

celebrandum, in unione illius SS. Sacrificii, quod Christus in ultima coena, ac demum in ara crucis tibi obtulit. Et imprimis.

In gratulationem de infinitis thesauris gloriæ, quos habes in te, & à te.

In adorationem & amorem, quo in æternum cupio amare te propter te.

In gratiarum actionem pro beneficiis omnibus, quæ habeo, & quæ habent omnes creaturæ à te.

In satisfactionem omnium peccatorum, quibus unquam offensus es.

In impetrationem gratiæ illius, quam mihi nunc, & in ultimo puncto vitæ meæ maximè necessariam scis esse, ut veniam ad te.

In impetrationem gratiæ tuæ omnibus in horrendo mortalis peccatis statu existentibus, omnibus in agone luctantibus, peregrinantibus, viduis, orphanis, benefactoribus.

In auxilium animarum purgatorii, præcipuè N. ut levamen poenarum consequantur.

Praxis Communionis spiritualis.

ITa est, Domine Iesu, indignissimus sum; quia omnibus peccatoribus, & ipsis damnatis deterior sum, indignus

omni bono, & dignus omni malo. Sto
tamen pauper & inops ad mensam ma-
gni Regis, & amantissimi Patris mei,
tuam Christe Iesu, & credo tibi, ò æter-
na veritas, quod verè è summo cœlorum
ad verbum Sacerdotis, ut me visites,
venire dignatus es: verumtamen con-
scius infirmitatis meæ, & peccatorum
meorum, de quibus propter te vehe-
menter doleo, non audeo sacramentali-
ter suscipere te; sed dico ex amore tui
cum Centurione: Domine non sum di-
gnus ut intres sub tectum meum; sed
per os Sacerdotis veni, amantissime
Iesu, in animam meam. Munda, quæ-
so, illam à malis omnibus & imperfe-
ctionibus, orna bonis & virtutibus.

Actus petitionis pro statu Ecclesiæ.

O PATER misericordiarum, respice
in faciem Christi tui, qui clamo-
re valido, & lacrymis interpellat pro
Sponsa sua Ecclesiæ, matre nostra.

Ecce, mi Pater, profusus ille corpo-
ris sudor, horrendæ capitis spinæ, cali-
di fontes oculorum, clavi manuum &
pedum, livores & vulnera, & vox san-
guinis fratris nostri Iesu Christi clamat
ad te de cruce.

Audi, ò Pater: ad hujus suspiria, &
gemi-

CHRISTIANUS. 83

gemitus moti sunt cœli, scissi sunt lapides, & tenerrima misericordiæ tuæ viscera non flectentur?

Protege & defende, Pater clementissime, populum tuum contra hostium ferociam. Ne tradas bestiis animas confitentes tibi, & animas pauperum tuorum ne projicias in finem.

Custodi omnes, Domine, & conserva, qui te sincero corde, & ore confitentur, ne à falsis Prophetis, qui veniunt in vestimentis ovium, intus autem sunt lupi rapaces sedueantur: coercere potentiam illorum, machinationes detege, & consilia adversus Ecclesiam tuam dissolve.

Da fidelibus tuis, misericors Domine, ut in pace, & tranquillitate, ac unionem incessanter amemus & laudemus te, ut doctrinam tuam agnoscamus, teque ad mortem usque constanter sequamur.

*Deprecatio pro felici successu
sacræ Religionis.*

DOMINE Deus. Rex omnipotens, in ditione tua cuncta sunt posita, & non est qui possit resistere tuæ voluntati, si decreveris salvare, & conservare nos indignos servulos mille tibi votis, ac desideriiis mancipatos. Tu fecisti cœlum & terram, & quicquid cœli ambitu

con-

continetur . Dominus omnium tu es ,
nec est qui resistat Majestati tuæ . Et
nunc Domine Rex , Deus Patrum no-
strorum miserere congregationis tuæ ,
quam possedisti ab initio .

Ne despicias, Domine, partem tuam,
& hæreditatem tuam, quam tuo sangui-
ne adquisivisti . Exaudi deprecationem
meam : intende oculos pietatis tuæ in
omnes Religionis nostræ Præsules , &
Pastores , & fac eos super commissum
sibi gregem fideliter excubare..

Converte oculos tuos misericordes
in omnes Religiosos servos tuos, & fra-
tres nostros, quos de hoc sæculo nequam
eripuisti , ad te benignè traxisti, ut hæ-
reditatem capiant salutis . Da illis in
virtute & vocatione profectum , & in
cunctis fervorem accende . Da , ut vi-
ventes per totum mundum laudemus
nomen tuum , Domine , & ne unquam
claudas ora te canentium , Domine
Deus noster..

Postulatio gratiarum..

SI QUIDEM, bone Iesu, sine gratia
tua nihil boni fieri potest, quocirca
peto à te dona , & auxilia ad meam , &
proximorum salutem procurandam ne-
cessaria . Peto auxilium gratiæ habitua-
lis

lis sanctificantis. Peto continuas gratias efficaces, excitantes, & cooperantes. Peto intensiores habitus virtutum, fidei, spei, charitatis, iustitiæ, prudentiæ, temperantiæ, & fortitudinis.

Largire dona, & fructus Spiritus sancti: largire opera misericordiæ spiritualis, & corporalis. Largire etiam gratias gratuitas ad salutem proximorum, & amplificandam gloriam tuam. Tribue gratiam orationis mentalis & vocalis, examinis utriusque, frequentis recollectionis, silentii, intimæ tecum unionis, pietatis erga Virginem beatissimam, cultus erga SS. Patronos.

Concede, ut perfectè observentur regulæ, & vota paupertatis, castitatis, obedientiæ. Auge in me amorem vocationis, & da mihi spiritum statûs, & aptitudinem ad omnia ejus munia peragenda. Da virtutes solidas humilitatis, mortificationis heroicæ, & abnegationis in omnibus, sitim insatiabilem contemptus, & injuriarum. Da, ut nunquam te peccato mortali, & veniali deliberato offendam. Da vitam plenam meritis, & tuo amorem ferventem. Da perseverantiam in Religione, & feliciem in optimo animæ meæ statu mortem.

Peti-

Petitio brevior.

Ps. Confirma hoc Deus quod operatus es in nobis.

Rx. A templo sancto tuo quod est in Ierusalē.

Oratio.

DEUS, qui nos à seculi vanitate conversos ad bravium supernæ vocationis accendis, pectoribus nostris purificandis illabere, & gratiam nobis, quâ in te perseveremus infunde; ut protectionis tuæ muniti præsidiiis, quod te donante promissimus impleamus, & nostræ professionis executores effecti, ad ea, quæ perseverantibus in te promittere dignatus es, pertingamus. Per Christum Dominum nostrum.

*Aktus ad Virginem beatissimam,
& Sanctos Patronos.*

Formula dedicandi se beatissimæ Virgini.

SANCTA Maria Mater Dei, & Virgo immaculata: Ego N. peccator vilissimus, undequaue purissimo conspectu tuo indignissimus, impulsus desiderio tibi serviendi, ac fretus pietate tua singulari, coram benedicto Filio tuo, &
curia

curia cœlesti universa , dedico me tibi hodie in servum , & mancipium tuum , eligoque te in singularem meam Dominam , Matrem , & Advocatam , & firmiter propono , me nunquam te derelicturum , neque contra te aliquid unquam dicturum , sed semper tuum honorem defensurum.

Te itaque , Virgo sacrosancta , per sanguinem unigeniti Filii tui Iesu Christi oro , ut me inter alios tibi devotos in servum perpetuum admittere digneris , ad sisque mihi in omnibus necessitatibus meis , & super omnia non me deseras in hora mortis meæ.

*Christus proprio ore dictavit in Regula
Salvat. cap. 5. has duas Orationes.*

OMNIPOTENS sempiternæ Deus , qui pro nobis de castissima Virgine nasci dignatus es , fac nos , quæsumus , tibi casto corpore servire , & humili mente placere.

ORAMUS te , piissima Virgo Maria , mundi Regina , & Angelorum , ut eis , quos purgatorius examinat ignis , impetres refrigerium , peccatoribus indulgentiam , justis in bono perseverantiam , nos quoque fragiles ab instantibus defende periculis . Per Christum Dominum nostrum.

Bea-

*Beatissima V. M. hæc dixit S. Birgittæ
lib. 1. ejus Revelat. cap. 8.*

Sic laudare debes me.

BENEDICTUS sis tu Deus creator
omnium, qui in uterum Mariæ
Virginis descendere dignatus es.

Benedictus sis tu Deus, qui cum Ma-
ria Virgine esse sine gravamine voluisti,
& de ea immaculatam carnem sine pec-
cato sumere dignatus es.

Benedictus sis tu Deus, qui ad Virgi-
nem cum gaudio animæ ejus venisti, &
sine peccato de ea processisti.

Benedictus sis tu Deus, qui Mariam
Virginem Matrem tuam post Ascensio-
nem tuam crebris consolationibus læ-
tificasti, & per te ipsum eam consolando
visitasti.

Benedictus sis tu Deus, qui corpus, &
animam Mariæ Virginis Matris tuæ in
coelum assumpsisti, & super omnes An-
gelos juxta Deitatem tuam honorificè
collocasti: miserere mei propter pre-
ces ejus.

Devota ad B. V. commendatio.

MEMORARE piissima, & glorio-
sissima Virgo Maria, Mater mi-
sericordiarum & totius consolationis; à
seculu-

seculo non esse auditum, quenquam ad tua præsidia currentem, tua implorantem auxilia, aut tua petentem suffragia, à te, Virgo Maria, derelictum. Idcirco tali animatus fiducia, ad te Virgo Virginum, Regina coelorum, & Domina Angelorum, ò Maria Mater Domini nostri I. C. confugio, ad te Stella maris curro; coram te miser gemens, & tremens assisto.

Noli, ò Domina mundi, clementissimas aures tuæ pietatis ob ingratitude- nem meam, ad clamorem meum claudere. Noli, Mater omnium, ab omni benignitate me excludere: sed benignè fac mecum propter nomen sanctum tuum. Noli porta coeli ob scelera mea jugiter obserari: sed reporta me ad portam gratiæ, à qua ingratus exivi, per quam tu mundo vitam & salutem reportasti.

Noli, Regina gloriæ, ob tuæ celsitudinis gloriam, mei peccatoris oblivisci, sed memor esto fragilitatis meæ, & adjuva me propter magnitudinem gloriæ tuæ. Noli solitam pietatis tuæ manum retrahere, sed tolle quòd metuo, largire quo careo, indulge quod offendo. Noli æterni Verbi Mater verba mea despicerre, sed audi propitia, & exaudi me miserum ad te in hac lacrymarum valle
cla-

clamantem , nunc & semper, & in hora mortis meæ: O clemens, ò pia, ò dulcis Virgo Maria.

Pro felici morte ad B. Virg.

O DULCISSIMA Iesu Mater Virgo Maria , Patrona mea , visceribus misericordiæ plena , succurre mihi misero peccatori , antequam mors subitanea, & improvisa superveniat, ne subitò & imparatus de hoc mundo transeam.

Ora pro me Maria Virgo benedicta , ob unigeniti Filii tui D.N. I. C. passionem ac mortem amarissimam, ut peccati detestatione, diaboli & operum ejus abrenuntiatione, vera contritione, pura & humili confessione, poenitentiâ & satisfactione, digna Dei acceptione, & proximi dilectione, Filio tuo reconciliatus de hoc mundo transeam.

Et fac mecum misericordiam tuam, ò B.V.M. Mater Dei, in illa tremenda hora , quando spiritus vitales deficient, & mortua lingua non poterit invocare te ; neque oculi mei lucem capere, auresque meæ nulli voci patefcent . Memor esto, ò Maria , precum , quas nunc fundo ad aures tuæ pietatis , & subveni mihi in illa ultima hora necessitatis meæ , ut liber à ministris diaboli , collocer cum Chri-

Christi fidelibus Filii tui servis & amicis. Amen.

Ad Angelum Custodem.

ANGELE Dei sacratissime, mihi à Deo in custodiam deputate, gratias tibi ago pro omnibus beneficiis, quæ mihi in corpore, & anima unquam exhibuisti.

Laudo & glorifico te, quòd mihi mi-ferrimo tam fideliter æstare, atque me contra omnes hostium insultus tueri dignaris.

Benedicta sit illa hora, quâ mihi in custodiam datus, & in defensorem, atque Patronum deputatus es.

Benedicta sit tua in me charitas, omnisque tua sollicitudo, quâ salutem meam promovere non cessas.

In recompensationem omnium obsequiorum mihi à juventute exhibitorum, offero tibi nobilissimū cor Iesu Christi: rogans mihi ignosci, quòd toties sanctis tuis inspirationibus renitendo te contristaverim: firmiter nunc propono tibi obedire, Deoque meo fideliter servire.

*Ad S. Joannem Evangelistam pro
conservanda castitate.*

Antiphona. Iste est Joannes, qui supra pectus Domini in coena recubuit:
bea-

beatus Apostolus, cui revelata sunt secreta cœlestia.

ψ. Hic est discipulus.

℞. Quem diligebat Iesus.

Oratio.

PECORIS illius delicias, & divini cordis dulcedinem, supra quod felicissimè decubisti S. Ioannes, ad nos quoque famulos tuos feliciter extende; ut, abjectis mundi illecebris, in puro Christi amore quiescamus. Per &c.

Ad S. Josephum.

Antiphona. Salve Patriarcharum decus, & Ecclesiæ sanctæ Dei Oeconomus, qui panem vitæ, & frumentum Electorum conservasti.

ψ. Ora pro nobis castissime Ioseph.

℞. Ut digni efficiamur promissionibus Christi.

Oratio.

VIRGINUM, Custos, & Pater S. Ioseph, cujus fideli custodiæ ipsa innocentia Christus Iesus, & Virgo Virginum Maria in terris commissa fuit; te per hoc utrumque charissimum pignus tuum Iesum & Mariam obsecro, & obtestor, ut me ab omni immunditia præfer-

servatū, mente incontaminata, puro corde, & casto corpore Iesu & Mariæ semper facias castissimè famulari. Per &c.

Votiva ad eundem Sanctum.

SANCTISSIME Ioseph Mariæ Matris Dei & Virginis Sponse, periclitantium & agonizantium advocate. Ego N. te hodie coram Iesu, & Maria Sponsa tua, in Dominum, Patronum, & Advocatum pro tota vita mea, & morte eligo, firmiterque statuo ac propono, me nunquam te derelicturum, neque contra te aliquid unquam dicturum, neque permissurum, ut aliquid contra tuum honorem unquam agatur.

Suscipe me ergo in servum tuum, & me Mariæ Sponsæ tuæ in perpetuam protectionem, & in æternas Iesu misericordias commenda: adsis mihi in omnibus actionibus meis, quas omnes offero in perpetuum, ad maiorem Iesu, Mariæ, & tuam gloriam, nec me deferas in hora mortis, ad quam te nunc sanctum Patronum invito: ut tunc quod possibilitas mea non obtinet, tui mihi intercessione donetur per Iesum Deum animæ meæ.

Gratias tibi Deus meus, pro omni donorum thesauro, quem in Iesum, Mariam, & S. Iosephum effudisti.

Gra-

Gratias tibi ago, dulcissime Iesu, & tibi SS. Virgo Maria pro omni amore, & benevolentia, ac honore, quo sanctum Iosephum complexi estis.

Gratias tibi SS. Ioseph pro omnibus laboribus & doloribus, quos pro Iesu, & Maria libentissimè sustinuisti.

Gratias vobis omnes Sancti, & Sanctæ Dei, quæ peculiari studio Iesum, Mariam, & Iosephum coluistis: adeste mihi vos omnes unà cum Iesu, Maria, Iosepho semper, sed potissimum hinc migranti.

Per merita agni immaculati Iesu Christi, ex quo est fons omnis puritatis, & per immaculatam Conceptionem, SS. Virginitatem, & innocentissimam Puritatem beatæ semper Virginis Matris Dei Mariæ, & intercessionem castissimi Sponsi ejus Iosephi emundetur, & immaculatum conservetur cor & corpus meum.

In nomine Patris, & Filii, & Spiritus sancti.

Ad S. Barbaram.

Henricus Koch ad ossa usque exustus, sequenti Oratione meruit esse superstes.

Sur. 4. Dec.

O SANC TISSI MA Virgo Barbara, quodcunque Sponsi tui viribus potes,

tes , mihi in mortis articulo , obsecro ,
 ut suppedites ; adjuva me miserum , ne
 in peccatis moriar : effectum tunc ha-
 beat tua intercessione primitus à Chri-
 sto tibi facta promissio , cum fidem ejus
 tuo sanguine consecrares . Redeat in-
 memoriam Sponso tuo virgineus collo
 tuo exuberans sanguis : recordetur ar-
 dentissimæ tuæ charitatis , nec animam
 meam à corpore exire permittat , nisi
 confessione expiatam , & SS. Euchari-
 stia Sacramento resectam . Amen.

*Ad S. Patronum , cujus nomen in ba-
 ptismate sortitus es.*

O BEATISSIME N. Patrone fidelis-
 sime , invictissime miles purpurati
 exercitus , substerno me tibi in servum
 perpetuum : commendo vitam , & mor-
 tem meam , maximè autem extremum
 spiritum meum.

Obsecro , mi Patrone sanctissime , per
 amorem , quo tam ferventer Deo adhæ-
 sisti , ut nunc liberari possim à cunctis
 malis animæ & corporis , ac te duce &
 comite , securior pervenire merean ad
 vitam æternam.

O Deus omnipotens & misericors ,
 nomen meum mellifluo nomini tuo di-
 gneris subscribere in libro vitæ , & qui
 E me

me famulum tuum Sancti tui N. nomine voluisti gaudere, da, ut in omnibus tibi placitis ejus vestigiis insistam, & tandem cum illo beatissimam faciem tuam contemplari valeam.

Modus honorandi quemcunque Sanctum in ejus festivitate.

O D E U S æterne, infinitarum perfectionum author, adoro te creatura tua, ut supremum rerum omnium, Dominum, & principium omnium donorum, naturæ, gratiæ, & gloriæ, quibus Sanctum N. in terra ornâsti, & nunc ornas in cœlis.

Gratias tibi bone Iesu, gratias sanguini tuo, ex quo omnia Sancti hujus merita fluxerunt.

Gratias tibi, ò Patrone fidelissime, ob illum amorem, quo divinam Majestatem olim in terris, & nunc amas in cœlis. Gratias tuo benedictio cordi, gratias sanguini (si est martyr) quem effudisti.

Gratias ob tot exempla virtutum, nobis relicta, & beneficia multis per merita tua collata.

Benedicta sit B. V. Maria, benedicti Sancti Patroni, & Angeli Custodes, quorum ope ad hanc paradisi gloriam pervenisti.

Con-

CHRISTIANUS. 99

Confundor & erubescō , quòd vitiis meis sim adeò tibi dissimilis , & præsertim tuæ puritati.

Recipio te in Patronum & Advocatum meum , ac me tibi trado in servum , & clientem in vita , & in morte.

O S. Patrone cœli Princeps , per amorem Iesu & Mariæ , impetra Ecclesiæ sanctæ pacem , omnium Infidelium , Hæreticorum , ac peccatorum conversionē.

Offero tibi , ò SS. Trinitas , meritâ omnia SS. Patroni mei ad gustum divinisissimi cordis tui , & gaudeo de omni amore & servitio , quod exhibuit tibi fidelis iste servus tuus.

Offero preces omnes , quæ in ejus honorem funduntur , ut ante tribunal tuum , altissime Deus , præsententur , & per eas mihi benefacias.

Gratulor tibi , ò S. Patrone , de omni honore & cultu , quem in terra habes , & quem in regno gloriæ consecutus es.

Aktus Antemeridiani.

MEMENTO Domine , per viscera misericordiæ tuæ , per merita Filii tui , per merita beatissimæ Virginis Mariæ ac omnium Sanctorum Electorum tuorum & imprimis Ecclesiæ Spousæ tuæ : auge in ea fidei puritatem , & la-

bore virorum Apostolicorum dilata-
cam toto orbe terrarum.

Da summo Pontifici nostro N. Spiritus sancti abundantiam, ut populo sibi commisso verbo, & exemplo præluceat. Intende oculos pietatis tuæ in universos Ecclesiæ Præsules & Pastores, & fac eos super gregem sibi commissum fideliter excubare.

Adesto Parochis, Presbyteris, & omni Clero, ut nulli præbeant scandali occasionem, diligant puritatem, & ea sequantur, quæ pacis sunt.

Esto propitius omnibus Religiosis, da illis continuum in virtute profectum, votorumque, ac regularum exactissimam observantiam.

Effunde miserationes tuas, Domine Princeps Regum terræ, in omnes Reges, & Catholicos Principes, eisque tribue in obedientia fidei, & Ecclesiæ perseverantem famularum, subditorum curam, justitiæ zelum, & observantiam mandatorum tuorum.

Da Virginibus continentiam & castitatem, conjugatis sanctimoniam, poenitentibus indulgentiam, viduis & orphanis sustentationem, peregrinantibus reditum, navigantibus portum, justis perseverantiam, bonis ut melioris fiant,

repidis ac ferveſcant, malis & peccatoribus, qualem me dolens eſſe confiteor, ut convertantur.

Conſerva cœlum in ſalubritate, terram in fertilitate, mundum in providentia ex omni parte ſufficienti.

Reſpice omnes ægrotos, tentatos, afflictoſ, agonizantes, incarceratos, & in aliquo periculo, vel neceſſitate conſtitutos: da illis auxilium & conſolationem, prout expedit ad gloriam tuam, & ſalutem illorum.

Miſerere, Domine, omnium conſanguineorum meorum, affinium, amicorum. Miſerere inimicorum meorum, quos intimè amore tui diligo. Miſerere omniũ, quos ego ſcandalizavi & offendi.

Reſpice etiam, clementiſſime Domine, Paganos, Turcas, Idololatrias, Hæreticos, Schiſmaticos, Iudæos, & gentes omnes à fide alienas; colluſtra eas, Domine, veritatis tuæ ſplendore, ne pereant tot imagines tuæ, pro quibus pretioſus Filii tui ſanguis effuſus eſt.

Memento demum, Rex æternæ, cui omnia vivunt, animarum omniũ fidelium defunctorum, præcipuè earum, quæ ſuis carent ſuffragiis, & pro quibus orare tencor. Extingue earum ardorem optato ſore miſericordiæ tuæ, & citò

purgatas in conspectum tuum admitte.

Pro me ipso tandem infelicissimo peccatore clementiam tuam humillimè imploro. Miserere mei secundum magnam misericordiam tuam. Dona mihi virtutes statui meo necessarias. Da terrena despiciere, & amare cœlestia.

Actus Meridiani.

O CANDOR lucis æternæ, Domine mi Iesu! ò ignis, qui dulciter ardes, secreta lucas, suaviter odoras! quando nox ista sicut dies illuminabitur, in qua tuo in lumine videbo lumen tuum.

O quando veniet dies illa, cui nox non succedit, quæ temporum vices nescit, sed semper lucet, & diefcit!

Quando, mi suavissime Iesu, flammis tuæ immensæ charitatis inflammatus ego te solo, & te solum ardere incipiam? quando ardescet pigrum frigus meum igne tuo, & accensus in te, parvus erit mihi omnis amor, quo creatura quævis diliget te? quando, mi Iesu, vitali amoris tui morte moriar, & in igne tuo consumptus favillescam, habiboque in cineres dilectionis tui?

O Domine, quando ero tuus totus, & tu meus? quando suspensus de te, deficiam à me, & transibo in te, quando in
loco

loco tabernaculi admirabilis reficiat in admiratione gloriæ tuæ? quando gustabo, & videbo quàm suavis sis, Domine Iesu?

Quanti mercenarii abundant in domo patris mei panibus, & ego hîc fame pereor! ò si citiùs possem surgere, & ire ad Patrem meum! Quamvis verò iste panis non sit dandus canibus, quorum unum me meum facit peccatum; attamen & catelli edunt de micis, quæ cadunt de mensa dominorum suorum.

O Deus cordis mei! quemadmodum desiderat cervus ad fontes aquarum, ita desiderat anima mea ad te fontē vivum.

Quis indicabit mihi, quem diligit anima mea, ubi pascat, ubi cubet in meridie? & quando requiescam in meridie illo, meridie jucunditatis, & lætitiæ? O meridies præclarus & pulcher, nesciens vesperum, non habens occasum!

Veni suspirata quies amantis animæ meæ, ut nulli mihi dies, nullæ noctes eant sine te, nullus mihi somnus, nulla requies sine te; te solùm esuriam & sitiam, qui pascaris inter lilia, mi Iesu suavissime.

Actus Pomeridiani.

O BONITAS, ò misericordia mea, Deus meus! quid retribuam tibi

pro omnibus, quæ tribuisti mihi? en vilissimus terræ vermiculus immensas tibi gratias ago.

Quia ex æternitate vidisti, & dilexisti me (ut de tua misericordia spero) me ad gloriam tuam efficaciter elegisti, & per convenientia media ad eā prædestinasti.

Qui per creationem me ex nihilo condidisti, ad tuam imaginem, & similitudinem fecisti, & innumeris donis in anima & corpore ditasti.

Quia me, & omnia propter me tam longa duratione conservas, sine cujus actuali concursu in nihilum rediremus, nec possemus uno momento subsistere.

Quia me pretioso vulnerum tuorum sanguine redemisti, & per merita ac passionē tuā a servitute diaboli liberasti.

Quia me cum paucis respectu multorum ad Ecclesiam tuam, & ad tui cognitionem & obsequium vocasti.

Quia Sacramentis, inspirationibus, Sanctorum exemplis, spiritualibus libris, & aliis plurimis mediis ad bonam vitam adjuvisti, & adjuvare non cessas.

Quia me ab innumerabilibus periculis perdendi gratiam liberasti, & liberare non desinis.

Quia plurimis donis tum internis, tum externis, tum naturæ, tum gratiæ ditasti.

Quia

Quia mihi (ut spero) ab æterno certum, secundum tuam prædestinationem, gradum gloriæ efficaciter præparasti.

Quia me hodie ad orationem, & tui colloquium admisisti, pretioso corpore & sanguine satiasti, & per totam vitam infinitis aliis beneficiis, ac postea per totam æternitatem afficies.

Insuper gratias tibi, Domine, quia cuiusvis benignè provides corpori & animæ, & das escam omnibus in tempore opportuno. Neque tantum hominibus, sed & jumentis das escam ipsorum, & pullis corvorum invocantibus te. Ergo pro omnibus, & in omnibus sis benedictus in æternum.

Actus Antevespertini.

O ÆTERNÆ Deus, principium sine fine! scio, & verè cognosco, quia corpus meum in dies ruinam minatur, mors semper insidiatur, & mox post lucem in tenebris sternā lectulum meum; ideo dum claudentur oculi mei, lingua etiam mea, & cor meum in tuis deficient laudibus. Proinde, mi Deus, quia te vitam meam, centrum cordis mei, unicum animæ meæ delictum, in sepulchro dormiens & putrescens, non amplius laudare, & amare potero: ideo

omnia bona opera , post exitum meum
 è vita hac , tibi in toto mundo impen-
 denda, nunc offero & dedico.

Præcipuè offero tibi , mi Deus , o-
 mnium sanctorum Angelorum ac homi-
 num laudes tui , adorationes , amores,
 & omnes actus bonos , tibi sive in via ,
 sive in patria exhibendos.

Offero omnium Electorum tuorum
 persecutiones, dolores, mortificationes,
 & omnia martyria : Omnia demum Sa-
 crificia in toto orbe celebranda.

Insuper, dilecte Iesu, hoc adjicio de-
 siderans corde affectuoso , ut quando
 corpus meum fuerit in pulveres minu-
 tissimos redactum , & lapide clausum ,
 ut videlicet , de qualibet particula mi-
 nutissima vox amoena laudis , & inten-
 tissimi amoris tui exurgat ; quæ durissi-
 mum lapidem penetrans , coelorum al-
 titudinem transcendat , & usque ad ex-
 tremum judicii diem vivæ laudis pre-
 conium extollat , donec in resurrectio-
 ne beata corpus & anima pariter unita,
 in tuæ laudis glorificatione copulentur.

Actus cunctis dormitum.

CRÉDO , Domine , quicquid de te
 credit S. Romana Ecclesia, & quic-
 quid illa damnat ego damno, & anathe-
 mati-

matizo , imò pro hac fide sum paratus ,
ac opto mori.

Spero , Domine , etiamsi vilis , indig-
nus , & abjectus homuncio in abyſſo
miſericordiarum tuarum , & in ſanguine
tuo cum tanta charitate pro me effuſo ,
quia me ſalvum facies , & in carne mea
videbo te Deum Salvatorem meum.

Gratias tibi , Domine , pro beneficiis
propriis , pro beneficiis communibus :
gratias tibi pro beneficiis cuicunque
creaturæ hodie conceſſis.

Doleo , mi Ieſu , quòd te ſummum bo-
num , bonum infinitum , bonum amabi-
liſſimum toties hodie , & tam graviter
offenderim , & doleo ex corde non tam
propter amiſſionem cœli , aut metum
infernì , ſed ob amorem tui ſolius præ-
cipuè.

Detector ſimul , & abominor peccata
totius mundi hodie præcipuè commiſſa.
Opto ex animo , ut compenſari aliqua-
tenus meo ſanguine poſſint.

Proteſtor coram te , Domine , quòd
millies potiùs impendere eligam vi-
tam , quàm poſthac ulli peccato etiam
veniali deliberato conſentiam . Hucus-
que ſit terminus delictorum meorum ,
& non ultra in æternum.

Parco , Domine , omnibus , qui me ali-

qua molestiâ in vita affecerunt , & eos propter te sincerè amo.

Offero me ad omnem nutum divinæ voluntatis tuæ . Visnè bone Iesu ut hac nocte moriar ? lubens moriar . Offero me ad omnia mala poenæ toleranda , renuncians iudicio , voluntati , amorì meo proprio.

Et quia vitæ & salutis incertus , velut sepulchrum ingredior somnum capturus , voveo (si est Religiosus ,) coram tota curia coelesti , Paupertatem , Castitatem , & Obedientiam.

Omnia quæ feci , aut facere debui , substerno pedibus Iesu . Et quia non implevi mensuram meritorum meorum , quam hodie implere debui , investio me superexcessivo sanguine Domini Iesu , quia quod potuit sanguinis guttâ , redemit undâ.

Sacratissima JESU & MARIE nomina versari ante somnum digito in fronte efformare contra mortem repentinam , docuit ipse Christus Dominus S. Edmundum Cantuar. Archiep. Tu similiter fac.

PE^r signum sanctæ Crucis de inimicis nostris libera nos Deus noster (hoc ter dicat) Procul recedant somnia , & noctium phantasmata : hostemque nostrum

rum comprime, ne polluantur corpora.

Dignare Domine nocte ista sine peccato nos custodire: Miserere mei Deus secundum magnam misericordiam tuam.

Pax Domini nostri Iesu Christi, & virtus sacratissimæ Passionis ejus, signum S. Crucis, & titulus triumphalis *Iesus Nazarenus Rex Judæorum*, integritas quoque B. M. V. custodia SS. Angelorum, & suffragia omnium Electorum sint inter me, & omnes inimicos meos.

O cor Iesu dulcissimum, tibi commendo hac nocte cor & corpus meum, ut in te dulciter requiescat. Et quoniam ego obdormiturus Deum laudare nequeo, hoc tuum, mi Iesu, suavissimum Cor pro me supplere dignetur.

Iesus Nazarenus Rex Judæorum præservet me à subitanea morte: Iesu sis mihi Iesus: Virgo Maria sis mecum in via. Omnes Sancti, & Sanctæ Dei intercedite pro me. Nos cum prole pia benedicat Virgo Maria.

Iesu, Maria, Joseph, dono vobis cor, & animam meam.

S. Gertrudis, cum quodam tempore dormire non posset, hanc Orationem à Christo didicit lib. 3. cap. 25.

PER tranquillissimam suavitatem, quæ ab æterno in sinu Dei Patris accubui;

buisti: & per amœnissimam pausationem in utero virginali, quâ novem mensibus quievisti: & per jucundissimam delectationem, quâ unquam in amante aliqua anima dignatus es deliciare: rogo te, misericordissime Deus, ut non ad meum commodum, sed ad æternam laudem tuam mihi concedere digneris aliquantam requiem, quâ lassata membra corporis usui exercitationis restituatur.

Actus brevis pro defunctis.

MISERERE, piissime Iesu, misere re & respice de sede magnitudinis tuæ ad miseras animas in purgatorio detentas, quia tibi proprium est miseri semper, & parcere. Miserere gemituum, misere lacrymarum, quas ad te fundunt, & condona eis poenas peccatis ipsarum debitas.

Præcipuè verò animabus fratrum, amicorum, & benefactorum meorum: animabus bello, peste, fame sublatorum: item pauperum, egenorum, & quorum nulla extat memoria: ac demum illorum, quos à me juvari vis: per Sanguinem totius corporis tui, per crucem & mortem tuam, per merita omnium Electorum tuorum, per SS. Missæ Sacrificia, & omnia bona opera ad gloriam tuam in toto mundo facta. Requiem æternam dona

CHRISTIANUS. 111

dona eis , misericordissime Domine, & lux perpetua luceat eis . Requiescant in lumine viventium , videntium , & amantium te in æternum . Amen.

CAPUT IV.

Solitudo , seu quotidiana familiaris cum Deo Viatoris conversatio.

Q Anima sancta sola esto , ut soli omnium serves te ipsam . S. Bern.

HANC brevem solitudinem , & cessum suadent tibi , Viator, non tantum mundi hujus miseriæ , sed ipsius solitudinis deliciæ . Quid enim potest deesse deliciarum homini , cum illic adest , cujus deliciæ sunt esse cum filiis hominum . Quod per Isaiam Dominus promisit dicens : *Ponet desertum ejus quasi delicias , & solitudinem quasi hortum Domini , gaudium & letitia invenientur in ea .* Unde in hac solitudine de perenni divinitatis fonte limpidissimis consolationibus affluens S. Benedictus , non semel in uno solis radio totum mundum collectum conspexit . Et S. Ignatius in eadem solitudine internâ suavissimâ

suma cœli gaudia libans , erumpebat in hac verba : *Quam sordet mihi terra, dum cœlum conspicio !* Ideo Hieronymus sapius de suo deserto : *Mihi cetera carcer, & solitudo Paradisus* . Ut ergo anima his possit vocare delictis , fugiendo hominum contubernium , & cum solo Deo habens commercium , scire refert ad quem se locum conferet . Gemina est solitudo , altera exterior corporis , altera interior animi . Prima , secundum Ascetas , est locus remotus in abdito recessu , vel extra urbem , à familiæ strepitu , & inanium rerum agitatione : unde ille præcursor Domini S. Joannes Baptista , inter natos mulierum maximus , ab incunabulis solitudinem adivit , pluribusque annis coluit . S. Magdalena licet singulari gratia Dei prædita fuerit , tamen totum vitæ suæ tempus post passionem Christi , videlicet triginta annos in spelunca quadam transigere voluit .

Carolus Imperator , ut solitudine liberiùs frueretur , Regnum suum in Philippum filium derivavit , de quo sic testantur Annales : *Carolum majorem fuisse in sua Eremita , quàm in Imperio* . Ejus nepos Philippus morti vicinus in hæc verba prorupisse dicitur : *utinam corona caput non cinxisset ! pœnitet fuisse*

Re-

Regem : melius in aliquo deserti angulo , extra mundanorum negotiorum tumultum vixissem.

Potes tali frui solitudine etiam in populosa civitate, qualem sibi fabricata est Judith, de qua ita sacri Annales : *In superioribus domus sua fecit sibi secretum cubiculum , in quo cum puellis suis clausa morabatur .* Non est igitur, ut sis solus, excusationi locus, quia ubique est solitudini locus.

Altera est solitudo non loci, sed animi, non montium, sed mentium, non eremi, sed cordis. Non te ab hominibus sejungas, sed cum Deo conjungas : non recessus ab urbibus, sed accessus ad cœlum, attentâ meditatione faciet te solitarium. *In populosa urbe, inquit Petrus Damiani, amor artifex solitudinem reperit.* Ideo nullum vitæ genus est adeò negotiis addictum, adeò curis implicatum, in quo solitudo animi, mentisque secessus nequeat reperiri. Quare in turba, itinere, conviviiis etiam, faciat sibi cogitatio secretum, faciat solitudinem, & familiarem cum Deo conversationem.

Si ergo secedere non potes ad hebdomadas aliquot ; si non potes ad aliquot dies animum colligendi gratiâ, saltem horam unam, aut alteram concede Deo loquen-

loquenti in solitudine ad cor. Benè suavit
fit cuidam Hieronymus: *Adhibe tibi in
urbe solitudinem, & remotus ab homini-
bus junge te Deo.* Nam talis solitudo est
quidam paradisus cœlestis voluptatis,
est via recta ad cœlum, conscientiae ca-
thedra, magistra silentii, est nuptialis
thalamus, in quo sancti Spiritus annu-
lus tribuitur, & cœlesti Sponso felix
anima foederatur.

DIE DOMINICO.

Meditatio.

De Beneficio Prædestinationis.

Prelud. 1. Statue te coràm Deo, in-
quantum Prædestinator est, cui soli
cognitus est numerus prædestinato-
rum, & præscitorum.

Prelud. 2. Pete, ut possis cognoscere
media ad finem prædestinationis con-
sequendum.

Punctum 1. **C**ONSIDERA hoc be-
neficio nō esse com-
mune, sed peculiare, eorum dumtaxat,
qui ab æterno electi sunt à Deo ad vi-
tam æternam, quod est omnium benefi-
ciorum maximum, non solum quia da-
tur ante omne meritum, sed quia cæte-
rorum est fundamentum.

2. Co-

2. Cogita tecum: Quis scit, an nomen meum scriptum est in libro vitæ, vane sum in honorem, an in contumeliam, hædusne, an agnus; Ingeffit olim hanc cogitationem S. Bernardus Fratribus suis dicens: *Quis scit an omnium vestrum, quos hic video, nomina scripta sint in libro vitæ? Multi enim sunt vocati, pauci verò electi.*

3. Admirare tam sublimem finem creationis tuæ, ut in æternum fruaris Deo, vivas cum Deo.

4. Rumina, & expende tam magnam Dei propter te resolutionem, ac impensam sumptuosissimam; quam, ut scopum æternæ prædestinationis assequeris, in vita sua contemptissima, & morte probrosissima ostendit.

5. Colloquere cum Domino Deo: Homo vanitati similis factus est, & quomodo, mi Domine, reputas eum, & apponis erga eum cor tuum, ut inhabitet in domo tua omnibus diebus vitæ suæ, qui es te ipso beatissimus ac felicissimus?

6. Interroga divinam Clementiam: Quis effecit, quia homo gratus factus est in oculis Dei, qui dignus erat æterno odio iræ Dei? unde illi, quia è massa æternæ perditionis ac reprobationis eum divina bonitas secrevit, qui me-
rito

rito suo eidem cum reliquis præseit
involvendus erat?

7. Testare cœlum & terram, quòd
majori cum homine Dominus miseri-
cordia usus sit, quàm cum omnibus An-
gelis apostatis.

8. Alloquere iterum Dominum Ie-
sum, & dic: Quæ tua, mi Domine, libe-
ralitas & humanitas? potuisti hominem
cum reprobis Angelis supplicio damna-
re perpetuò; & ecce non tantùm peper-
cisti illi, verùm etiam decrevisti pro illo
homo fieri, & cū omni opprobrio mori.

9. Interroga te ipsum, quid pro his
omnibus Domino Deo retribuisti? Hen!
reddidisti mala pro bonis, quia toties
tam graviter, tam impudenter Domi-
num tuum offendisti.

10. Desce igitur cum gemitu cordis
tui, quia divinæ vocationi & ordinatio-
ni restitisti, & auxilia contempsisti, San-
ctorum & Angelorum societate te indi-
gnum fecisti, odium & indignationem
SS. Trinitatis incurristi, fructu vitæ &
passionis Domini te privasti.

Pro colloquio.

Actus Contritionis.

HE u me miserum! quid cogitavi,
quid dixi, quid nunquam feci de-
mens?

mens? Peccavi contra rationem, contra conscientiam, & in quem, & quis?

Egonè vile & projectum cadaver ausus sum, & qua fronte impudens, in ipsius Numinis, & Angelicarum mentium conspectu, scelere meo impetere Creatorem meum, qui me ex nihilo fecit, Redemptorem, qui me sanguine redemit, Prædestinatorem, qui priusquam me formasset in utero, novit me, & antequam ex illo progrederer recordatus est in sua æternitate nominis mei, quasi guttulæ in vasto mari, & arenulæ in universo hoc?

O me infelicem! ergonè pro momentanea voluptate infamis mercator, Deo contempto, æternos mihi ignium inferorum cruciatus compararim! Ah pudet me mei, etsi nemo alius conscius foret; quid verò erit, cum toti mundo revelabuntur foeditates ac turpitudines meæ?

Sed quàm immani ingratitude vicio scelus est à me perpetratum in eum, qui me tot beneficiis prævenit ac prosequutus est! Quid? tot beneficia contempsisse me amaro recordor animo: o me ingratißimum!

O Deus meus! peccavi: jam non sum dignus intueri altitudinem cœli, non sum dignus vocari creatura tua. Quid
tamen

tamen faciam miser, quo fugiam à facie iræ tuæ? cui conquerar, ò Domine, omnia mala adversum me, nisi tibi Salvatori & Redemptori meo?

O bone Iesu, ne permittas me damnari, quē pretioso sanguine redemisti. Manus tuæ, Domine Iesu, fecerunt me; manus, inquam, illæ, quas cruci affixas tenes pro me: ergo opera manuum tuarum ne despicias, vulnera manuum tuarum precor, ut aspicias: ecce in manibus tuis descripsisti me, fac ut nomen meum beatæ prædestinationis liber per totam æternitatem adscriptum retineat.

Spero tamen, mi Domine, in bonitate & misericordia tua! Quid spero? Te ipsum. Animant me omnes miserationes tuæ, quas mecum ab infantia exercuisti, ut non cessem sperare in te. Appello viscera tua paterna, appello misericordiam tuam, appello illum actum, quo crucifixus pro peccatoribus orabas, quo peccatores ex visceribus divinæ tuæ misericordiæ salvare decernebas. Et spero in misericordia illa, quòd ego sim salvandus.

Actus Amoris Dei.

O BONITAS infinita Deus meus!
ecquid est homo putredo & cinis,

nis, ut tu ab æterno ad salutem, & beatitudinem æternam eligeres illum, ac prædestinares? unde invenit hanc gratiam in oculis tuis, quòd ostendere volueris divitias misericordiæ tuæ in illo? Cur unum, mi Domine, vilem & inutilem hominicionem elegisti & assumpsisti, & innumeros Angelos, qui semel tantum peccaverunt, reliquisti & projecisti?

Tunè, mi Deus, super hujuscemodi peccatore dignum duxisti aperire oculos tuos? Tibinè, mi Salvator, ab æterno nos lutea vasa cordis fuimus, ut non veniremus in oblivionem coram te? Tantinè nos æstimasti vilissima mancipia tua, rebelles tuos inimicos, immemor scelerum, ingratitude, ac vilitatum nostrarum? Quid aliud in nobis invenimus, nisi omnimoda impedimenta, & obstacula æternæ salvationis, tuæ fruitionis, tui suavissimi complexus?

Quomodo te non exaltabo Deum meum? quomodo non benedicet tibi anima mea? quomodo tota se non eviscerabit in dilectionem bonitatis, & charitatis tuæ? O bonitas! ò benignitas!

Utinam semper te dilexissem, superoptime Deus, ex quo sum homo; quia tu me dilexisti ex quo es Deus! utinam te magis ac magis diligam, quia eripui-

puisti animam meam de morte.

En ergo , Salvator piissime, minimus fervorum tuorum in timore & tremore supplico tibi , ne me projicias à facie tua , nec à participatione sacratissimæ Passionis tuæ , sed juxta magnam misericordiam tuam da mihi congrua salutis media , ut in æternum cum Electis tuis misericordias tuas concinam.

FERIA SECUNDA.

Meditatio.

De Beneficio Creationis.

Pralud. 1. Constitue te coram Deo , & imaginare teipsum quasi vas quoddam recenter manibus Dei efformatum . Cogita tecum quo fine.

Pralud. 2. Pete , ut finem , ad quem creatus es , cognoscere possis , & ad illum pervenire.

Punctum 1. **C**ONSIDERA bonitatem Dei , quanta fecit animæ tuæ : novisti quòd ante annos paucos nihil fueris , & nullibi . Ecce elegit te Deus ex millibus , imo infinitis possibilibus , & condidit in hunc mundum , ut thesauris bonitatis suæ te ditaret in tempore , & æternitate.

2. Ad imaginem & similitudinem suam

suam fecit te , quem ante prævidit vilem & inutilem , indignum & ingratum , inimicum sibi & exosum.

3. Creavit Deus animam tuam eo fine , ut cognoscas eum , illum ames, ei servias , & tandem salvus fias: finis sanctissimus , nobilissimus , celsissimus . Quid enim suavius , quàm amare amabilissimum , quid jucundius , quàm æternum cum Deo , & in Deo vivere.

4. Aperi oculos, & universum mundum uno quasi obtutu comprehende , in illo omnia tibi subjecta reperiēs . Tibi serviunt Angeli , tibi bruta vivunt , diffunditur aër, fluit aqua &c. Vide homo, dicit totus mundus, quomodo amavit te, qui propter te fecit me : Servio tibi , quia factus sum propter te, ut servias illi , qui fecit me , & te ; si accipis benignitatem, redde humanitatem.

5. Lauda Dominum ob admirabilem potentiam ostensam in creatione . Quia nimirum ex nihilo propter te tam multa , tam varia, tam perfecta creavit.

6. Gratias agas pro beneficio existentiae actualis , quam tibi divina bonitas contulit. Item quòd habueris parentes christianos , ex quibus natus es, non Judæus, non Paganus, non etiam Hæreticus , sed Christianus . Quod natus sis

cum membrorum integritate, complexionis bonitate, non cæcus, non claudus, non monstrum aliquod.

7. Humilia te ante Deum, & dic: O Domine! ego sum verum nihil ante te: & quid recordatus es mei, ut creares me, sciens me gravissimum fore peccatorem, & tuum ingratum inimicum?

8. Confunde te coram cælo & terra, & erubescere, quia toties deturpasti imaginem Domini Dei tui: quia toties rebellis factus es Creatori tuo, ita ut justè possit de te tactus dolore cordis intrinsecus conqueri: Poenitet me hunc hominem fecisse.

9. Miraberis, quod creaturæ te hucusque sustinuerint, confiteberisque te dignum jampridem fuisse, quem dehiscentes terra subrueret, aqua demergeret, ignis consumeret. Resume postea fiduciam, accurre ad pedes Iesu, tene illos, nec dimittas, donec misertus fuerit tui. Protestare in posterum de tua fidelitate & emendatione usque ad mortem.

Pro Colloquio.

Actus Contritionis.

PATER peccavi in cælum, & coram te; jam non sum dignus vocari filius tuus, sed nec creatura tua. Me miserum!

ferum ! quid feci demens ? ubi est præcellens illa imago , quâ similitudinem Creatoris mei per omnia gerebam ? ob gravissima facinora , & fatore peccatorum meorum denigrata est super carbones facies ejus ; non est agnita in plateis coelorum , erepta est à consortio Angelorum , deputata est cum perditis inferiorum.

Dicarnè, ò Domine, amplius creatura tua? non sum dignus creatura tua esse, etiam in quacunque poena constitutus. Si enim ego solus dæmonum, & damnatorum poena sustinerem, non sufficienter secundum peccata mea punirer.

Nemo tibi Domine tam ingratus extitit, ut ego. Latrones ipsi, & sacrilegi perfectius tibi famularentur, si eos tot, ut me, affecisses beneficiis. Animalia ipsa pro captu suo tibi appropinquant: solus ego infinita turpitudine vitæ meæ à te recedo.

Heu me miserum! quid dicam ò Creator? Creatura tua sum, en perii: Creatura tua sum, jam morior. Dominus & plasmator meus es tu, & nunquam vidi te: tu me fecisti & refecisti, & nondum novi, imò jam amisi te? Quid tamen miser faciam? recurram ad te, ò Iesu, fontem misericordiæ.

Expande, ò Domine, expande super hunc nequissimum servum pallium immensæ clementiæ tuæ, cui proprium est misereri semper & parcere. Non pereat in malitia sua, quod operata est bonitas tua. Quæ enim utilitas in creatione tua erit, si descendero in corruptionem, & damnationem æternam? Ipsa te vincat charitas ad salvandum me, quæ te vicit ad creandum me.

Fac iterum, Domine Iesu, lutum ex sputo, & lini oculos meos; ut qui cæcus sum, videre valeam deturpatam in me imaginem tuam. Iterum atque iterum aperire digneris latus tuum mihi nequissimo peccatori, ut oculi mei, qui deprædati sunt animam meam, in tuo latere inveniant prædam suam.

Reduc, Domine, oculos tuæ Majestatis super opus ineffabilis tuæ pietatis. Ego autem contra meipsum armabor, & ero præ cæteris crudelior mihi Judex. Et quia non sufficio me detestari, contra me universum creaturarum cœtum congregabo, & à qualibet confundi & puniri desiderabo, quia earum contempni Creatorem.

Actus Amoris Dei.

SI C CINE ò Creator meus, ò bonitas infinita, ò Deus plusquam amabilis,
in

in charitate perpetua dilexisti me; & ideo ad imaginem, & similitudinem tuam creâsti me miserans mei? quomodo ita amantem me redamare potero? Qua in re animum meum, & ingenium nunc occupo, si non excogito mille modos, quibus testificer me diligere te?

Sed superabundo gaudio, Domine, & infinitas tibi gratias ago, quòd tu ipse met meum & omnium creaturarum officium suppleas in amando te ipso. Summo etiam gaudio afficior, quòd quicquid creaturæ omnes præstare conantur tui amore, longè sit impar tuæ dignitati. Hunc ego ipsum amorem tui ipsius offero tibi in gratiarum actionem, pro omnibus thesauris beneficiorum in creaturas omnes effusis,

F E R I A T E R T I A.

Meditatio.

De Peccatis.

Prelud. 1. Statue te coram Deo, veluti reum aliquem gravissimorum criminum, qui stet ante Judicem vinctus manibus, & pedibus arctissimè constrictus.

Prelud. 2. Pete à Deo lumen, quo rectè malitiam peccati mortalis, & mise-

riam agnoscas , & ut illud tibi ignoscatur , si fortassis eo animam tuam aliquando contaminaveris.

Punctum 1. **C**OGITA quid sit peccatum mortale . Est offensa, & contemptus Dei summi boni, imò voluntas perdendi Deum , si perdi posset , eumque perimendi quidam conatus, quo (ut ait S. Bern.) *homo peccando vult interimere aut sapientiam Dei , volendo ne suum peccatum videat , aut iustitiam , volendo ne puniat , adeoque peccatum est quoddam in voto Deicidium .* Est demum sanguis Christi conculcatur . Est reboaturæ contra suam Patrem & cum hoste ipsius

operatur in te peccatum te turpissimum in omni creaturæ . Per mortale committis sacrilegium violas templum Dei : apostata à mandatis Dei ad pedes transis, quia datam fidem in baginis . Per peccatum amittis universam gloriam . Per peccatum cruci-nati mi-nimè hominem ali-

alicujus peccati mortalis conscium in eo damnationis æternæ periculo ridere unquam, & lætari. S. Ludovicus Rex Galliarum maluit vitâ exui, quàm fœdari peccato mortali. *Surius 25. Aug.*

3. Considera, quanta fuerit iniquitas, malitia, & audacia tua, qui summæ Bonitatis & majestatis Deum peccatis tuis aggredi ausus es, & eousque amaritudine complevisti ipsum incircumscriptæ bonitatis oceanum, ut dolore cordis intrinsecus tangeretur, quòd te hominem creâsset.

4. Interroga te ipsum, quid tibi mali fecit Deus? quare illum toties tam viter offendisti, & contristasti? quare dedit dæmon, quia ad ejus peccasti?

Admirare non esse ultas ipsas, omniaque simul elementa, quæ tibi & injuriam Creatoris sui, omnia irrogatam.

Contemtere coelum & terram, quòd super numerum arenæ maris, hominibus peccatoribus, & ipsis deterior sis.

Clama cum filio prodigo: Patris in coelum, & coram te; ignus vocari filius tuus, tua.

8. Opta tibi tot lacrymas , quot sunt guttæ in mari , aut guttæ sanguinis tui , quibus defleas miseram & miserabilem conscientiam , & vitam tuam.

9. Projicias te ad pedes Iesu , cum lacrymis postula veniam. Quid enim tibi superest misero , ne pereas miserè , quàm ut te conferas ad illum , cui proprium est misereri ? Protestare , quòd abhinc eligas millies mori , quàm peccato foedari.

Pro Colloquio.

Actus Contritionis.

HE u me miserum ! peccavi tibi , ò bonitas, ò misericordia mea! peccavi , & super numerum arenæ maris multiplicatæ sunt iniquitates meæ! non est peccatum super peccatum meum, nō est iniquitas super iniquitatem meam.

O si vastus in lacrymas vertatur Oceanus, & exundet ex oculis meis! quis mihi det , ut præ acerbo dolore omnes guttæ sanguinis mei mutantur in lacrymas , aut lacrymæ mutantur in sanguinem , nec nunquam taceat pupilla oculi mei ! Quis mihi det , ut sit magna velut mare contritio mea , ex quo semper lacrymarum flumina exeant , & in illud intrent, ut iterum perenniter fluant!

O Pa-

O Pater misericordiarum, esto placabilis super multitudinem malitiæ meæ, quia vox sanguinis fratris nostri Iesu Christi clamat ad te pro nobis de Cruce.

O Iesu, ò Maria, ambo offensi estis, sed ambo estis abyssus misericordiæ & dulcedinis: parce ergo, misericordissime Iesu, parce servo Matris tuæ; misericordissima Mater Maria, parce mancipio Filii tui.

Displicent mihi, Domine, displicent singula peccata mea, quia ex se mala & perversa, quia supremæ tuæ Majestati, amabilissimæ bonitati ac voluntati injuriosa. Odio perfectò, quo tu Deus meus detestaris peccata mea, detestari velim & ego, odisseque volo in æternum. Horreo illa, & contremisco totus ad memoriam illorum.

O utinam nunquam te, mi Deus, offendissem! non corde, non opere, non omissione, non ulla prorsus ratione: utinam prius extinctus fuisset!

Spero tamen omnium ac singulorum peccatorum meorum plenam, perfectamque à te misericordissimo Patre condonationem, propter bonitatem tuam, propter Iesu Christi amarissimam mortem, propter pretiosissimæ Filii tui

Matris, omniumque Electorum tuorum
intercessionēs & merita.

Actus Amoris Dei.

O CHARITAS, ò bonitas infinita,
Deus meus! quàm triste, quàm
durum mihi est, quòd unquam in te sic
& sic peccaverim: cur, ò Deus meus,
vel momento unico recessi à te? cur ine-
briavi te absynthio, qui mille benedi-
ctionibus dulcedinis prævenisti me?

O anima mea, dic mihi: quid tandem
illa bonitas, illa misericordia fecit tibi,
aut in quo unquam contristavit te? re-
sponde mihi. Eja disrumpere immani
dolore vel nunc.

O mi Iesu, cur intermisi ullo tempore
te versare in corde, te tota mente am-
plexi, & delectari in dulcedine tua? Ad
te nunc, ò Amor, suspiro, clamo, anhe-
lo. Te stringo intimis cordis mei affecti-
bus. O si semper te solùm cogitasset, te
dilexisset dignissime perpetuo amore
Deus! O si omnia desideria cordis tui
adamussim explevissem! confidentiùs nūc
irē in tuos amplexus, sanctissime Amor:
nunc autem conscius pudor infamem
animam confundit, rejicitque ad oscula
pedum tuorum nitentem.

Te solùm, mi Iesu, ex hoc momento
quæ-

quærere, te solum ex toto corde diligere
constituo.

FERIA QUARTA.

Meditatio.

De Morte, & circumstantiis ejus.

Praelud. 1. Imaginare te in extremis constitutum. Efferi Christi cruci affixi imaginem, accendi cereum, atque intonari tibi à Sacerdote: Proficiscere anima Christiana; plurimis interim circum orantibus, & animæ excessum præstolantibus.

Praelud. 2. Pete, ut ante mortem diligentem rationem temporis & occasionis, quæ modo offeruntur, habere possis.

Punctum 1. **C**ONSIDERA, quia in separatione animæ & corporis, anima cujusque suam ingreditur viam. Ah, quam viam tua ingreditur? si nunc à corpore separata foret, quid cum illa fieret? dignanè esset, ut ab Angelo deduceretur? dignanè esset, cui Mater Virgo obviaret?

2. Revoca tibi in memoriam, quæ tibi in morte erunt gravia. Erit grave, quando ponetur ante oculos tuos imago

Crucifixi; & quomodo in eum quem pupugisti, cujus sanguinem peccatis tuis conculeasti, oculos defiges? Erit grave, quando dabitur lucerna in manu index bonorū operum, quæ non thesaurizasti.

3. Considera extremum cum vita, agonem mortis, quando inclamabitur auribus, ut corde saltem, si non ore, te Deo commendes. Quo pacto etiam sanctissimi viri magno metu tunc concuti solent, ut S. Hilariōn etiam clamasse dicitur: *Egredere anima mea; septuaginta annis servisti Deo, quid times?*

4. Cogita, quomodo tunc totus pallesces, oculi concident & evertentur, pectus palpitabit, cor supra modum fasset; interiùs verò cum maligno spiritu bellum geretur.

5. Concipe insuper affectum maioris timoris, quia in illo iudicio particulari vides Iudicem iratum; qui te conturbato vultu respiciens, ad tuam confusionem aperit cicatrices, & cruenta vulnera, tibi que tuam ingratitude, malitiam & impietatem exprobrat.

6. Imaginare, quòd audias Angelum tuum custodem contra te instigantem, omniaque occulta peccata tua coram Iudice recensentem.

7. Puta te videre à sinistris diabolos

los terribiles, ut catulos leonum rugientes, & præparatos ad escam, tibi que inclamantes: *Euge euge devorabimus eum.* Qui etiam motus desperationis excitare solent, & dicere: *si iustus vix salvabitur, impius & peccator ubi parebunt?* Et: *Qualis vita, finis ita.*

8. Interroga te ipsum, quid tunc miser facies, quando infra te os inferni apertum aspicies: intra vermem conscientie senties: sursum coelum occlusum, & Deum iratum conspicias: ad tanta quomodo non deficies?

9. Gratiarum age divinæ bonitati, quia tam diu te sustinuit, & concessit tibi spatium poenitentiae, ut pretiosam in conspectu ejus mortem promereri, & à morte peccatorum pessima liberari possis.

10. Detestare peccata tua, quæ te sola perdere possunt, & mortem æternam adferre, & statue firmissimè nunquam deliberatè peccare.

Pro Colloquio.

Actus Contritionis.

O INSCRUTABILIS abyssus pietatis, Domine Deus meus! quomodo apparebo ante faciem tuam in illa terribili hora exitus animæ meæ de corpore, portans iniquitatem meam, reatum deper-

Expande, ò Domine, expande super hunc nequissimum servum pallium immensæ clementiæ tuæ, cui proprium est misereri semper & parcere. Non pereat in malitia sua, quod operata est bonitas tua. Quæ enim utilitas in creatione tua erit, si descendero in corruptionem, & damnationem æternam? Ipsa te vincat charitas ad salvandum me, quæ te vicit ad creandum me.

Fac iterum, Domine Iesu, lutum ex sputo, & lini oculos meos; ut qui cæcus sum, videre valeam deturpatam in me imaginem tuam. Iterum atque iterum aperire digneris latus tuum mihi nequissimo peccatori, ut oculi mei, qui deprædati sunt animam meam, in tuo latere inveniant prædam suam.

Reduc, Domine, oculos tuæ Majestatis super opus ineffabilis tuæ pietatis. Ego autem contra meipsum armabor, & ero præ cæteris crudelior mihi Judex. Et quia non sufficio me detestari, contra me universum creaturarum cœtum congregabo, & à qualibet confundi & puniri desiderabo, quia earum contempni Creatorem.

Aktus Amoris Dei.

SI C CINE ò Creator meus, ò bonitas infinita, ò Deus plusquam amabilis,
in

in charitate perpetua dilexisti me ; & ideo ad imaginem , & similitudinem tuam creâsti me miserans mei ? quomodo ita amantem me redamare potero ? Qua in re animum meum ; & ingenium nunc occupo , si non excogito mille modos , quibus testificer me diligere te ?

Sed superabundo gaudio, Domine, & infinitas tibi gratias ago , quòd tu ipse met meum & omnium creaturarum , officium suppleas in amando te ipso . Summo etiam gaudio afficior , quòd quicquid creaturæ omnes præstare conantur tui amore , longè sit impar tuæ dignitati . Hunc ego ipsum amorem tui ipsius offero tibi in gratiarum actionem , pro omnibus thesauris beneficiorum in creaturas omnes effusis ,

F E R I A T E R T I A .

Meditatio.

De Peccatis.

Prelud. 1. Statue te coram Deo , veluti reum aliquem gravissimorum criminum , qui stet ante Judicem vinctus manibus , & pedibus arctissimè constrictus.

Prelud. 2. Pete à Deo lumen , quo rectè malitiam peccati mortalis , & mise-

riam agnoscas , & ut illud tibi ignoscatur , si fortassis eo animam tuam aliquando contaminaveris.

Punctum 1. **C**OGITA quid sit peccatum mortale . Est offensa, & contemptus Dei summi boni, imò voluntas perdendi Deum , si perdi posset , eumque perimendi quidam conatus, *quo (ut ait S. Bern.) homo peccando vult interimere aut sapientiam Dei , volendo ne suum peccatum videat, aut justitiam , volendo ne puniat , adeoque peccatum est quoddam in voto Deicidium .* Est demum sanguinis Christi conculcatio . Est rebellio creaturæ contra supremum Principem, & cum hoste ipsius diabolo conjuratio.

2. Quæ damna operatur in te peccatum. Primò peccatum te turpissimum facit , ac exosum omni creaturæ . Per peccatum mortale committis sacrilegium , quia violas templum Dei : apostasiam , quia à mandatis Dei ad pedes diaboli transis, quia datam fidem in baptismo frangis . Per peccatum amittis gratiam universo orbe pretiosiore . Per peccatum iteratò Christum crucifigis &c. Unde S. Thomæ Aquinati mirum etiam videbatur , posse hominem ali-

alicujus peccati mortalis conscium in eo damnationis æternæ periculo ridere unquam, & lætari. S. Ludovicus Rex Galliarum maluit vitâ exui, quàm fœdari peccato mortali. *Surius 25. Aug.*

3. Considera, quanta fuerit iniquitas, malitia, & audacia tua, qui summæ bonitatis & majestatis Deum peccatis tuis aggredi ausus es, & eousque amaritudine complevisti ipsum incircumscriptæ bonitatis oceanum, ut dolore cordis intrinsecus tangeretur, quòd te hominem creâset.

4. Interroga te ipsum, quid tibi mali fecit Deus? quare illum toties tam graviter offendisti, & contristasti? quid tibi dedit dæmon, quia ad ejus pedes transisti?

5. Admirare non esse ultas ipsas creaturas, omniaque simul elementa, contemptum & injuriam Creatoris sui, à te per omnia irrogatam.

6. Testare cœlum & terram, quòd peccâris super numerum arenæ maris, quòd omnibus peccatoribus, & ipsis damnatis deterior sis.

7. Exclama cum filio prodigo: Pater peccavi in cœlum, & coram te; jam non sum dignus vocari filius tuus, sed nec creatura tua.

8. Opta tibi tot lacrymas , quot sunt guttæ in mari , aut guttæ sanguinis tui, quibus defleas miseram & miserabilem conscientiam, & vitam tuam.

9. Projicias te ad pedes Iesu , cum lacrymis postula veniam. Quid enim tibi superest misero , ne pereas miserè , quàm ut te conferas ad illum , cui proprium est misereri ? Protestare , quòd abhinc eligas millies mori , quàm peccato foedari.

- Pro Colloquio.

Actus Contritionis.

HE u me miserum ! peccavi tibi , ò bonitas, ò misericordia mea ! peccavi , & super numerum arenæ maris multiplicatæ sunt iniquitates meæ ! non est peccatum super peccatum meum, nō est iniquitas super iniquitatem meam.

O si vastus in lacrymas vertatur Oceanus, & exundet ex oculis meis ! quis mihi det , ut præ acerbo dolore omnes guttæ sanguinis mei mutantur in lacrymas , aut lacrymæ mutantur in sanguinem , nec nunquam taceat pupilla oculi mei ! Quis mihi det, ut sit magna velut mare contritio mea , ex quo semper lacrymarum flumina exeant , & in illud intrent, ut iterum perenniter fluant !

O Pa-

O Pater misericordiarum, esto placabilis super multitudinem malitiæ meæ, quia vox sanguinis fratris nostri Iesu Christi clamat ad te pro nobis de Cruce.

O Iesu, ò Maria, ambo offensi estis, sed ambo estis abyssus misericordiæ & dulcedinis: parce ergo, misericordissime Iesu, parce servo Matris tuæ; misericordissima Mater Maria, parce mancipio Filii tui.

Displicent mihi, Domine, displicent singula peccata mea, quia ex se mala & perversa, quia supremæ tuæ Majestati, amabilissimæ bonitati ac voluntati injuriosa. Odio perfectò, quo tu Deus meus detestaris peccata mea, detestari velim & ego, odisseque volo in æternum. Horreo illa, & contremisco totus ad memoriam illorum.

O utinam nunquam te, mi Deus, offendissem! non corde, non opere, non omissione, non ulla prorsus ratione: utinam prius extinctus fuisset!

Spero tamen omnium ac singulorum peccatorum meorum plenam, perfectamque à te misericordissimo Patre condonationem, propter bonitatem tuam, propter Iesu Christi amarissimam mortem, propter pretiosissimæ Filii tui

Matris, omniumque Electorum tuorum
intercessionēs & merita.

Actus Amoris Dei.

O CHARITAS, ò bonitas infinita,
Deus meus! quàm triste, quàm
durum mihi est, quòd unquam in te sic
& sic peccaverim: cur, ò Deus meus,
vel momento unico recessi à te? cur ine-
briavi te absynthio, qui mille benedi-
ctionibus dulcedinis prævenisti me?

O anima mea, dic mihi: quid tandem
illa bonitas, illa misericordia fecit tibi,
aut in quo unquam contristavit te? re-
sponde mihi: Eja disrumpere immani
dolore vel nunc.

O mi Iesu, cur intermisi ullo tempore
te versare in corde, te tota mente am-
plexi, & delectari in dulcedine tua? Ad
te nunc, ò Amor, suspiro, clamo, anhelō.
Te stringo intimis cordis mei affecti-
bus. O si semper te solùm cogitâssem, te
dilexissem dignissime perpetuò amore
Deus! O si omnia desideria cordis tui
adamussim explevissem! confidentiùs nūc
irē in tuos amplexus, sanctissime Amor:
nunc autem conscius pudor infamem
animam confundit, rejicitque ad oscula
pedum tuorum nitentem.

Te solùm, mi Iesu, ex hoc momento
quæ-

CHRISTIANUS. 131
quærere, te solum ex toto corde diligere
constituo.

F E R I A Q U A R T A .

Meditatio.

De Morte, & circumstantiis ejus.

Prelud. 1. Imaginare te in extremis constitutum. Efferri Christi cruci affixi imaginem, accendi cereum, atque intonari tibi à Sacerdote: Proficiscere anima Christiana; plurimis interim circum orantibus, & animæ excessum præstolantibus.

Prelud. 2. Pete, ut ante mortem diligentem rationem temporis & occasionis, quæ modo offeruntur, habere possis.

Punctum 1. **C**ONSIDERA, quia in separatione animæ & corporis, anima cujusque suam ingreditur viam. Ah, quam viam tua ingreditur? si nunc à corpore separata foret, quid cum illa fieret? dignanè esset, ut ab Angelo deduceretur? dignanè esset, cui Mater Virgo obviaret?

2. Revoca tibi in memoriam, quæ tibi in morte erunt gravia. Erit grave, quando ponetur ante oculos tuos imago

Crucifixi; & quomodo in eum quem purpugisti, cujus sanguinem peccatis tuis conculeasti, oculos defiges? Erit grave, quando dabitur lucerna in manu index bonorū operum, quæ non thesaurizasti.

3. Considera extremum cum vita, agonem mortis, quando inclamabitur auribus, ut corde saltem, si non ore, te Deo commendes. Quo pacto etiam sanctissimi viri magno metu tunc concuti solent, ut S. Hilariō etiam clamasse dicitur: *Egredere anima mea; septuaginta annis servisti Deo, quid times?*

4. Cogita, quomodo tunc totus pallesces, oculi concident & evertentur, pectus palpitabit, cor supra modum saliet; interiùs verò cum maligno spiritu bellum geretur.

5. Concipe insuper affectum maioris timoris, quia in illo iudicio particulari vides Iudicem iratum, qui te conturbato vultu respiciens, ad tuam confusionem aperit cicatrices, & cruenta vulnera, tibi que tuam ingratitudinem, malitiam & impietatem exprobrat.

6. Imaginare, quòd audias Angelum tuum custodem contra te instigantem, omniaque occulta peccata tua coram Iudice recensentem.

7. Puta te videre à sinistris diabolos

hos terribiles, ut catulos leonum rugientes, & præparatos ad escam, tibi que inclamantes: *Euge euge devorabimus eum.* Qui etiam motus desperationis excitare solent, & dicere: *si justus vix salvabitur, impius & peccator ubi parebunt?* Et: *Qualis vita, finis ita.*

8. Interroga te ipsum, quid tunc miser facies, quando infra te os inferni apertum aspicias: intra vermem conscientie senties: sursum coelum occlusum, & Deum iratum conspicias: ad tanta quomodo non deficies?

9. Gratias age divinæ bonitati, quia tam diu te sustinuit, & concessit tibi spatium poenitentiae, ut pretiosam in conspectu ejus mortem promereri, & à morte peccatorum pessima liberari possis.

10. Detestare peccata tua, quæ te sola perdere possunt, & mortem æternam adferre, & statue firmissimè nunquam deliberatè peccare.

Pro Colloquio.

Actus Contritionis.

O INSCRUTABILIS abyssus pietatis, Domine Deus meus! quomodo apparebo ante faciem tuam in illa terribili horæ exitus animæ meæ de corpore, portans iniquitatem meam, reatum deper-

deperditionis vitæ meæ , & pondus negligentiae meæ? Talentum temporis mihi creditum non solum expendi in vanum, sed perdididi totum . Quò ibo, quò me vertam, & quò à facie tua fugiam?

Væ ingratitude, impietati, & cæcitate meæ, quia peccavi Domino, quia te Deum meum offendi, qui ut me exaltares , humiliasti te usque ad mortem, mortem autem crucis . O lacrymæ ubi vos subtraxistis, ubi estis fontes lacrymarum.

O æquissima Dei mei Justitia , quæ nullum peccatum impunitum reliquis ? cum omni humilitate accepto sententiam mortis meæ egredientem ab ore tuo, tanquam dignum supplicium, quod millies & millies promerui malo usu vitæ meæ.

Accepto separationem corporis & animæ meæ, fateorque has geminas partes essentiae meæ esse hac poena dignissimas, quod toties unà conspiraverint in transgressionem mandatorum tuorum.

Accepto privationem usûs omnium sensuum meorum , quia januæ fuerunt, per quas peccatum intravit in animam meam. Accepto putrefactionem & corruptionem carnis meæ in poenam illecebrarum, quas prætuli divino amoris tuo,

tuo, & consentio, ut sub terram abjiciatur, quia animam meam, ne se in cœlum attolleret, impedit.

O mi Deus, accepto solitudinem sepulchri mei ad reparandum injuriam, quam irrogavi Majestati tuæ, amando & sectando societates, conversationes, & amicitias creaturarum, quæ me toties averterunt, & fortè etiam separârunt à sancto amore tuo.

O Divina justitia, quàm recta sunt judicia tua, ut per hæc ipsa nos punias, per quæ te offendimus! Puni ergo me Deus, puni superbiam, & vanitatem meam per humilitatem mortis meæ. Puni sensualitates meas per dolores, & acerbitates ægritudinis meæ. Ulciscere cupiditates insatiabiles avaritiæ meæ; & confiteor humiliter, quòd justè hæc patior, quia peccavi non tantùm in fratre, sed in Deum meum.

Actus Amoris Dei.

QUID possum, mi Deus, facere ad declarandum tibi ardorem amoris mei pro omnibus, quæ tui tribuisti mihi, nisi ut tibi offeram vitam meam?

Quod pignus, amabiliissime Iesu, reddam tibi amoris mei, ut aliquantum accedat

cedat ad excessum illum incomprehensibilem amoris, quo tu acceptasti mortem crucis amore mei, qui non tantum pati, sed & ignominiosè coëgit te mori pro me in cruce inter duos latrones, tanquam caput omnium sceleratorum, scelestissimum, & infame.

O Iesu amore mei crucifixe! siquidem non sum dignus mori, & effundere sanguinem meum amore tui intra manus carnificum, saltem volo totam vitam meam gloriæ & amoris tuo dedicare. Utinam & ultimus halitus, quo animam afflabo, halitus amoris sit! Moriar amore tuo Deus meus, & quia vitam ab amore non inchoavi, da mihi vitam amore finire: ultimus vitæ meæ actus sit amare:

Hoc etiam insuper de me certum tibi esse velim, ò dulcis amor Deus meus, ut cum etiam virtus loquendi mortis horâ defecerit, & te dulcissimum meum Jesum amplius proferre non valebo, supplex peto, ut saltem nutus oculorum, vel extensio digiti, vel palpitatio cordis, sit innovatio, & cōfirmatio omnium desiderabilium affectuum, verborum, atque operum præteritorum, ac futurorum, quæ usque ad extremum iudicii diem amore tui cum devoto famulatu offerre vellem, si tamdiù vivere possem.

F E.

FERIA QUINTA.

Meditatio.

De Judicio Universali.

Pralud. 1. Imaginare quòd videas, quomodo Angeli tubis assumptis, omnia horrendo sonitu complent, mortuosque è cineribus ad summum Judicii tribunal citantes intonant: Surgite mortui.

Pralud. 2. Pete gratiam, quâ illuminatus præcognoscas, & animo præsentias horrorem judicii, & discrimina, quæ manent impios, præcipuè malos Christianos in futuro Dei Judicio.

Punctum 1. **M**ENTE concipe te videre innumeras hominum myriades à quatuor mundi partibus in vallem Josaphat congregari. Sed, ah quali differentia! Plurimi enim comparebunt in corporibus foedis, deformibus, horridis, quid de tuo speras corpore? an gloriosâ & coruscanti, an tetrâ & horribili apparebit forma?

2. Imaginare, quòd sub tuum conspectum ex infernali abyssò, aliqui inferlices raptentur damnati in squalidis corporibus, ardentibus onerati catenis,
pal-

pallidi , vermibus scatentes , & velut quædam monstra horribilia.

3. Imaginare, quòd videas plurimas dæmonum catervas , quorum plurimi contra te fremunt & instigant : item, quòd audias Angelos instinctus divinos, & omnia beneficia tibi recensentes, conscientiam propriam viscera tua corrodentem, & te incusantem.

4. Puta te videre iratum Judicem assurgere , eundem cruenta vulnera ostendere , quibus veluti tot linguis loquetur damnatis; Ecce hominem, quem crucifixistis, videte vulnera quæ inflixistis : agnoscite latus quod pupugistis ; quoniam per vos , & propter vos apertum est , nec tamen intrare voluistis . Tunc demum indignabundo vultu dicet: sanguis meus sit vobis in condemnationem . *Ite maledicti in ignem æternum.*

5. Contemplare dæmones reproborum carnifices, auditâ Judicis sententiâ , velocissimè ad prædam suam accurrere , vivos ignitis compedibus oneratos in stagnum sulphure, & flammis horrendis cum summa rabie pertrahere.

6. Intuere apertam teterrimam, abyssum infernalem , & in illa conspice omnia tormentorum genera, quibus cruciantur damnati.

7. Ima-

7. Imaginare, quòd post ferialia Judicis verba, tanquam à flammeis nubibus excussa tonitrua audias stridorem dentium, maledictiones, execrationes, horribiles in Deum blasphemias damnatorum clamantium: Væ væ nobis miseris, cur nati sumus? cur lucem vidimus, cur non felicitas bestiarum datur nobis?

8. Interroga te ipsum: potestne fieri, ut tam horribilis sententia irati Judicis, ac æterna reproborum confusio & perditio, medullas ossium tuorum non penetret?

9. Inquire ex anima tua: an non milles propter pessimam vitam, & malitiam suam audire meruit hanc terribilem sententiam ex ore justi Judicis: *Ita maledicta in ignem æternum.*

10. Ingemisce, quia Deum tuum incircumscriptæ bonitatis oceanum eoque amaritudine toties complexisti, ut dolore cordis intrinsecus tactus, te opus manuum suarum maledicere, & execrari debeat.

Pro Colloquio.

Actus Contritionis.

O ANIMA mea miserabilis! & quid est, quòd innumeris coinquinata peccatis infelicissimum tuum statum, non

non consideras ? cur non paves Judicis vultum ipsis quoque tremendum Angelicis potestatibus ? cur non contremiscis à ira potentis , à facie furoris ejus , à fragore ruentis mundi , à conflagratione elementorum , à tempestate valida , à voce Archangeli , & à verbo aspero ?

Cur non contremiscis anima mea à dentibus bestię infernalis , à ventre inferi , à rugientibus præparatis ad escam ? cur non horres vermem rodentem , & ignem torrentē , & spiritum procellarū ?

Heu me miserum ! quid dicam , vel quid faciam , cū venerit tempus tremendi Judicii ? quis eruet me de manu potenti , & brachio extento contra me ? quis præservabit me à ventura ira , ab æterna morte , à laqueis infernalibus ? quid faciam , cū cœli revelabunt iniquitatem meam , & adversum me terra , & omnis creatura consurget ?

Quid dicam infelix esca totius inferni ? incidamne in foveam quam feci ? nunquid laqueo desperationis præcurrere contendam sententiam , quam merui æternæ damnationis ? Absit : recurram ad pedes tuos , mi dulcis Iesu.

Recordare Iesu pie , quòd sum causa tuæ viæ , ne me perdas illa die . Die illa tremenda , quando cœli movendi sunt ,
&

& terra; quando veneris judicare, noli me condemnare. Quærens me sedisti lassus, redemisti crucem passus, tantus labor non sit cassus. Sedisti lassus ad fontem: sudasti lassus in horto: stetisti lassus ad columnam: ivisti lassus ad montem. Ah, tantus labor & dolor, sudor & cruor, tantus amor non sit cassus.

Caro tua sumus, ò Judex vivorum & mortuorum. Sanguis tuus sumus, membra tua sumus, qualiacunque tandem. Carnem igitur tuam ne despexeris. Carnem tuam odio ne habueris. Carnem tuam ne condemnaveris.

Non gloriamur de nostris meritis; in hoc solum gloriamur & confidimus, quòd membra simus illius corporis tui, quod pro nobis passum, crucifixum, mortuum, abundè pro peccatis totius mundi satisfecit. Quamobrem si merita à nobis quæris, ecce tibi proferimus meritum carnis tuæ, meritum passionis tuæ, meritum mortis tuæ. His meritis freti coram tribunali tuo nos sistimus intrepidi. Nostra suat, quia nostri sunt capitis, nostri sunt corporis, cui per lavacrum regenerationis in virtute sanguinis tui incorporati sumus.

Tua merita, mi Iesu, ponimus intra nos, & judiciû tuum, aliter tecû iudicio contendere recusamus.

Aetus

Actus deprecationis.

O BONE Iesu, plene misericordia, & pietate, ne me perdat iniquitas mea, quem fecit omnipotens bonitas tua: recognosce quod tuum est, & absterge quod alienum est. Miserere mei, benignissime Iesu, dum tempus est miserendi, ne damnes me in tempore iudicandi. Quæ enim utilitas in sanguine meo, si descendero in æternam corruptionem, & damnationem?

Non patiaris, benignissime Deus, ut quem in filium adoptasti, tota æternitate habeas inimicum. Non patiaris, ut cui naturæ tuæ infudisti imaginem, ille tuorum hostiū præda foedissimè dilaceretur. Non patiaris, ut cui inter coelitus Spiritus lumen gloriæ præparasti, ille ad inferorum tenebras condemnetur. Non patiaris, ut quem cœli sedibus destinasti, ille damnatorum incendiis triste pabulum objiciatur.

Hoc tuæ bonitatis inclinatio, hoc naturæ tuæ benignitas suadet, hoc paterni affectus suavitas exigit, hoc viduatæ Angelorum sedes suspirant, hoc sanguis Filii tui postulat, qui clamore valido interpellat pro nobis, ut miserearis mei in tempore iudicandi. Exhibe hoc mundo

do amœnissimum spectaculum, ex quo discat, nunquam apud te irritas esse poenitentium preces: & quoties contrito corde timeris Judex, toties te Patris affectum exhibere.

F E R I A S E X T A.

Meditatio.

De Æternitate.

Prelud. 1. Statue te cum S. Davide cogitantes dies antiquos, & annos æternos in mente habente, atque infige diligenter cordi tuo, quid sit Æternitas.

Prelud. 2. Pete humiliter, ut felicem & beatam æternitatem promereri possis.

Punctum 1. **C**ONSIDERA, quid sit æternitas: duratio nunquam fluens, semper præsens, perpetuum aliquod hodie: rota, quæ perpetuò volvitur, & quiescit nunquam: oceanus sine fundo, littore, termino, & fine.

2. Cogita, quid sit damnatorum æternitas: mors semper reviviscens, & vita semper moriens: ignis vivacissimæ flammæ nunquam extinguendæ: vorago profundissima aquarum semper ardentium: vermis continuò rodens, & nunquam

quam moriens: Draco ignitis visceribus
semper nocens, & nunquam interimens.

3. Quære: quid æternitas utrorum-
que. O exoptata Beatorum æternitas!
ò exoptata coelitem patria! ò detestan-
dum exilium damnatorum!

4. Considera quandiu hi, & illi
semper, & nunquam: nunquam, & sem-
per: durabit ignis in stygio sepulchro
semper, torquebit semper, extinguetur
nunquam. Illi dilatato corde lætabun-
tur in cubilibus suis semper. Hi præ an-
gustia spiritûs gementes, latrabunt in
antris suis semper. Verbo; tamdiù dura-
bit æternitas, quamdiù Deus erit Deus.

5. Ingemisce & dèfle maledictam
damnatorum æternitatem, quorum uni-
ca erit in tota æternitate occupatio,
sine fine, sine termino ejulare, rugire,
flere, in igne torqueri, dentium stridore
concuti præ desperatione suis malo-
rum suorum, æternùm ardere.

6. Obi animo omnes miseras ani-
mas, & damnatos omnes, illosque allo-
quere: quot secula vobis hic restant
transigenda? quamdiù erunt vestri cru-
ciatus? an non videbitis Dominum in
æternum in terra viventium?

7. Interroga Dominum Iesum, an
non sanguine suo has infernales flammæ
miti-

mitigabit? an non divino suo cruore ardorem hunc sempiternum post myriades seculorum extingnet? nunquid in æternum projiciet Deus? respondebit tibi: In inferno nulla est redemptio. Damnatis jam non possunt prodesse vel integra lacrymarum effusa maria, nec sanguis Martyrum, & ipsius Christi licet infiniti valoris in cruce effusus.

8. Inquire ex anima tua, an non detestabitur vitam suam tam pessimè tractatam? an pro momentaneo, quod delectat, eliget æternum quod cruciat? an pro unica gutta consolationis præliget mare ærumnarū, & æternæ plorationis?

9. Computa vires tuas, an poteris habitare in æternum cum igne devorante, & ardoribus sempiternis? an poteris exul esse à Deo, æternū execrari cum damnatis Deū, blasphemare Sāctos ejus?

10. Resolve te pro commissis peccatis tuis ad maximam pœnitentiam. Desidera, ut ex oculis tuis sanguineæ erumpant lacrymæ, ut cor tuum præ immani dolore scindatur, ita ut hic vultum amantissimi Patris toties offensi deprecari possis.

Actus Contritionis.

JUSTISSIME Deus, qui fieri potest, ut æternitatem mihi mineris pœna-

G rum,

rum, neque tamen justitiæ tuæ metum extorqueas à durissimo corde meo? an nondum apprehendo, tametsi fornacem videam æternum arsuram, quantus peccati sis hostis, & quam enorme sit delictum, te offendere Dominum universorum?

Qui fieri potuit, ut vivere auderem vel momento dumtaxat unico tibi inimicus? neque momento tantum, sed & mensibus, & annis integris perstiti in hoc miserabili statu, nihil interea immemor veterum mearum deliciarum; & quamvis tot peccatorum gravatus pondere, somnum tamen capio quietissimum.

O insaniam omnium, quæ unquam occupavere hominis animum, insanissimam! merebar dudum plecti sententiâ, ad emendationem usque meam tamdiu dilatâ, merebar equidem, fateor, sed tu, clementissime Deus, bonitate tua malitiam meam, superâsti; age igitur, ne dedignare diutiùs etiam suffere me. Evinctum me, & captivum divinæ misericordiæ tuæ; qui me fugitivum tanto labore quæsisisti, ne repellas supplicem à pedibus tuis: ah! ne rejicias animam tam carò tibi emptam.

Largire fortitudinem, ut fugiam peccatum, quod ducit ad damnationem; da gratiam ut timeam infernum, qui sepat
rat

rat à te, timeam æternos cruciatus: de-
le sanguine tuo sententiam, quâ toties
damnari debui ad infernum. Sic ergo
his omnibus liber, velut vivum Bonita-
tis tuæ trophæum, misericordias tuas in
æternum cantabo.

Aktus Deprecationis.

O INFINITE misericors Deus! si tu
me ejicis, quis me recipiet? si tu
me despicias, quis me aspiciet? Et quid
proderit, mi dulcis Iesu, majestati tuæ
pro me tam humiliter exinanitæ, si me
in æternum à facie tua projectum & ex-
clusum, in abyssum inferni æternis tra-
des cruciandum tortoribus?

Cujus utilitatis erit ineffabile pre-
tium tui sanguinis: adeò pro me abundè
effusi? & quomodo mors tuâ morte mor-
tua erit, cum tartarus deglutiens imagi-
nem tuam, simul in oblivionem absor-
beat infinita merita tuæ durissimæ pas-
sionis, & animam meam igni inextin-
guibili destinatam à tua beatissima præ-
sentia perpetuò separet.

Quomodo relinques, ò Pastor bone,
oviculam tuam solam in terra horroris,
& vastæ solitudinis, inter leones inferna-
les? poterisne vocem spernere balantis
hujus miseræ oviculæ, & fugientis ad te?

Nunquid, mi Iesu, cognoscentur in tenebris mirabilia tua, & iustitia tua in terra oblivionis? Nunquid narrabit aliquis in sepulcro misericordiam tuam? nunquid cum iratus fueris, misericordiæ unquam recordaberis? nunquid hæreditatem tuam delebis, & claudes ora te caementium? nunquid facies hominem, quem creâsti ad laudem tuam, gaudium sempiternum inimicis tuis?

Non avertas, bone Iesu, faciem tuam ab hac anima mortis æternæ affecta doloribus, quam non avertisti ab iis, qui eam sputis & colaphis malè tractârunt. Noli, benignissime Iesu, filii tui licet prodigi in æternū oblivisci: quia in manibus tuis descripsisti me. Noli in æternū à facie tua creaturam, & opus manuum tuarum repellere: utique Domine nihil horum odisti quæ fecisti. Hic potius ure, hic castiga, ut in æternū parcas.

S A B A T H O.

De Pœnis Inferni.

Pralud. 1. Interroga te ipsum: Quò discedis peccator cogitationibus tuis? ut tuæ tam perversæ vitæ horrorem, concipias, ad tenebrosam & horridam inferni cavernam te convertè.

Pralud. 2. Humiliter supplica, ut igne divi-

divini amoris emolliatur, & liquefiat peccatis induratum cor tuum, ex quo uberrimæ lacrymæ fluant, ne in locum tormentorum descendas.

Punctum I. **S**TATUE te in fundo inferni coram illis igneis, & fumosis cathedris damnatorum. Aspicce in hac terribili fornace referta flammis inextinguibilis ignis, innumera damnatorum ejulantium & ululantium millia, & quomodo ex oculis, naribus, ore ardentes & sulphureas ignis flammæ, quibus aduruntur, spirent.

2. Interroga te ipsum: potesne tu his ardentibus prunis unicam tantum manum unius dumtaxat horæ spatio immittere? quomodo in iisdem æternum cruciari sustinebis?

3. Converte te ad aliam partem ad gelidissimum illud stagnum glaciei, cui damnatæ animæ ex ardentissimis ignibus immani cum furia immerguntur. O glacies! ò gelu horridum! Heu quis frigidissimo hyemis tempore per brevem horam nudus immersus glaciei stare posset?

4. Insuper considera, quia continuo damnatorum aures puniuntur infelicissimis gemitibus, ululatibus, terribili rugitu. Ah! qualis hæc musica æternum non finienda!

5. Imaginare, quòd audias maledictiones damnatorum maledicentium, diem, in qua nati sunt, parentes complices scelerum. Item execrantium, Christi incarnationem, passionem, mortem, gloriam, Christi Matrem, Sanctos omnes, peccata propria non ad poenitentiam, sed rabiem.

6. Imaginare quòd sentias foetorem ex combustis damnatorum cadaveribus: caro enim putrida prunis imposita quale thus redolebit?

7. Puta te videre damnatos arctè vinctos sicut canes fætidus, sicut lateres ardentes in fornace, continuò conturbari, gemere, fremere propter dæmones insultantes, & vermem conscientiae eorum viscera corrodentem, & illis continuò exprobrantem: En tanquam bestia, tanquam canis putridus à Deo in hanc cloacam projectus es: en frustra pro te Christus mortuus est.

8. Inquire nunc ex anima tua: an non millies jam pridem has flammās infernales, illa horrida tormenta suis sceleribus debita promeruit? quis contigit ultrices Christi manus, ne tua tam exosa puniret scelera? quis obstruxit os inferni apertum, ne excæcatus peccatis, eò præcepis cum cæteris descenderes?

9. Eli-

9. Elice actum agnitionis coram omnibus, te vivente, in infernum detrufis, quòd majori tecum misericordia Dominus ufus fit, quàm cum illis omnibus, neque cum illis damnari permifit. Demum postula indulgentiam, & spatium poenitentiae.

Pro Colloquio.

Actus Contritionis.

QUis dabit capiti meo aquam, & oculis meis fontem lacrymarum, ut præveniam fletibus fletum, & stridorem dentium, pedum dura vincula, & pondus catenarum prementium, stringentium, urentium, nec confumentium? Heu me mater mea! ut quid me genuifti filium doloris, filium amaritudinis, & plorationis æternæ? cur exceptus genibus, cur lactatus uberibus, natus in combustionem, & cibus ignis?

Heu me! Quis miferebitur cineri meo? O quàm acerbus est fructus peccati, amarior felle, crudelior gladio!

Væ animæ meæ peccatrici! vœ mihi, quia tibi Domine foli peccavi nimis in vita mea, & malum coram te feci: cui uni foli femper à me, & ab omnibus creaturis summa laus, honor, amor, & gloria debetur: omnibus autem creatu-

ris à te tua benedictio, gratia, & miseratio: sed quia solus ego peccavi tibi, idcirco nulla mihi à te debetur venia, gratia, & miseratio, sed potius omnis tuus furor, ira, damnatio, & perditio. Idcirco infernus domus mea est, ego inferni incola & hæres sum.

At misericordissime Domine, quamvis ego infelix commissi multa nimis, unde me iustissime damnare, & abjicere in æternum debes: quia tamen tu misericordiarum Pater non amisisti, unde misericordissime salvare potes: propterea ego de profundissima miseriarum, mearum abyſſo clamo ad te: Tibi soli peccavi, & malum coram te feci, miserere mei: Istud in me, peccatisque meis displicet, quia tibi soli peccavi. Amare cordialissime, & æstimare te solum super omnia debui, & tibi soli peccavi.

Non ergo, Domine, ardere metuo, sed peccasse doleo. Nec me contristat damnum meum, sed affligit injuria tua, & iniquitas mea.

Actus Amoris Dei.

O ALTITUDO judiciorum, & magnitudo miserationum tuarum, Domine Deus! quot homines in medio peccatorum suorum cursu subita morte sunt

sunt abrepti, qui nunc misere torquentur in inferno? quid factum fuisset de me, si me tunc ad strictum evocasses tribunal? quis cum ego dormiebam pro me deprecatus est?

O Pater misericordiarum, ò Deus æternæ consolationis, qui non lætaris in perditione peccatorum, sed potius vis ut convertantur, & vivant; en habes ad thronum misericordiæ tuæ prostratum supplicem, cui unicum hoc pro totius vitæ gemitu relictum est: Peccavi. Tibi soli peccavi, ò Pater benignissime, mereor mille infernos. Non habeo unde solvam: mea satisfactio est tuus sanguis.

DIE DOMINICO.

Meditatio.

De Gloria cœlesti.

Prelud. 1. Contemplare magnificentiam, altitudinem, & pulchritudinem illius civitatis supernæ, quæ margaritis, & auro ornata constat; odores suavissimos spirat, radiisque splendidissimis undique illustratur.

Prelud. 2. Roga, ut prægustatis interiori sensu istis Paradisi cœlestis deliciis, mundi hujus inanes sordes semper despuas.

Punctum 1. **F**INGE animo te per civitatem cœlestem ambulare: O Patriam desiderabilem!

2. Erige postea oculos ad altissimum hujus cœlestis aulæ fastigium, ibique confpice SS. Trinitatem in coruscanti, & splendidissimo throno gloriæ suæ innumeris Angelorum millibus cincto residentem.

3. Intuere ibidem gloriosam Christi Humanitatem, ac cicatrices ejus mirificè resplendentes. Ad latus Filii inspice Reginam cœli stellis coronatam, ac omnes Beatorum coetus velut lucidissimos Soles.

4. Expende tecum, quomodo felices illæ catervæ simul cum Angelis gaudeant, & vitam jucundissimam vivant. Quam flagrantia lilia! quam odoriferæ rosæ videntur esse singuli!

5. Cogita quanta felicitate, deliciisque Beati in singulis sensibus corporis, & animæ potentiis perfruantur. O felicem æternitatem!

6. Gratulare Sanctis omnibus tantam gloriam & beatitudinem, tantam summi boni possessionem, & æternam fruitionem.

7. Accendere famelico desiderio adnumerandi, & adjungendi te Sanctis,
cum

cū illis Deum videndi, Deum possidendi, & cum SS. Angelis de illorum felicissima beatitudine participandi.

8. Confunde te coram cœlo & terra, quòd tantum deviaveris à via glorioſæ Sanctorum habitationis, & æternæ Dei visionis; quòd pro voluptatibus tam sordidis deferueris æternas & infinitas cœli delicias.

9. Arguendo tuam stultitiam exclama: O magna domus Dei, ò patria desiderabilis! quàm vilis mihi fuisti, & quàm turpiter te pro nihilo toties contempſi!

Pro Colloquio.

Actus Contritionis.

O PERIAT confusio faciem meam, Domine Deus meus, quia tam dissimilis factus sum fratribus meis, & filiis matris meæ Ecclesiæ. Heu quomodo apparebo in conspectu tuo Domine, & in concilio justorum tanta charitate ardentium! Illi cum timore, & tremore operabantur salutem suam. Ego autem vilis, exosus, & ingratus peccator, non tantum crucem propriam tollere, & Sanctis tuis assimilari renuo, sed etiam, quod gravius est, te Deum meum centrum omnium bonorum, gravissimis peccatis offendere non desino.

Quomodo ergo tam exosus peccator dignus erit aliquando Deo, qui offendit, & contempsit Deum? quomodo possidebit Deum qui eum abiecit? quomodo videbit intuitivè Deum, qui totum intellectum avertit à Deo? qua fronte gratiam requirit, qui æterno odio est dignus? & cui poena debetur, qua temeritate gloriam deposcet?

O Deus cordis mei! non ultra mihi sapiet mundus; aut bona illius, quando gustavi & vidi, quàm suavis sis Domine! Imò etiam ignis, crux, bestia, confractio ossium, membrorum divisio, & totius corporis contritio, & tota tormenta diaboli in me veniant, tantùm te Deo meo fruar.

Aspirationes ad coelestem Patriam.

O IESU, ò IESU! quam dilecta tabernacula tua, Domine virtutum! concupiscit & deficit anima mea in atria tua: sitivit anima mea ad te Deum fontem vivum. O quando induces me in excessivum tui amorem? quando demittes me in abyssum amorosissimi cordis tui, ut omnium præter te solum oblitus, etiam me ipsum nunquam inveniam? quando in lumine tuo videbo lumen tuum.

O quando, suavissime mi Iesu, licebit sacros pedes tuos pro me perforatos osculari, & lambere? os aperto lateri admove? ad pedes tuos in æternum sedere?

O si hoc gaudio, ò si te solo & unico post aliquot miseros dies frui, & vocari possim ad coenam Agni, & Dei mei! O Iesum Deum meum! ò omne desiderium meum! quemadmodum desiderat cervus ad fontes aquarum, ita desiderat anima mea ad te, ò Iesu. Quid enim mihi est in cœlo, & à te quid volui super terram? defecit caro mea, & cor meum in salutare tuum, Deus cordis mei, & pars mea Deus in æternum!

Infelix ego homo! quis me liberabit de corpore mortis hujus? cupio dissolvi, & esse tecum, mi bone Iesu. Creâsti nos Domine ad te, & inquietum est cor nostrum, donec requiescat in te. Nam ubi Pater meus est, ibi spes mea, & patria mea, portio mea in terra viventium.

Age, bone Iesu, dulcis amor cordist! Videant te oculi mei, dulcis Iesu, videant te, & hic moriar, ut te fruar. Ne patiaris me diutiùs præ tui amoris & desiderio languere, & diu interire,

Motiva ad maturam & seriam conversionem Viatoris ad Deum.

I.

Seria cogitatio æternitatis.

O VIATOR: continuè veloci cursu pergis ad æternitatem nullo termino concludendam & finiendam, & audes vel uno momento manere in statu peccati mortalis? in quo si moriaris, in puncto descensurus es in infernum: cur non recogitas, quia si in statu peccati decesseris, habitabis infelix in igne devorante, & ardoribus sempiternis? quia totus Deus vacabit ad pœnas tuas, & vacabit per omnem æternitatem suam, usque ad inferni novissima, usque dum compleat, inebrietque sagittas furoris sui justissimi in te. Computa vires tuas, num poteris sustinere irruentes super te montes vindictæ Dei.

II.

Incertitudo Mortis.

DEUS: pœnitentibus promisit veniam, sed peccantibus spatium pœnitendi non promisit. Transeunt quotidie præter oculos tuos elata cadavera, quæ mortalitatis oblitum respicere

cere cogunt ad mortem: tu autem in media strage morientium nihil minus, quàm mortem cogitas, & cùm nihil frequentius videas, nihil citius oblivifce-
ris. Quot millia hominum delufit ifta fpec, aut potiùs ftulta præfumptio? at nunc in inferno pofiti funt, mors depafcit eos; præcifà enim eft velut à texente vita eorum, dum adhuc ordiri viderentur. Omnem ergo diem crede tibi diluxiffe fupremum & ultimum; & cum manè fueris, puta te ad vefperum non perventurum.

I I I.

Paffio Chrifti Domini.

IN SPICE vulnera pendentis, fanguinem morientis, pretium redimentis. Caput habet inclinatum ad osculandum, cor apertum ad diligendum, brachia extenfa ad amplectendum. Et his non moveris, ut peccata deferas? Moveat te amor boni Iefu, & ad eum revertere. Crudelis es, fi fructu laboris fui Iefum tuum defraudes, frustra pro te mortuus eft. Sanguinem fuum ferio de manu tua requireret, & tota paffio Chrifti ftabit contra te ad maiorem damnationem tuam.

CAPUT V.

Breves Meditationes de Passione Domini, sive peregrinatio Viatoris cum Christo patiente.

O vos omnes, qui transitis per viam, attendite & videte, si est dolor similis sicut dolor meus. Th. 1.

PERCE Viator plorans, quò trahent funes, quò raptabunt catenæ, quò crudelis feritas incitabit. Perge quò rapit dolor & amor. Sequere Iesum, qui doloris passibus immensum nostrorum scelerum, & infinitæ suæ bonitatis campum dimetitur. Defluit ex vulneribus Christi sanguis pro te, ò Viator, sed non in te, nisi tu facias eum per gratitudinem recurrere ad principium suum.

Amor SS. Trinitatis totus consistit in Passione & vulneribus Christi; illa enim movent Deum ad fundenda liberaliter in nos beneficia, ut docent Doctores, qui ajunt, omnia dona gratiæ effectus esse, & præmia meritorum, ac vulnerum Christi. Si cupis à Deo diligere, ama vulnera Christi, commorare in
illis

illis sacris cavernis . Tota tua occupatio fit in vulneribus Domini.

Unde exclamat S. Bonav. *O cecitas filiorum Adæ, qui per hæc vulnera in Christum nesciunt intrare . Ecce apertus est thesaurus divina sapientiæ , & charitatis æternæ . Intra per vulnorum aperturam , & delicias obtinebis . Certa enim & securæ est expectatio promissæ beatitudinis (inquit S. Leo) ubi est participatio Domini- cæ Passionis.*

Christus S. Gertrudi dixit: Filia, qui amanter Crucifixum in vita intuetur , eum amanter Crucifixus in hora mortis respicere dignabitur.

Virgo quædam Crucifixum fixè intuens , amore æstuans exclamabat : *ò Deus ! ò amor ! ò excessus amoris ! da mihi tantam vocem , quæ audiat ab Oriente ad Occidentem , à cœlo usque ad infernum , ut te Amorem meum omnibus inclamem, ut ab omnibus agnoscaris & ameris.*

S. Edmundus Episc. Cant. dæmonem in virtute sanguinis Christi adegit ad significandum sibi , quo potissimum modo superari potest . Adjuro te , inquit , per asperisionem sanguinis Christi , in quo faciliùs te vincere possum. Respondit dæmon (Deo sic ordinante) in eo quod

quod nominasti, illius sanguinis virtute facile vincor.

Simplex recordatio Passionis Christi (teste B. Alberto magno) multò plus valet , quàm si quis integrum annum in pane & aqua jejunaret ; vel si quotidie virgis & flagellis caderetur usque ad effusionem sanguinis, vel si quotidie legeret integrum Psalterium . Apud Discipul. Ser. 1. in die Parasceves.

Cuidam Viro eximiæ sanctitatis inter precandum, medium efficacissimum pro excitando in se amore divino flagitanti, respondit Christus : exerce te in humanitate mea passionata & vulnerata; nam in ea maximè lucet mea charitas non aliter , quàm Sol in suo splendore, rosa rutilans in suo odore, ignis vehemens in suo æstu & ardore.

Christus in horto sudat.

EGREDERE Viator, ac plorans comitare Iesum euntem in hortum Olivarum, vel potiùs in montem myrrhæ, & collem thuris. Primus Viatori Deo ad hortum erit passus, ut lilium collocetur inter spinas acerbissimorum cruciatuum.

Cogita, dum jam egreditur Christus ad montem Olivarum, cum quanto dolore

lore universa Matri suæ, quæ sibi in passione eventura erant, prædicit: quia omnino oportet Filium hominis conspui, flagellari, crucifigi.

Vide quomodo mæsta Mater ad tantum nuntium exanimata in brachia Filii sui procidit. O dolorem cruentum Matris!

Quò vadit dilectus tuus, ò pulcherrima mulierum, quò vadit? ad hortum ubi sudabit sanguinem; ad Annam ubi alapis cruentabitur; ad Herodem ubi illudetur ut demens; ad prætorium ubi cædetur ut reus; ad montem ubi suspendetur ut latro.

Cum lacrymis inspicere, quantis angustiis prematur bonus Iesus in hortum, veniens. O triste spectaculum! en proxi- nus Dei Filius geniorum coelestium voluptas expallescit, submittit genua, procumbit humi, divinum os solo ad- sternit, cum morte luctatur.

Imaginare, quòd videas per poros & venas, sanguineas erumpere guttas.

Interroga Dominum Iesum: cur tam præmaturè ex illius corpore erupit sanguis, stillant venæ, pluunt cuncta mēbra?

Cogita, si primo in passu Viator sanguinem sudat, quis sperandus est tam atrocis transitûs, ac itineris progressus?

Affe-

Affectus.

O Mi bone Iesu , quò tua demum in nos abibit liberalitas? paulò ante sub extremæ coenæ finem tuum nobis in calice sanguinem propinâsti , jam illum iterum in tuo corpore , in horti pavimento propinas?

Cur ita, ò amor meus, ipse tormenta prævenis? nondum adsunt carnifices , nondum te flagella lacerant , nondum aculeatæ spinæ divinum caput perforant , nondum clavi manus pedesque configunt , & tamen jam nunc tam uberes cruoris fontes fluunt? Quid cras tecum fiet , cùm totum corpus unus erit livor, vulnus unum?

O nimium amorem istum, cui explendo mors una satis non fuit , sed ante mortem vitam hanc nostram mori coëgit ! ita ut nostri amantissimus Dominus membratim interire, guttatim contabescere , & per lenta sanguinis stillicidia diversis viis animam abire voluerit.

O felicem terram , quæ Domini tui cruorem combibisti, nunquam tam pretioso rore irrigatam ! Quis mihi det, ut amplectar locum , quem Salvatoris mei presserunt vestigia , genua contigerunt.

Quid verò purpureum hunc , & tam copio-

copiosum sudorem è corpore Iesu elicit? Heu! peccata & scelera mea. Hoc prælum fuit, hoc torcular, quo fuit expressus: sub isto culparum mearum onere bonus Iesus ingemiscit, mæret, plorat, fatiscit, sudat.

Tantanè res erat salus nostra, mi Domine, ut eam tanti æstimares, & tantis impendiis refarcires? Tam pretiosæ in oculis tuis erant animæ nostræ, ut eis redimendis tantum, & tam copiosum destinares pretium? Adeonè diligens me tradidisti temetipsum pro me, ne perennibus traderer flammis? Ergo non diligam te, sed tradam me concupiscentiis meis, tradam me hostibus tuis?

Potius, Domine, trado me tibi vel nunc, ut disponas de me in tempore & æternitate, ut cantem miserationes tuas stupendas & magnas in æternû, & ultra.

Christus in horto comprehenditur.

PENETRA cor Salvatoris: vide cum qua promptitudine & charitate morti sese offerat, cum qua alacritate obviam procedat proditori Iudæ, & carnificibus.

Iuda quid agis? amoris signo vulnus infligis: charitatis officio sanguinem fundis? in frumento pacis mortem erogas?

Vide,

Vide, quomodo unico verbo omnes satellites straverit in terram, ne prosterneret in inferno.

Considera duriciam satellitum, qui nec horrore mortis perterriti, nec blandimento charitatis commoti, quem noluerunt propitium habere Salvatorem, sibi elegerunt Iudicem severissimum.

Obstupesce, quomodo viles & barbari milites in Agnum innocentem cum ingenti clamore irruunt: alii caput benedictum pugnis, alii fustibus cædunt; brachia cæteri funibus tam arctè stringunt, ut sanguis profiliat è venis.

Comitare ulterius Christum, quem ad impiam pertrahunt civitatem. O quot antè hæc hastis & calcibus te propellunt, mi Iesu, quot à tergo te lapidibus impellunt!

Insuper comitare Christum raptatum ad tribunal Annæ, capite discooperto, facie livida, manibus post tergum vinctis, pedibus sanguinolentis.

O prodigium! en innocentissimus Sol justitiæ ad iniquitatis tribunalia confisit. Stat sine advocato Innocentia, sine patrono Veritas, sine voce Verbum. Quid enim loqueretur, cui jam nuper ferale Herodis imperium ad saltatriculæ votum vocem eripuerat?

Consi-

Confidera,quàm torvis & ardentibus oculis ille aspiciat Salvatorem, quàm superbè interroget, & sciscitetur ab eo de doctrina, & discipulis.

Eheu obstupeſce, ut mox ad primam æternæ ſapientiæ vocem, à quopiam miniſtrorum armata manu tam crudeliſſima alapa ei infligitur, ut dentes excuſſerit, & ex labiis ſanguinem elicuerit.

Exhorreſcat cœlum ad tam inauditum facinus: contremiſcat terra: alapâ Deus percuti potuit? ô Angeli, quomodo manus continere poteſtis? an attonitos vos tenet facti inſolentia?

Affectus.

QUID retribuam tibi, Domine Ieſu, pro omnibus ludibriis, percuſſionibus, vilipendiis, deriſionibus, & pro innumeris opprobriis, quibus pro me ſaturatus fuiſti?

Eheu moeſtiſſime, eheu dulciſſime Ieſu! Cur adeo ferreum ac lapideum cor habeo, quod compaſſione ac dolore non ſcinditur? cur præ dolore non tabeſcit anima mea, quandoquidem tam immanium dolorum, & cruciatuum cauſa eſt peſſima vita mea.

Potuitne fieri, ut pro me viliffimo vermiculo talia Deus pateretur? Eheu patitur

patitur ; quia pro me conculcatur , pro me Deus ligatur, & irridetur.

O amor infinite! quid retribuam tibi, qui pro me servo nequam tantum innocentissimus, & amabilissimus luis? Fundam sanguinem : sed nocentissimus est . Fundam lacrymas: sed peccatrices sunt, immundæ sunt.

O æterna Sapiencia , dulcis Iesu, pro hisce contumeliis, injuriis, irrisionibus, insanisque clamoribus, te honorent, te glorificent , & extollant omnium Beatorum agmina : & in solo tuo nomine, benedicte Iesu , omne genuflectatur, cœlestium , terrestrium, & infernorum.

Christus apud Caipham.

COGITA qualiter Dominus noster, Rex Regum , & Dominus dominantium, sub vilissima specie pessimi servi , ab Anna ductus fuit ad Caipham Pontificem illius anni.

Attende, quia ibi juramento Christus adstrictus apertè se dixit esse Filium Dei . Caiphas scidit vestimenta sua, dicens coram omnibus eum blasphemasse.

Insuper obstupeſce . En expuunt in faciem Domini : ò novum & inauditum in terris spectaculum! ò faciem Domini a lapidis lividam , ò faciem foedis sputis maculatam!

O Pa-

O Pater, respice in faciem Christi tui, & miserere nostri, pro quibus sic foedatur. O si vel modò incipiant oculi mei ubertim flere, ut ita eluant faciem Salvatoris mei!

Ingredere cum Domino tuo carcerem: quid ibi non tentat carnificum rabies? en tota nox in crudelissima Christi innocentiae supplicia extenditur.

Considera anima mea celsitudinem Domini Dei tui adeo profundè exinanitam, ut verè nunc non homo, sed vermis, opprobrium hominum, ac abjectio plebis dici debeat.

Affectus.

O Nox, quam meus Iesus habuit ultimam in carne mortali! quale tu spectaculum exhibuisti mundo, & Angelis, & hominibus! Ecce dum medium silentium tenent omnia, en Deus & homo, ab homine & pro homine circumdatur doloribus: en lamentabiles Domini preces audiuntur à Patre.

O horror coeli, ò scelus mundi! ò dolor, & amor Dei mei! Quid tibi, mi Iesu, cum terra? quid tibi cum homine? ut redimeres servum, te ipsum servo illudendum tradidisti.

O quàm magna miseratio, quàm gratuita.

H

tui.

tuita & probata dilectio, quàm inopinata dignatio, quàm stupenda dulcedo! Regem gloriæ pro suis inimicis assumere formam servi, tot suscipere labores, & dolores.

O cor meum plusquam lapideum, cur non accenderis amore tui Iesus? lapis calore solutus in cinerem vertitur, & tu ad tantum calorem immutabilis perseveras? O utinam mi dulcis Iesu, amem te, serviam tibi, laudibus prosequar te omnibus diebus, ac noctibus vitæ meæ, ac deinde tota æternitate.

Christus apud Pilatum & Herodem.

VIDE, quòd necdum dies illuxerit, & jam rumor captivitatis Dominicæ per totam civitatem increbuerat: itaque omnes certatim currunt, ubi à senioribus populus adversus Christum concitatur.

Observe, quomodo Christum decernunt offerre Pilato præfidi morti condemnandum. O bone Deus! quantis cum ludibriis, & impropriis per mediam civitatem rapitur!

Inspice Præsidem Pontium prodire ad solium plenum arrogantiam; Christum verò plenum confusione, catenis ligatum coram eo consistere.

Audi,

Audi, quomodo reprobi illi satellites adversus Dominum tanquam canes latrant, falsò Iesum insimulantes, quòd se Deum faceret & Regem, & subverteret populum.

Confidera, quòd cum in multis Iesus accusaretur, nec in eo Præses causam mortis inveniret, remisit Christum ad Herodem, sub cuius erat potestate.

Cogita, quòd cum videret eum Herodes, putans eum mentem captum, spreverit cum exercitu suo, ac illudens remiserit iterum ad Pilatum.

Observa, quòd Pilatus volens illum liberare dederit sortem ejus cum Barabba homicida scelestissimo, & concesserit Populo, ut peteret ex his duobus quem vellet dimitti.

Obstupefce incredibilem Christi patientiam, qui cum esset Deus verus de Deo vero, passus est non modò se cum Barabba comparari, sed etiam, quod indignissimum est, illi postponi.

Affectus.

O ADMIRANDA, mi dulcis Iesu, tuæ circa nos pietatis dilectio! Quomodo tu, qui tribus digitis appendis terræ molem, qui sedes super Cherubim, & intueris abyssos, tam crudeli-

ter, tam immaniter torqueri à reprobris permiffisti?

Quid commiffisti Domine, ut fic judicareris? quod scelus tuum? quæ noxa tua?

O mirabilis myfterii dispositio! peccat iniquus, & punitur iustus; offendit impius, & damnatur pius; quod perpetrât fervus exolvit Dominus; quod commiffit homo fuffinet Deus.

Quid ad hæc, ò anima mea? utinam nunc faltem amem te, mi Deus, fed amem ex toto corde, amem ex tota anima, amem ex omnibus viribus meis.

Utinam obverferis femper menti meæ, ò vita mea, ò amor meus! utinam ad te femper fufpirem, ò defiderium; ad te femper confugiam, ò afylum meum; femper advolvam pedibus tuis, ò mi Domine, femper fim inter amplexus tuos, ò mi Sponfe!

Chriftus flagellatur.

VIDE, ut agnum manfuetum impius Præfes ad fedandum populi furorem, Chriftum tradit flagellandum.

Infpice cum qua ferocitate Chriftus alligatur columnæ, aliis manus vincientibus, aliis brachia contorquentibus; & ita Dominum stringunt, ut carnes difrumpi, & foras fanguinem proflire comulerint.

Admi-

Admirare nunc cum lacrymis, Iesum feriri crudelissimè, cutem dilaniari, viscera denudari: vide sanguinem defluentem in terram instar rivulorum.

Respice humeros, brachia, pectus, & totum corpus tui Salvatoris dilaniatum, totum corpus discerptum.

O quantum prodigium! amor cruciat, fundit sanguinem, dilacerat; & nisi ipse sibi obstitisset, interemisset.

Meditare hîc, quomodo lictores percutiendo lassi sunt, & Christus necdum fatigatus est pro te flagellari. Quare cum amplius non possent crudelitatem suam in ipsum exercere, illum à columna solvunt.

Inspice, quòd doloribus plenus, totus dilaceratus præ frigore tremat, nudus, & sanguine madidus, ubicunque figit pedes, vestigia sanguinis relinquat.

Affectus.

OBSTUPESCITE coeli super hoc, & portæ ejus desolamini vehementer. Iesus Dei Filius in flagella nudatus est. Iesus meus Dominus in flagella paratus est. Nudatus, qui etiam omnia lilia agri sic vestit. Nudatus est, qui sub umbra alarum suarum nos protegit. Vides hoc Sol, nec obscuraris?

Si hoc corpus templum Domini est ,
ubi nebula ? si Sanctum Sanctorum , ubi
velum ? si tuus est Filius , virgo Mater ,
ubi tunica inconsutilis ? si hic Filius
tuus dilectus , Pater æterne , ubi nubes
lucida est ?

O moestissima Virgo , quos fontes la-
crymarum dicam erupisse de castissimis
oculis tuis , cum cerneres Filium tuum
coram te ligari , flagellari , & carnem de
carne tua tam crudeliter , & immaniter
dissecari !

Quò , obsecro mi Deus , quò tua de-
scendit humilitas , quò processit pietas ,
quò tua flagravit charitas ? Ego crimen
edidi , tu torturæ subjiceris ; ego fruor
deliciis , tu ad columnam in sanguine
natas . Quid est hoc ? quid fecisti Rex
meus ? & Deus meus quid retribuam ti-
bi pro omnibus , quæ tu tribuisti mihi ?

Benedicant te Domine millia mit-
tium Angelorum ; non hoc satis : bene-
dicat te , benignissime Iesu , multitudo
miserationum tuarum , & amoris tui
melliflui suavissima viscera , in quibus
visitasti nos oriens ex alto , in quibus
redemisti nos , & lavisti nos à peccatis
nostris in sanguine , & vulneribus tuis .

Christus spinis coronatur.

VIDA novam immanitatem satellitum, qui horridam coronam de spinis & acutissimis juncis marinis capiti jam satis cruentato infigunt, & imponunt.

Considera (ut dicit S. Bernardus) illas spinas, non solum carnem, & nervos perforasse, verum etiam ipsa ossa, necnon ipsum cerebrum penetrasse.

Imaginare, quod videas sanguinem cerebri humore mistum ex omni parte per capillos, & faciem defluere.

Dic ex corde: O Pater, jam istud caput non semel sudavit sanguinem; cur spinis eundem elicit justitia tua?

O sacratae spinæ parce, parce facro illi & innocuo capiti; venite potius, & vertite aculeum contra me, pungite cor meum puncturis poenitentiae, ut si non sanguinem, saltem vel lacrymam possitis è corde duro elicere.

Uterius mente progredere, & vide, quomodo velant faciem Domini turpissimâ vittâ, & percutientes faciem & caput ejus alapis, illudunt ei.

Consiste hîc parumper, & accuratè perspice factum Pilati, qui rabiem infernalis turbæ volens sedare, Christum

totum deformatum, & tam crudeliter dilaniatum ad pro pyleum jussit duci.

Audi verba Pilati Christum plebi monstrantis: Ecce Homo. . . Converte tu hæc verba Pilati ad Patrem.

O Pater, Ecce Homo: ecce Filius tuus dilectus, tam crudeliter dilaniatus: ecce Homo plusquam barbarâ, plusquâ belluinâ Judæorum sævitiâ tractatus.

O Mater, ecce Homo: vide an hæc non tunica, sed caro Filii tui sit? verè fera pessima devoravit eum. O Angeli pacis, ò anima Christiana, ecce Homo: sed Heu! jam verè exclamare poteris, quia non novi hominem; nam non est ei species, neque decòr.

O Peccator, Ecce Homo: ecce caput pro te spinis coronatum: ecce facies pro te sputis & alapis livida, ecce oculi in lacrymis & morte natantes: ecce os & labia mox felle replenda.

Affectus.

O ANIMA mea, non diffuis lacrymis? amore non conflagras? Ecce tuus Homo: en vide novum crudelitatis inventum dolorosissimum: sævissimi lanienzæ ministri spineam coronam capiti Salvatoris imponunt, & ipsum penetrant cranium.

Ah

Ah dolorosissime Iesu, vivis? natura non succumbit adeo læsa? miraculis opus est, ut graviora pro me patiaris.

Egredere nunc filia Sion, egredere ò Virgo Mater, & vide Filium tuum Iesum in diademate, quo coronavit eum improba Synagoga. O Rex mundi, ò gloria coeli, hoc est regnum tuum, in quo natus es?

Ergonè, qui me gloria & honore coronavit, dolore ipsemet & dedecore coronatur? Qui dedit ornamenta aurea capiti meo, servavit tegumenta spinea capiti suo? qui coronat me in misericordia & miserationibus, spinis ipse non renuit coronari? qui mihi repositam habet coronam justitiæ, solam sibi coronam patientiæ reservavit?

O patientissime Iesu! quis tibi animus? quem summa humilitate jussu Patris adorant omnes Angeli, hunc coronatum summo ludibrio adorant milites vilissimi? O quale amantissimi Iesu opprobrium! irrident, insultant, blasphemant, alapas ingeminant.

O mi Creator, ò mi Redemptor, quantum tibi debeo! ò si Angelorum linguas haberem, quibus misericordias tuas in æternum concinerem! ò si nunquam è memoria mea excideret amor

tuus ! ò si die noctuque clamare possem
cum omni creatura , quæ in cœlo est &
in terra: Sâctus, Sanctus Dominus Deus.

Christus crucem bajulat.

INSPICE cum lacrymis , quomodo
humeris mitissimi Agni enervatis &
confractis imponunt ponderosam illam
crucis molem , cæteris omnibus hoc li-
gnû ferre recusâtibus. Eheu quid facies
bone Iesu, quia viribus es destitutus?

Cogita tecum , quis unquam vidit
reum ferre crucem suam, & patibulum,
cui affigendus ? contra commune jus
gentium est; portare tamen innocentis-
simus Iesus cogitur.

Contemplare Dominum crucem ba-
julantem. Quàm illa inhumaniter, ò Ie-
su, corrodit & conquassat humeros tuos,
quàm profundè carni usque ad ossa in-
figitur. Quid ultra facies mi Iesu?

Perge tamen , perge mi Redemptor,
constanter progredere : erige te, mi Ie-
su, novas assume vires, deducat te Pater
tuus cœlestis & confortet; stipent latus
tuum Angelici spiritus, & solentur.

Proficiscere, mi bone Viator, profici-
scere, ut nos redimas, peccata nostra te
ligârunt, & in misérias has adduxerunt.

Confidera , quoties ob nimiam lassi-
tudi-

tudinem, & carnificum furiam, sub crucis pondere Christus corruit; quoties nefarii satellites è vestigio in eum insiliunt, capillis trahunt, calcibus protrudunt, à tergo lapidibus impetunt.

O prodigium! en cadit Verbum Dei secus viam, & conculcatur ab hominibus. En cadit, per quem cuncti stant; infirmatur, per quem omnes roborantur; in terra Deus jacet, per quem homines eriguntur in cœlum.

Intuere, ut occurrit & mœsta Mater in montem Calvariæ eunti Filio. Quò pergis, ò Virgo Mater, inter militum armatorum catervas? Ergonè dilectum Filium tuum extremo supplicio affici conspicias.

Meditare nunc quo cum ardore, quibus lacrymis invicem sese complexi sunt. Quoties ingemuisse putas tunc mœstam Matrem lugendo Filium, & dixisse: Fili mi Iesu, Iesu Fili mi, quis mihi det, ut tecum & pro te moriar, Fili mi dulcis Iesu?

Contemplare, cum qua rabie canes illi inhumano quodam impulsu improperantes ei, Matrem à Filio repellunt, & eum semimortuum protrudunt.

Vide, ò homo, quomodo patiuntur, & lacrymis diffuunt pro te Iesus &

Maria: cur ergo tu ferreum cor non commoveris, cur non fles pro te ipso?

Affectus.

TUus, ò Domine, ingressus in mundum, & egressus è mundo, quàm dispar est: cantantibus Angelis ingressus es; Angelis pacis amarè flentibus egressus es. Ingredientem te Virgo Mater utero, brachiisque portavit; egredienti tibi gravis crux; ingens illud & infame tormentum, portanda imponitur.

O potentia æterni Patris, quàm imbecillis facta es! ò virtus mundi, quàm infirma effecta es! ò sustentator universæ terræ, quàm infra omnia abjectus es!

Tu æthera firmasti sursum, & nemo te confirmat; tu appendisti fundamenta terræ, & nemo te sustentat; tu cum ceciderit è nobis aliquis, supponis manum tuam; tibi, postquam tam dirè collapsus, imò collisus es, nemo ex omnibus adhibet in auxilium ultimum manum suam:

Quis ergo mihi nunc dabit aquas, ut plangam in amaritudine animæ meæ Iesum meum sanguine decoloratum, sputis foedatum, post sanguineum sudorem, post dura vincula, post crudelē flagel-

gel.

gellationem, post horridam coronationem, crucifigendum?

O Angeli, ò creaturæ omnes lugentes currite, quia ecce Filius Dei in extremis est; Ecce mundi salus extinguatur. Ecce Salvator noster ad atrociora tormenta, ad vestium spoliationem, ad vulnerum innovationem, ad fellis potum, ad acerbissimam fossis manibus pedibusque laniationem, ad infame suspendium, ad novos gemitus, ad clamorem validum & lacrymas, & amarissimam mortem pergit.

Christus crucifigitur.

SUBSISTE jam cum Christo in monte Calvariae, & diligenter inspicere, quomodo carnifices detrahant cum immani violètia vestes Christi, vulneribus ob sanguinem concretum adhærentes.

Intuere Christum præ summo frigore, toto corpore trementem, cum nudus vento & aëri asperrimæ hyemis tempore exponatur.

Cogita, quàm ingens confusio ejus fuit, cum videret se nudatum in præsentia tantæ multitudinis consistere.

Deinceps animo singe te coram intuituri carnifices inhumanissimè Christum in terram substernentes, & Agnum mē-

tis-

tissimum manus & pedes extendentem, ut clavis crucifigerentur.

Erigitur demum Crux, & si quæstisti sæpe, ò anima Christiana, à Domino tuo Iesu, & dixisti: Indica mihi quem diligit anima mea, ubi pascat, ubi cubet in meridie? Ecce cubat in monte Calvaria, medius inter latrones, nudus, lividus, cruentatus, extensus in duro lecto crucis.

Affectus.

O SPECTACULUM luctuosissimum! Deus suspenditur: Deus occiditur: laxentur in gemitus ora, mergantur oculi nostri lacrymarum pelago.

Aspice nunc, ò Pater, caput Filii tui; intuere cervicem, olim iastar nivis candidissimam, nunc inclinatam & esanguè.

Defige oculos, ò mœsta Mater, in faciem dilecti Filii tui, & in membra Christi tui: vide quàm obscurata sit pulchritudo oculorum, quantùm palleat color regii vultus.

O Deus, ò Iesu mi! adoro te in hoc throno doloris & ignominia. O si mihi liceret per te, ut sacram tuorum pedum aram millies exosculer, manantemque inde cruorem lacrymarum imbre diluam!

O anima mea, dic saltem à longe ultimum vale Salvatori tuo. Vale ergo mi

Redem-

Redemptor: Vale, ò Frater amabilis nimis: Vale, ò Sponse animarum nostrarum. Sed priùs ante discessum da benedictionem, da Frater amplexum. Da crucifixoribus tuis orationis affectum, latroni paradisum, matri filium, filio matrem, mortuis vitam, toti mundo sanguinem tuum.

Christus clamans voce magna expirat.

IN T U E R E anima mea, quia jam tandem exacto tormentorum itinere, sese durissimum in lectum fessus Viator quieturus reponit: & audi quid loquatur ad te de lectulo crucis.

Audio, clamat Iesus: Pater ignosce illis. Quid est hoc? Iesus flagellis cæsus est, spinis coronatus, affixus patibulo, omnium tamen dolorum immemor ait, ignosce illis. O amor ineffabilis! is, qui hætenus in propria causa tacuit, nunc causâ inimicorum disertus est.

Deus Deus meus, ut quid dereliquisti me? Derelictus es, mi Iesu, sed propter me; quia ego sæpius dereliqui Deum meum, fontem aquæ vivæ, & recessi à Deo salutari meo.

Sitio clamas, mi Iesu. Attendite animæ quantum diligat vos: tot dolores perpeffus Iesus propter vos, adhuc ta-

x en

men dolores propter vos sitit ; sitit sanguinem effundere , quem adhuc celavit in corde.

Ecce Mater tua. Breve testamentum, parvum peculium facilè dispensatur. Nihil sibi ex suo restabat præter Matrem, & hanc tradidit discipulo.

Ecce Filius tuus. Filium effici Virginis, quid dulcius ? Matrem habere Mariam, quid securius ? O Mater non dedignare nos filios , quoniam Deus non est dedignatus te Matrem.

Consumatum est . Quid consumatum est , Domine Iesu ? dolores tui , passio tua , charitas tua ? ita sanè . Omnia transierunt , consumata sunt , perfecta sunt, præcipuè autem charitas tua, quâ, cùm dilexisses nos , usque in finem dilexisti.

In manus tuas , Domine, commendo spiritum meum . O si & meum, mi dulcis Iesu , in agone egredientem de corpore spiritum in manus tuas susciperes !

Et inclinato capite emisit spiritum . Ergonè meus Iesus clamans voce magna , inclinato capite , ut mihi amplexum , mihi det osculum reconciliationis ; inclinato capite , ut mihi dicat ad autem cordis mei : morior , & libenter morior amore tui ; inclinato capite , ut
in spi.

in spiret in faciem meam spiraculum vitæ; inclinato capite tradidit spiritum?

Affectus.

O ANIMA mea! tradidit pro me Iesus spiritum & ego spiro? Verbum æternum pro me filuit & ego loquor? Deus meus pro me mortuus est, & ego vivo?

O Iesu pro me crucifixe! quantorum ego tibi dolorum causa fui! verè languores meos tulisti, bone Iesu, & dolores meos portasti. O Iesu, ò Amor, ò ardentissima charitas! utinam amore tui mori possem, & tibi vivere.

Admonitio.

REVoca tibi, Viator, in memoriam illa verba amoris plena Christi Domini ad S. Gertrudem prolata: Vide quomodo crucifixus sum, amore tui, quomodo pendeo nudus, despectus, toto corpore vulneratus, per singula membra distentus: & adhuc ita te amo, ut si aliter salutem consequi non posses, vellem iterum mori pro te.

Cogita nunc, atque delibera quid tu illi debeas; erubescere & confundere, quòd illi compati, & crucem tuam tollere nolis.

Ora-

Oratio ad quinque vulnera Christi.

SALVE vulnus benedictum dexteræ manus Domini mei Iesu Christi crucifixi pro me, & omnium hominum salute. Protegat me, Domine, & deducat dextera tua; ut cùm seculum iudicaturus adveneris, ad dexteram tuam constitutus audire merear cum electis: Venite benedicti Patris mei, percipite regnum vobis paratum à constitutione mundi. Amen.

Salve beatificum vulnus sinistræ manus Salvatoris mei Iesu Christi pretiosissimo ejus sanguine purpuratum. Comprime vires hostium, qui quærunt animam meam. Dic animæ meæ, salus tua ego sum: ut de manu inimicorum meorum liberatus, serviam tibi omnibus diebus vitæ meæ. Amen.

Salve gratiosum vulnus dextri pedis Domini mei Iesu Christi, sanguine immaculato conspersum. Perfice, Domine, pedes meos, ut per viam mandatorum tuorum incedam: dirige gressus meos in virtutem, & lucerna pedibus mei sit verbum tuum, & lumen semitis meis; ut etiam proximis lucis exempla præbeam, quatenus te Deus meus in omnibus, & ante omnia glorificeris
nunc

nunc & in æternum . Amen .

Salve venerabile vulnus sinistri pedis Christi sanguine madefactum . Evelle , Domine , pedes meos à laqueo , quem statuerunt mihi inimici mei . Non veniat mihi pes superbiæ , sed in simplicitate cordis mei incedam coram te omni tempore . Edoce me vias tuas , ut sciam quid acceptum sit coram te , & opere compleam universa , quæ præcepisti mihi . Amen .

Salve vulnus saluberrimum cordis Iesu Christi crudeli cuspide inflictum , è quo sanguis & aqua copiosè emanarunt in ablutionem peccatorum nostrorum . Munda me , Deus , purissimo hoc sanguine , & aqua salutari ; ut ab omni labe emundatus , te Deum Salvatorem meum , quem soli mundo corde videbunt , in omni æternitate valeam contemplari . Amen .

Passio Domini nostri Iesu Christi sit
semper in cordibus nostris.

Pii affectus.

Ex vita Jesu Christi.

DOMINE Iesu Christe , concede mihi misero peccatori vitam , & mores tuos præ oculis mentis semper habere, & pro viribus imitari.

O charitas infinita , ò admiranda dignatio tua, Domine! ut servum redimeres, Filium tradidisti.

Salve dies tot ætatibus optata , quæ Deus pro nobis factus est homo . Salve Gabriel Archangele tanti gaudii annuntiator. Salve Virgo gloriosa, in cujus castissimo utero carnem assumpsit Deus.

Christe Salvator , qui adhuc clausus in maternis visceribus ad Præcursores sanctificandum properasti; da mihi peccatorum veniam , & spiritualem in tuo obsequio lætitiā.

Iesu amabilissime , qui pro me in stabulo nasci voluisti , illumina mentem meam , & voluntatem , ut Nativitatem tuam contemplari valeam, & elucētes in ea virtutes imitari.

Laudo te , Redemptor mundi , pro prima sanguinis tui in tenerrima ætate effusione, cum tua caro immaculata poenā circumcisionis , quam non meruit, sustinuit.

O dul-

O dulcissimum nomen, Iesu, super omne nomen in cœlo & in terra benedictum, esto mihi salus & redemptio: non enim est aliud nomen hominibus datum, in quo oporteat nos salvus fieri.

Glorifico te, Deus meus, pro primitiis gentium, & earum admirabili illuminatione, cum eas ab Oriente in persona trium Magorum secreta inspiratione traxisti: utinam te omnes gentes viva fide cognoscerent, adorarent, & tibi fideliter servirent.

Da mihi, Domine, horum virorum fidem & constantiam, ut eadem, quæ illi, perseverantiâ te quæram donec inveniam.

Benedico te, sanctissime Redemptor, qui voluisti in templo præsentari, & ut nobis veræ obedientiæ exemplum relinqueres, te legalibus institutis, tanquam unus de populo subdidisti. Da mihi in omnibus perfectam obedientiam, & voluntatis meæ abnegationem.

Da mihi, bone Iesu, radium aliquem illius lucis, quem sancto seni Simeoni tribuisti, cum te infantem in ulnas suas suscepit, ut te agnoscam & amem, sicut ille te novit & amavit.

Sapientissime Iesu, qui sanctæ Genitrici tuæ doloris-gladium, quo transfigen-

genda erat, revelari voluisti: transfige animam meam gladio compunctionis, ne me dissolvant vanæ mundi consolationes.

Vix natus eras, Rex amantissime, cum subito mundus te persequitur, & Rex Herodes statim te quærit, ut te perdat: da igitur mihi hanc veritatem agnoscere, & malorum persecutiones patienter ferre.

Nihil scimus de te, ò Sapientia incarnata, usque ad annum duodecimum ætatis tuæ, & multa scimus: ipsa enim taciturnitas tua clamat in cordibus nostris, ut silentium tuum, & humilitatem admiremur & imitemur.

Congratulor tibi, beatissima Virgo, quòd dilectissimum Filium tuum inveneris in templo, in medio Doctorum, sedentem, prudenter interrogantem, & modestè respondentem: ora pro me, ne unquam illum amittam, aut ab eo discedam.

Latuisti, Domine, usque ad trigessimum annum cùm esses sapientia æterna; doce me viam solidioris humilitatis, & tuis semper inhærere vestigiis.

Domine Iesu, fons bonitatis, & origo virtutum, qui à baptismo Ioannis prædicationem tuam auspicias es: quid tibi

tibi & baptismo isti, cū sis innocentissimus? O humilitas Christi, quantum confundis superbiam, & vanitatē meam!

Imple me, Domine, Spiritu sancto, ut eo inspirante, sequar te in desertum, & secedam ab hominibus, orationi, jejunio, & poenitentiae incumbens.

Confiteor tibi Pater, quia redemptionis nostrae mysteria abscondisti à sapientibus, & prudentibus hujus seculi, & parvulis piscatoribus revelasti, ut mundi sapientiam destrueres; fac me parvulum in oculis meis, ut magnus fiam in tuis.

Salvator potentissime, qui tot miracula verbo virtutis tuae patrare dignatus es; innova signa & mirabilia, & animae meae languores sana, eamque resuscita à morte vitiorum.

Dulcis Iesu, qui tanto fervore, & festinatione in Ierusalem ascendisti, ut durissimam mortem pro me patereris; fac me alacrem & ferventem ad omnia quaecunque volueris pro te sustinenda.

Salvator mundi, qui à perduto discipulo venditus fuisti; ne quaeso permittas, ut pro vili pretio rerum terrenarum te summum bonum meum vendam, & derelinquam.

Humillime Iesu, qui servili obsequio
lavi-

lavisti pedes discipulorum tuorum; lava me ab iniquitate mea, & à spiritu superbiæ libera me.

O dilecte cordis mei, qui imminente passione tua, perpetui amoris tui pignus immensum reliquisti nobis, corpus tuum, scilicet, in cibum, & sanguinem in potum; præpara me ad hoc convivium, & orna animam meam virtutibus.

Innocentissime Iesu, qui ut passio tua esset acerbior, omnem lætitiā à te procul abjecisti, incipiens ita in horto pavere, contristari, & mœstus esse, ut sanguineum sudorem effunderes: fac me semper memorem tristitiæ tuæ, ut omnem angustiam pro tui nominis gloria libenter patiar.

Laudo, & glorifico te, mitissime Iesu, pro tua ineffabili mansuetudine, quam ostendisti à perfido discipulo osculo traditus, ab impiis comprehensus, per diversa tribunalia crudeliter tractus, nequissimo latrone nocentior proclamatus, ad columnam ligatus, & flagellatus, spineâ coronâ coronatus, & ab iniquo Iudice morte turpissima damnatus: respice animam meam, & fac me habere spiritum lenitatis, & mansuetudinis erga proximum meum.

Proficiscere, bone Iesu, ligno crucis
onu-

onus; sed multò magis amoris pondere pressus; & qui dolori tuo non parcis, parce peccatis meis.

Amantissime Iesu, qui tam inhumane in Cruce extendi, & crucifigi voluisti, præsta, ut clavibus timoris tui cruci tuæ perpetuò affixus maneam.

Iesu. vita morientium; qui cum jam mortuus esses pro nobis, latus tuum lanceâ aperiri voluisti, ut accedentibus ad te facilis pateret aditus ad cor; admitte me in latus tuum, ut in eo sit requies mea in seculum seculi.

O quinque vulnera Christi, divina dulcedine plena, saluto, & veneror vos; in vobis enim est medicina vitæ, copia gratiæ, plenitudo indulgentiæ.

Gratias tibi ago, Salvator mundi, quia opus Redemptionis nostræ perfectissime peregisti; perfice & in me opus quod incoepisti, ut plena in me, & consummata justitia reperiat.

O Triumphator gloriosissime, fac me participem passionis tuæ, ut sim etiam resurrectionis; tecum moriar, ut tecum resurgam, & tecum tandem ascendam in cælum.

Rex sempiternæ, qui sedes ad dexteram Patris, trahe me post te, ut illic semper fixum sit cor meum, ubi tu es

194 VIATOR
thesaurus meus, & gloria mea, Deus
cordis mei, & pars mea Deus in æternū.

CAPUT VI.

Aspirationes Viatoris pro felici morte ad Christum.

NON intres in iudicium cum servo tuo Domine Iesu; quia non iustificabitur in conspectu tuo omnis vivens.

Ne memineris, bone Iesu, iniquitatum mearum: citò anticipent me misericordie tue, quia pauper factus sum nimis.

Ne tradas, Domine Iesu, bestiis animam confitentem tibi, & animam pauperis tui ne obliviscaris in finem.

Illumina, mansuetissime Iesu, oculos meos, ne unquam obdormiam in morte, ne quando dicat inimicus meus, prævalui adversus eum.

Tuus sum ego, salvum me fac Domine, & ne perdas cum impiis Deus animam meam.

Salvum fac servum tuum, Domine Deus sperantem in te.

O Iesu, esto mihi Iesus, & salva me.

Jube

Jube me venire ad te, ut cum Sanctis tuis laudem te, & in æternum fruam te.

O mi dulcis Jesu, quando corpus meum morietur, fac ut animæ donetur Paradisi gloria.

In te, Domine Jesu, speravi; non confundar in æternum.

Affectus ad Jesum Agonizantem.

Jesu agonizans, & moriens in cruce pro me; immitte, quæso, spiritum tuum in cor meum, illoque animam meam vivifica; quoniam tuo solo spiritu vivere volo tam in hujus præsentis vitæ meæ tempore, quam in mortis meæ articulo.

Jesu agonizans, & moriens in Cruce pro me; per hunc agonem tuum, & per spiritum, quem in manus Patris æterni commendasti, obtestor te, ut instans mortis tuæ influat in mortis meæ instans, illudque in conspectu SS. Trinitatis gratum, atque pretiosum reddat.

Jesu agonizans, & moriens in Cruce pro me, ibidemque orans pro crucifixoribus tuis Patrem; obsecro, ut ores quoque eundem pro me crucifixore tuo, impetresque mihi mortem sanctam, & charitate perfecta consumatam.

Jesu agonizans, & moriens in Cruce

pro me ; stillantem amore mei sanguinem tuum colligo , & lambo devotus ; optans simul ac petens à te , ut in hora mortis meæ adesse mihi præsens cum gloriosa Matre tua , Sanctisque tuis digneris , adnumereresque me electis tuis , & in agonis meæ momento secundum magnam misericordiam , copiosamque redemptionem tuam miserearis mei.

Quidam religiosus, ut refert Casarius, impetravit sibi gratiam ex hac vita migrandi sine purgatorio ad Cælum hac oratione .

DOMINE Jesu Christe, propter illam amaritudinem mortis, quam pro me miserrimo peccatore sustinuisti in Cruce, maximè in illa hora, quando nobilissima anima tua egressa est de corpore tuo sanctissimo; deprecor te, miserere animæ meæ in egressu suo, & perduc eam in vitam æternam. Amen.

Ad Beatissimam Virginem.

MATER Dei, memento mei nunc, & in hora mortis.

Adsis mihi, Domina, in omnibus actionibus meis, nec me deseras in hora mortis.

O Sanctissima Virgo, per pretiosissimam

nam mortem tuam , & illos actus amoris Dei, quos tunc elicuisti; per omnem misericordiam, qua ulli succurristi, memento mei nunc, & tunc . Gere curam mei finis , ut tua defensione munitus ingrediar beatam æternitatem . Experiat te Matrem pulchræ dilectionis , & timoris, & agnitionis, & sanctæ spei.

Per te accepi gratias, pia Mater, per tuas etiam manus commendo , & offero spiritum meum Deo meo ; ut illum videam, & amem in æternum.

O Jesu , rogo te per Mariam : ò Maria, rogo te per Jesum: ò Jesu, & Maria, rogo vos per SS. Trinitatem: ò SS. Trinitas, rogo te per amorem, quo te amas, miserere mei , ut felix moriar ad maiorem tuam gloriam , & amorem , ut vos amem in æternum.

Ad SS. Angelos, & omnes Sanctos.

SUCCURRITE, subvenite ò vos omnes beatissimi Spiritus, Sancti Angeli Dei : & cum in extremis vestram opem non amplius implorare potero , ite me deferite.

Sancte Angele custos, defende me in hoc prælio , ut non peream in tremendo iudicio.

Sancti Dei omnes intercedere dignemini pro animæ meæ salute.

Moriatur animam meam morte Justorum, sed vivat prius vita Justorum. Amen.

H O M A G I A

In vita & morte Deo præstanda.

Reddite quæ sunt Dei Deo.

Matth. 22.

AGNOSCO TE, ò mi Deus, ut supremum Dominum meum, primum principium, & ultimum finem meum, authorem naturæ, gratiæ, & gloriæ: & profundissimæ cum humilitate te adoro Dominum vitæ & mortis, tibi que sponte sacrifico vitam meam.

Credo te, mi Deus, unum in essentia, & trinum in personis, Patrem, Filium, & Spiritum sanctum. Credo, teneo, ac profiteor fidem illam, quam Christus docuit, quam prædicaverunt Apostoli, quam Sancta Romana Dei Ecclesia docet ac profitetur, & singulos catholicæ Fidei articulos paratus sum sanguine meo subsignare, & morte mea confirmare.

Spero, misericors Domine, per sangu-

guinem & merita Jesu Christi, ab infinita bonitate tua, ac clementia remissionem peccatorum, quibus te summum bonum meum gravissimè offendi. Spero firmissimè me à paterna liberalitate tua obtenturum gratiam copiosam, & gloriam sempiternam.

Amo te, amabilissime Deus, ex toto corde meo super omnia, propter infinitam bonitatem tuam. Vellem, si possem, amare te illo amore, quo te amant omnes Sancti. Fac, ut in æternum amem te in regno amoris & beatitudinis.

Gratulor tibi de te. Gaudeo de infinita gloria tua. Gaudeo de divinitatis tuæ thesauris infinitis. Utinam cum Electis & Sanctis tuis possem amore ac laudare te, gaudere de te, & gratulari tibi.

Detestor omnes cogitationes præsumptuosas, quas spiritus malignus in mortis meæ articulo posset inspirare, humiliterque confiteor, me non posse habere ex me ipso nisi nihilum, nisi peccatum, nisi damnationem æternam. Ac proinde, Domine Deus, te solum & unicum authorem salutis, & felicitatis meæ agnosco.

Pro omnibus & singulis beneficiis tuis, mihi quomodocunque in tota vita mea, & ante vitam præstitis, & post vi-

ram præstandis , gratias ago tibi , mi Deus , quantas possum , & quantas omnes Sancti obtulerunt & offerent . Deinde ago tibi gratias pro omnibus proximorum , & creaturarum omnium bonis .

Nolo quicquid non vis , ò Deus meus : volo quicquid vis . Doleo quòd fuerit tempus , in quo nolui quæ volebas , & volui quæ nolebas .

Spiritum meum non alibi , quàm in suavissima tua voluntate , Jesu Christi latere , pretiosissimæ Parentis meæ manibus , Ecclesiæ Romanæ Catholicæ fide emittere , atque deponere , exeuntem ex hoc corpore volo , atque cupio .

Non merui quidem te , mi Deus , videre beatificè , nec merebor in æternum : cupio tamen æstuantissimis desideriis videre te , quia tu me ad hunc finem condidisti , sanguine Filii tui redemisti , gratiam largiris , & merendi per Christi sanguinem facultatem .

Desiderium bonæ Mortis.

Cupio dissolvi, & esse cum Christo.

Rom. 7. 24.

O Pro mori : quia mortalis sum naturâ meâ , & Dei Creatoris mei
 sic

fic factus sum voluntate ; fiat ergo voluntas ejus.

Opto mori: in testimonium & protestationem, tum supremæ potestatis, dominique in me divini, tum totalis meæ, rerumque omnium à Deo dependentiæ.

Opto mori : ut primi originalis peccati poenam , etiam mihi justo judicio Dei inflictam, exolvam morte, tandemque illud finaliter expiem.

Opto mori : ut sim extra periculum omne peccandi , vel in minimo contra dignitatem , majestatem , sanctitatem , & bonitatem Dei mei.

Opto mori, ut sequar exemplum pretiosissimæ Dei Matris Mariæ Dominæ meæ : quæ carens alioqui moriendi debito , mori tamen voluit & ipsa , ut sua morte mortem Filii honoraret.

Opto mori: ut in articulo mortis meæ omnes Dei mei voluntates circa me absolutissimè impleantur.

Opto mori: ut citiùs finem ultimum, ad quem creatus sum, assequar.

Opto mori : ex desiderio quamprimum accedendi ad Sanctos , eosque videndi cum pretiosissima Dei Matre ; Verbi quoque incarnati sacratissimam Humanitatem: præ omnibus autem Trini & Unius Dei essentiam ; ut mediante mor-

morte mea, tandem Deo æternaliter ac beatificè conjungar in gloria cõsumata.

Opto mori: ne amplius exosâ vitâ meâ alios scandalizem.

Opto mori: ut in Ecclesia sepultus, nunquam ampliùs avellar, & recordam à præsentiâ augustissimi Sacramenti.

Opto mori: ut finaliter de thesauro Ecclesiæ, Sanctorumque communione participem.

Aspirationes Morientis.

PATER in manus tuas commendo spiritum meum. *Psal. 39.*

Cupio dissolvi, & esse cum Christo. Infelix ego! quis me liberabit de corpore mortis hujus? *Rom. 7. 24.*

Educ de custodia animam meam, Domine, ad confitendum nomini tuo: me expectant justî, donec retribuas mihi. *Psal. 141.*

Lætatus sum in his quæ dicta sunt mihi, in domum Domini ibimus. *Psal. 121.*

Paratum cor meum, Deus, paratum cor meum tibi, & ad te. *Psal. 56.*

Ecce sponsus venit, exeamus obviam ei. *Matth. 25.*

Quemadmodum desiderat cervus ad fontes aquarum, ita desiderat anima mea ad te, ò Deus. *Psal. 41.*

Siti-

Sitivit anima mea ad Deum fontem vivum, quando veniam, & apparebo ante faciem Domini. *Psal. 41.*

Misericordias Domini in æternum, canabo. *Psal. 88.*

Adjuro vos filia Jerusalelem, ut nuntietis dilecto meo, quia amore langueo. *Cant. 5.*

Tædet animam meam vitæ meæ, quia non video Deo Deorum in Sion.

O quando vacabimus & videbimus, videbimus & amabimus, amabimus & laudabimus? ò quando erit finis sine fine? *S. August.*

O Fons vitæ perennis, quando sitim meam extingues in me! ò beata æternitas, & æterna beatitudo, quando perenabo in te?

Jesu & Maria dulcissimi mei amores; patiar ego, moriar ego amore vestri: totus sum vester in æternum.

Æterna sapientia, dulcissime Jesu; absorbeat, quæso, medullas & viscera animæ meæ ignita & melliflua vis amoris tui: ut amore amoris tui moriar, qui dignatus es pro me indigno in ligno Crucis mori. *S. August.*

Jesu nostra redemptio, amor & desiderium, Deus Creator omnium, Homo in fine temporum. Quæ te vicit clementia,

tia, ut ferres nostra crimina? *Hymn. Eccl.*

Desidero te millies, mi Jesu, quando venies? me lætum quando facies? me de te quando saties? *S. Bernardus.*

Mori desidero, ut videam Christum; vivere renuo, ut vivam cum Christo. *S. August.*

Eja Domine, moriar ut te videam: videam ut hîc moriar. *Ibidem.*

Veni Domine, & noli tardare, veni Domine Iesu, & visita me in pace. Veni & educ vinctum de carcere &c.

Suspiria coram Christi crucifixi effigie.

AGNOSCE, ò Domine, creaturam tuam, non à diis alienis creatam, sed à te solo Deo vivo & vero. Ne me perdat, Domine, iniquitas mea, quem fecit omnipotens bonitas tua.

Respice, Domine sancte Pater, de excelso cœlorum hâbitaculo. Ecce vox sanguinis fratris nostri pro nobis clamat ad te de Cruce. Audi Pater vocem sanguinis Filii tui.

Respice, pie Pater, innocentes manus Filii tui, quæ distillant pretiosum sanguinem, ut dimittas iniquitatem meam. Intuere illud lanceâ perfossum pectus, & amore mei apertum cor, meque ex sacro illo fonte renova. Desige

ocu-

oculos, ò Pater cœlestis, in faciem hanc dilecti Filii tui, & in membra conquassata Christi tui; & per miseras, quas ille amore mei sustinuit, miserere mei.

Eja dulcissime Redemptor Domine Jesu, per illas lacrymabiles voces, quas in Cruce moriturus edidisti: Deus Deus meus quare me dereliquisti; ne quæso derelinquas me in hora mortis meæ.

En suavissime Jesu in manibus, in pedibus, & in toto corpore descripsisti me. Cernitur in toto corpore sculptus amor: lege scripturam tuam hanc, & salva me.

Respice in me oculis misericordiæ tuæ, Domine Jesu, Rex æternæ, Deus & homo crucifixus propter hominem. Exaudi me sperantem in te: miserere mei pleni miseriis & peccatis, tu qui fontem miserationis nunquam manare cessabis.

Recordare, Domine, creaturæ tuæ, quam tuo sanguine redemisti. Illa ovis amissa ad pastorem meum redeo: vocem tuam novi non alienorum. Potesne vocem spernere balantis oviculæ tuæ; & fugientis ad te?

Scio equidem, me conspectum tuum non mereri: quia dum vitam meam considero, confusio est mihi potius appel-

lan-

landa, quam vita. Sed in spiritu humilitatis, & in animo contrito suscipe me, o bone Jesu, salus & vita mea. Suscipe me secundum magnam misericordiam tuam, & non confundas me ab expectatione mea. Aperi mihi properanti januam vitæ, & principes tenebrarum non occurrant mihi. Tua me manus inducat in locum refrigerii, & vel in ultimam mansionem ex iis, quas parasti servis tuis timentibus te.

*Orationes pro omnibus Christi fidelibus
ubique agonizantibus.*

O JESU Crucifixe, per merita SS. Genitricis tuæ, per merita & intercessionem SS. Angelorum, Patriarcharum, Prophetarum, Apostolorum, Martyrum, Confessorum, Virginum, & Viduarum, itemque dilectæ Sponsæ tuæ Ecclesiæ, te supplices exoramus, ut miserearis omnium illorum, qui in horra mortis constituti turbantur, & propter vehementiam hostilis impetûs vacillant.

V. Ne tradas, Domine, bestiis animas confitentes tibi.

R. Et animas pauperum tuorum ne obliviscaris in finem.

Oremus.

CLEMENTISSIME Jesu , invoca-
mus clementiam tuam per chari-
tatem illam infinitam , quæ te ad mo-
riendum pro genere humano impulit ,
ut miserearis omnium agonizantium ,
& iis condones excessus commissos co-
gitatione , verbo , & opere ; & ut sup-
pleas quod in eis desideratur , applica
illis infinita merita tuæ passionis , &
pretium sanguinis tui , quem pro nobis
effudisti.

Assistat illis S. Michaël Archangelus ,
& per manus SS. Angelorum deporten-
tur ad paradysum tuorum Electorum :
ut liberati de principe tenebrarum , &
abyssu poenarum , in consortium ve-
niant Sanctorum tuorum resuscitati
cum gloria , ut filii , & hæredes regni
tui . Amen.

CONCLUDO

Melliflui Doctoris S. Bernardi
di verbis.


DIGNUS est morte, qui tibi Domine
Jesu recusat vivere, (adeoque te
laudare, te glorificare) & mortuus est.
Propter temetipsum Deus fecisti omnia, &
qui vult esse sibi, & non tibi, nihil esse in-
cipit inter omnia.

A. M. D. G.


F. I. N. I. S.

MAG 2003088









111